

Vantiyehn Vëfayik Wade yehëhna hnë inji kayëte

Ale herëk kayëte Itëfëta nte kerëk Lik pañare Yesu ña ye ale herëk Vantiyehn Vëfayik ña. Gante nke ka namu vacërakëlo vële hwëtahnëka Yesu va ayehna Lik herëk inji kayëte.

Mpëd kayëte Vantiyehn kerik yëbëlan wabëhn wafëhw imbëd gë ryaw̄ gë wahnah gë wabëhn wafëhw imbëd gë warar g'imbëd (64 gë 85) ga ndëcëk hnagi Yesu ña, ante ndëcëko wëyas Pol ña. Njëtinëk Lik arëfëlënta Pol yeho wati wëyas walëwu ña bare gena kwëlëkwël nkelahnëniho. Njëtinëk rac kabi, kas fagant kayëte hna, rëkëk ntehnënd «fuhnë» hnë vikerëh vidëwu hna.

Age Itëfëta nte kerëk Lik ña nësahnëd soñe uwám Yesu gëd hnani, Vantiyehn Vëfayik ña nësëd vile rëfidëha va, doku vëfayik soñe ntëdahnëni mbara vële hwëtahnëk va gante-wo-gante fagant bulunda wasëwif gë vële wok vëyena wasëwif. Age wapëtala kayëte Lik ña ntehnëk Ajë Wënu ña kërënakëhni, rëk pëgw wapëgwala Vantiyehn ña Iyir Pacah ña njëdahnik ntapëhnahni.

Wëlin yëb ryampo, 1.8, ile hnëfak: «Bare yëtëryin iñin: Iyir Ipacah ña cëlid hnë wuhnë do nuñadun fanka falëwu fa do wasede mën yedun Yerusalem hna, Yude hna fop do gë Samari hna, do hafo hn'ile tëkwik duniña hna.»

Wëlin wanës wakwëhn nafa hn'iji kayëte: Pol, wasëwif, Ahwëhn, Iyir Ipacah, vëfayik, kulu, Rom, mbara vële hwëtahnëk, Wanës Wakasëk.

Wëlin gante nke kayëte ka:

Wafac warëkwa Yesu Këris nkal li (1.1-11)

Inap gë iyij Iyir Ipacah (1.12-2.13)

Ipëyahn Wanës Wakasëk Yerusalem hna (2.14-8.3)

Ipëyahn Wanës Wakasëk hnë vankol Yude gë Samari hna (8.4-12.25)

Ipëyahn Wanës Wakasëk gante-wo-gante nkal li (13.1-21.16)

Apëlaniha Afayik Pol Yerusalem hna soje cëdëniha (21.17-23.22)

Njoniha Pol Sesare hna (23.23-26.32)

Njoniha Pol Rom hna (27.1-28.31)

Iyir Ipacah nte njëd'ahnëd' Wënu ña

¹ Aÿënta mën Tewofil, kayëte ndënkwëryënk w mën hna nësëbuho fop ile pëgwëko ntind Yesu do karanjëndëhëni vahnë ÿa

² hafo hnë fac le nufiko nji g'ambin ÿa. Ani gë kayahnënd ÿa, umë nkabëkëhni gë fanka Iyir Ipacah ña vële tëhnako had vëfayik va ile rëfëka ntini ÿa.

³ Vëhni, ante mbëhnëko ña, Yesu tufëhnakëhniwo do tufëkëhniwo yabah njëtahnëni paryi nke mbëhnëk. Hnë wafac wafëhw wahnah tufëhnakëhniwo do nësëhnëhni soje Inaw' Wënu ña.

⁴ Fac ryampo, wati nte mbarëniho ña, më ntehnëkëhni: «Ant'aÿaÿëtawu Yerusalem;

napëryin ile ntehnëko Rëm njëdadëhu ÿa, umë ye uyëd ule fëyamuno wãa.

⁵ San gë wënka njaryëdëho, bare wũhnë, ani gë wafac toye, g'Iyir Ipacah iña njaryëderun.»

Kayënda Yesu

⁶ Ante mbarëniho vëfayik va gë Yesu, më tÿyëniha: «Ahwëhn, iÿi wati bi mbësaduhëhni naw' iña bulunda Isërayel ÿa?»

⁷ Më ntëkwakëhni: «Rëm ÿa fo yëtëk ante ntiyad vëÿin ña; wũhnë mawëryaniluhna ayëtu wati ma yamani ile ntiyahnëd ÿa.

⁸ Bare yëtëryin iÿin: Iyir Ipacah iña cëlid hnë wũhnë do nuÿadun fanka falëwu fa do wasefe mën yedun Yerusalem hna, Yudefe hna fop do gë Samari hna, do hafo hn'ile tëkwik duniÿa hna.»

⁹ Yesu, ga nësëk watac, nufiko g'ambin, do njëkëdënihawo vëhni fop; tac anjar cankëlehna hafo nambëniha.

¹⁰ Nkoniho ntañëniha Yesu g'ambin wati nte ñawëtahëdëho ña, tëketëni vësan vëhi vële sudak viÿi viyah haryënkw lëw hni do ntehnënihëhni:

¹¹ «Vësan vëvë Galile, soñe ye ÿëwërun aki ayëkëndu ambin ñi? Asan ale wacëdun Yesu ÿa, hnufëhnirunëha ñi g'ambin do koyëna mbokajëd.»

Ahnëmpët Yuða

¹² Awa vëfayik va matëlehnëni Kuñ Oliviye hna mbokani Yerusalem. Yëbëlan Kuñ Oliviye ña gë Yerusalem tëkëko kilo uyas gë toye.

¹³ Tëkëndëni tuñ, kayëlehnëni yañ etas hna, hnë cery ante rëkëniho nkehahnëndëni ña.

Wëlin wamac vële yeho hnam va: Piyer, gë San, gë Sak, gë Andëre, gë Filip, gë Toma, gë Barëtelemi, gë Matiye, gë Sak aju Alëfe, gë Simo nte wacëdfeho Ahahnëndak, do gë Yuda aju Sak.

¹⁴ Mawalëniho mbarëlëndëni kwëlëkwël soje yëfa gë Mari hnëmu Yesu, gë vësëval vëryampo, do gë vëheryu Yesu.

¹⁵ Fac ryampo, ante mbarëdëniho ña, Piyer matëko tase vële hwëtahnëk hna vële rëkëko mpëd keme gë wafëhw wahi (120), do ntehnëhni:

¹⁶ «Vëyënta mën, ile fëyahnik Vikerëh hna, watac tëfëkawo ntiya. Iyir Ipacah iña pëyahnik kobëri fo wës David hna soje Yuda nte ryënkwarÿëkëhniwo vële fëlaka Yesu va.

¹⁷ Aÿi asan, aryampo hnë fuhnë yentiko, do doku rac fo hwëtahnahninëkëfuno.

¹⁸ «Kaÿ lawahniko koryi ile cosiko soje iyëdfahn Yesu ña. Hnam njoko, hafo tënka donk inji, cahnëlehna wabëÿ ña.

¹⁹ Vahnë vële lëdëk Yerusalem va fop njëtaniho watac: soje umë wacahnik inji kaÿ gë wanës wadëw hni ña: “Akëlëdama.” Umë fëhnëtanëd: “Ikaÿ Wasat.”»

²⁰ Piyer më mbok ntehnëk: «Wëlin ile herik Kayëte Wahnëw hna soje Yuda ÿa:

«“Arabi tere lëwu ÿa tavi, ahnë antë ntëdfahn kwëlëkwël.”»[✧]

Mbok keru fëna:

“Arabi ahawary nuf doku lëwu ile njëdfakawo Wënu ña.”[✧]

21 Tëfëka tëhnayina aryampo hnë vële lapëhnadëhëfuno gante-wo-gante, ante njasëlehëdenëho gë Yesu Ahwëhn a,

22 koßëri ante njaryëkawo San Yesu hafo ante nufëhninëkëfuna nji g'ambin. Asan a rac nkentëde koyëna sede gë fuhnë, ibëhn dëwü ña.»

23 Awa, ga nësëk watac Piyer më tahnënihëhni vësan vëhi: Matiyas, gë Yosef, nte wëcëdeho Barësabas, (wëcako fëna Yusëtis).

24 Awa vële hwëtahnëk va më njëfani aki: «Wëjë, Ahwëhn, njëtëru iña vahnë ña fop; tufëryifuna bi mo rëhnaru hnë vëyi vësan vëhi

25 Soje nke afayik nëmpëta Yuda nte yik gë yëwë ile rëfëka.»

26 Tac njëlëniho wanjël njëtahnëni bi mo yed. Awa, më tufahnëk Matiyas ye. Nkwënëlehnëniha vëfayik pëhw g'aryaw hna.

2

Itëk Iyir Ipacah iña hnë fac Pantëkot

1 Ga tëkik fac Pantëkot yä, vële hwëtahnëk va sëñ ryampo fo mbarëläniho.

2 Tañ wëñaw matëlehni g'ambin. Nkeho had wëñaw sël hwëhn fanka, do pëbëlehn hnë tere le ntañahnëniho hna.

3 Wati rac dënk, nulehnëni waryëw wale wëntëlëk gë humpen hwëdëh. Pitëlëlehn tindahni ale-wo-le nkaf hna vëhni fop.

4 Pëbëlehnëhni tañ vëhni fop Iyir Ipacah iña,

pëgwëlehnëni nësëndëni vanësa vakaŵary, ale-wo-le gante njëfadëhawo Iyir Ipacah nësënd ka.

⁵ Hara, wati rac, wasëwif wale ŵatiko duniŷa ŷi fop, Yerusalem hna nkeniho; ntënënedënihawo Wënu ŷa.

⁶ Ga nkwëryik wëñaŵ watac, më mbarëpëlëni. Pëmpëhnahnëkëhniwo dus vëhni fop, kabi ale-wo-le hnë vëhni nkwëryëdëhëhniwo ga nësëdëni wanës wadëŵu ŷa dënk.

⁷ Pëmpëhnahnëkëhniwo dëcët do ntehnëdëniho: «Vëŷi vahnë vële hnësëd vi, vëyena bi fop vëvë Galile?

⁸ Awa, hak kolahnëbun wëryëndëfuni, ga nësëdëni ale-wo-le wanës wante yëŵëbun ŷa?

⁹ Vëryampo hnë fuhnë Parët matiniho, gë Medi, gë Elam; nkeniho vële lëdëko Mesopotami, do gë vëvë Yude, gë Kapados, gë Pon, do gë Asi;

¹⁰ gë vëvë Fërisi, gë vëvë Pampëfli, gë Esipët, do gë waresiŷo Libi ile ye darël ankol Siren; do gë vële ŵatik Rom,

¹¹ gë vëvë Këret, do gë vëvë Arabi; vëryampo wasëwif naginiho, do vëryampo calinjëniho caliŷa wasëwif. Nkwëryëdëfunëhëhni fuhnë fop, ale-wo-le gë nësa ntëŵu ŷa, ga nësëdëni soŷe wadoku wapërën wade ntid Wënu ŷa!»

¹² Vëhni fop pëmpëhnahnëkëhniwo dus do vëyëtëlohna ile nahadëni; ntehnëlëdëniho vëhni fop: «Ye ga ye iŷin?»

¹³ Bare vëryampo njafaŷëdënihëhniwo vële hwëtahnëk va ntehnëndëni: «Vëŷi uñen ndëwëni!»

Ile nësëhnëkëhni Piyer kore ŷa

14 Awa Piyer gë vëfayik pëhw g'aryaw
va kahnëniho do ndekahnëhni kore ŷa:
«Nëparyino dus, vëŷenta mën wasëwif do
gë fop wëhnë vële ye Yerusalem vi: gwëryëryin
ile ryëcëtaď ŷa.

15 Nahadun vëŷi ndëwëni bare vëryëwëna!
Cahnëfëď fo wok do sëwif cedina muk iŷi wati!

16 Iŷin hawary ye, ile nësëko kila ile waciko
Sowel ŷa:

17 «Wënu ŷa më lehnëko: “Wëlin ile rëkid ŷa:
wafac warëkwa hna:
campehnëďëfu Iyir mën iŷa vahnë hna fop;
vijë hun gë vëryag hun va nësëďëni wanës
Wënu ŷa had wakila,
tufëďëfuhëhni vëjar hun va
do gë vicër va viŷë gë hudakery.

18 Ha, campehnëďëfu Iyir mën iŷa vëryokun
mën hna, vësan gë vësëval,
hnë wafac warac, do rëkëď
nësëndëni wanës Wënu ŷa had wakila.

19 Ntidëfu viŷë vifëmpëhnahnah yaŷ, ambin
hna,
do gë wëdahëse hnani gëď nkal li:
umë yeď wasat gë hwëďëh do gë vëŷar hwëcic,
20 do ulav wã kuyëď

do ulepera wã mbëntëď had wasat.
Umë fop nkeď tëkahnind fac Ahwëhn a,
fac sankaf ryëwayik hn'ile mbokahnid rac.

21 Do pehëtëďëhëhni fop vële wëcadëha va.”✧

²² «Nëparyin dŭs, vahnë vëva Isërayel, ile ÿadëmu hnësëhnu ÿa: Yesu mbë Nasaret, gante njëtërun ki Wënu ña ntiyehnëdëhawo viÿë vifëmpëhnahnah tase hun, gë wëdahëse do gë vile nkok nahana ahnë. Tufëku umë fayika.

²³ Umë Wënu ña njëdakuna gante pëhnako ka, gante kahnëndëko kobëri ka. Do wuhnë njëdarunëha vële wok vëlënënëna Sariya Moyis va pakëniha hnë kërëwa aryaŵuna.

²⁴ Bare Wënu ña mbëhnëndanëka, pëhëtëka cëm hna, tufahnëk icëm ña kodina pëlahna hn'ucankaf ntëŵu hna.

²⁵ David nësëko soñe Ahwëhn a:
«“Nudëfuhawo kwëlëkwël Ahwëhn a haryënk
mën,
g'irëhw mën nke soñe wowu hahnëndaŵ.

²⁶ Soñe umë pëbahnëka ntaŵary mën ñi urisah do wës mën ÿa uhnatah njëŵëd,
wëla mbahn mën ñi ikwëtahn hna njinëgad;

²⁷ Njëtëbu tavëdilihna dŭniÿa vësëm hna,
tavëdilihohna aryokuñ hu yëlu yag hna.

²⁸ Njëtëndanëruho ankaŵ nte yid
gë dŭniÿa le wok puđina.
Igelahn gë wëjë ña natëdëho dŭs.”✧»

²⁹ Piyer më mbok ntehnëkëhni: «Vëÿënta mën, paryi nke David nësëko koyëna bare njëtinëk wapacëk cëmëk do mbañik. Iyag dëwu ña hafo dol ÿal fu li nkok.

³⁰ Awa, paryi nke kila yeho do njëtëko Wënu ña ntëkëhnëkawo ntehnë aryampo hnë vutah vuntëŵu hna nëmpëtëdëha ucankaf ña.✧

31 Koyëna David kobëri fo njëtëko soje ibëhn Këris ɲa, do umë nësëdëho, ante ntehnëdëho Wënu ɲa tavëdilahna duniya vësëm hna, do tavëdina mbahn dëwu ɲa nkël.*

32 Wanës wadëwu ɲa soje iyin nësëd Yesu, ale mbëhnëndanëk Wënu ɲa, do fuhnë fop wasede yeyinëk.

33 Tac nufik soje nji ntaña laña hnëfak hna g'irëhw Wën. Do tame, gante ntehnëko Wën Rëm ya, nuɲak hnë umë Iyir Ipacah iɲa do campehnëk hnë fuhnë. Umë ye ile hnuɲun do wëryëdun iyi wati yi.

34 Awa David, umë kayëna g'ambin had Yesu. Do kat më lehnëk:

«Ahwëhn a Wënu ɲa më lehnëka Ahwëhn mën a:

'Yij alaña g'irëhw mën

35 hafo hale këfëdëfuhëhni vële yëwëki va haryënkwa hu.' "✧

36 «Awa wëli ile rëfëka njëtëni wapacëk fop bulunda Isërayel ya: ayi Yesu nte fakërun kërëwa ɲi, Wënu ɲa ntika Ahwëhn gë Arëhnayik.»

37 Wanës wadëwu ɲa ntavëkëhniwo dus vële wëryëkawo va. Umë tëyëniha Piyer gë vëfayik vëyëntaɯ va: «Vëyënta fu, ye rëfëka lifu?»

38 Piyer më ntëkwakëhni: «Gwëcëtaryin vankeya hun va do ayaryiwu ale-wo-le g'uɯac Yesu Këris wã, tavëhnahnu Wënu ɲa wameh hun ɲa. Awa njëdadëhuna Iyir Ipacah ɲa.

✧ 2:31 2.31: Wahnëw 16.10 ✧ 2:35 2.35: Wahnëw 110.1

39 Yëtëryin, inji Iyir Ipacah ɲi nte ntehnëk Wënu ɲa njëfadëhuna wũhnë hwëhnëk gë vutah hun va, do vële wok vëyena wasëwif va: umë ye fop vële macëd Ahwëhn a Wën fu ɲa.»

40 Piyer mboko nësëhnëhni wanës wakaŵary wayabah soɲe maŵehnahnehni do kamënaŷehnahnehni, ntehnëdëhëhniwo: «Maŵëryin ipëh ɲa, pitaryinëhni vahnë vëwën vëvë gaki vi!»

41 Awa vahnë vëyabah hnë vëhni maŵëniho wanës Piyer ɲa do ntiniho njaryini. Do hnë fac rac təkëniho vahnë wawuli warar vële wënako kore vahnë vële hwëtahnëk hna.

Ankeya vële hwëtahnëk

42 Kobëri tac, pabëniho nëpa wanës wante karaɲëdënihëhniwo vëfayik ɲa, do nkeni ndampo fo vëhni fop, tokëdëniho ndampo fo do njëfadëniho ndampo fo.

43 Idak Wënu ɲa pëbëkawo ale-wo-le, kabi ntiyëhnëkëhni vëfayik va wëdahëse wayabah gë viŷë vifëmpëhnahnah viyabah.

44 Fop vële hwëtahnëk va ndampo fo nkeniho do cahëldëniho fop ile kwëhnaniho ŷa.

45 Wëla watere wadëw hni ɲa nkwaŷëdëniho do gë ile kwëhnani ŷa do cahëldëniho koryi ŷa vëhni fop, ale-wo-le gante mbalëka ka.

46 Fac-wo-fac, mbarëldëniho selele Cery Wën Cankaf hna, do gë watere hna soɲe gubëlehn mburu ɲa g'uhnatah do g'intawary pacah.

47 Tëfëtađëniho ifërën ile ntidëho Wënu ŷa do vëvë Yerusalem va fop ñadënihëhniwo. Awa

Ahwëhn a kwënëdfëhëhniwo fac-wo-fac vële pehëtëdfëho va.

3

Iyërën ale wok kodina njas

¹ Fac ryampo, Piyer gë SanCery Wën Cankaf hna njidëniho soņe iyëfa bë wati rarëna g'anent hna.

² Nkeho asan ale cëmëko wakwër kobëri nte nagiko ŋa yiryeryëdfëho hnë rënka le wacik «Wamah» hna. Fac-wo-fac njodëho hnam soņe muntandëhni vële rënkëd Cery Wën Cankaf va.

³ Ante nukëhniwo Piyer gë San ga nkëhnëni tënkëni Cery Wën Cankaf hna, më muntakëhni koryi.

⁴ Vëfayik vëhi va më ntaņëniha do Piyer më ntehnëka: «Yëkëryifu.»

⁵ Asan a më njëkëkëhni wapacëk kabi ntiyahnekawo nuŋad iñë hnë vëhni.

⁶ Piyer më ntehnëka: «Wëla dälasi kwëhnala, bare ile hodëfu liwu ŋa ntinëndëmi: g'uŋwac Yesu Këris mbë Nasaret ŋa, matëry ayas!»

⁷ Tac taņ më pëlaka vák rëhw ŋi ndemahna mat. Taņ, wakwër ŋa njawëlehna,

⁸ umë ntoņak kahn do pëgwëlehn njasënd. Tac tënkëntëlehn gë vëhni Cery Wën Cankaf hna: njasëdfëho ntoņatënd uhnatah wã do cëmbëdfëhawo Wënu ŋa.

⁹ Kore ŋa fop nunihawo koyëna ga njasëd njëwatënd icëmb Wënu ŋa.

¹⁰ Njavëtiko paryi umë lañadëho «Rënka Wamah» Cery Wën Cankaf hna kwëlëkwël muntand. Ga nuyik ile yehawo ŋa, vahnë va

pëmpëhnahnëkëhniwo d'us do vëyëtëlohna ile nahadëni.

Wanës Piyer ña Cery Wën Cankaf hna

¹¹ Vahnë va nuniho asan a tavëdilëhniwohna vëhni Piyer gë San. Soñe umë nkaryëniho kwërënihëhni nder cankaf nte w'acik Salomo* hna do pëmpëhnahnëkëhniwo.

¹² Ga nuk Piyer watac, më ntehnëkëhni: «Vahnë vëva Isërayel, soñe ye pëmpëhnahnëku g'inqi yërën? Soñe ye lajërünëhëfu? Wëjë lehnëk imëk dëw' fu dënk ma usatah lëw' fu kahnahnëk njasënd ayi asan?

¹³ Wën Abëraham, gë Wën Isak, gë Wën Sakob, Wën vacërakëlo fu va fop tufahnëk nafa sankaf aryokuñ alëwu ya Yesu. Njédahnërunëha vëhni Pilat hna. Umë ñadëho tava bare w'uhnë ñwëyërunëho.

¹⁴ W'uhnë ñwëyërunëha Afacah, Asatah a. Pecehnu arëyu a'wawëryahniwu tavi ale ryawëka ahnë bare w'uhnë ñwëyërunëho.

¹⁵ Koyëna ndawërunëha ale yëdahnëdëho uwám w'a duniya li. Bare Wënu ña matëndëka vësëm hna do wasede yebun.

¹⁶ Kabi kwëtahnëbunëha Yesu, fanka w'ac lëwu w'a njawënenëka asan ale hnu'dun do yëtërun ayi. Ha, soñe kwëtahn inte hwëhna'bun gë Yesu ñi njërahnëk ayi asan gante nu'dun w'uhnë fop ki.

¹⁷ «Tame, vëyënta mën, njëtëbu d'us w'uhnë gë vësankaf hun vi yëtëluhna ile pëhnëtanëd ile lirunëha Yesu yi.

* **3:11 3.11** Salomo aju David yeho, ahna'w' Isërayel had rëmu. Umë vëryehnéko Cery Wën Cankaf ña do njëtiko soñe yasery yalëwu (1 Vëhna'w' 6; 1 Vëhna'w' 5.9-14).

18 Bare Wēnu ŋa ntik koyēna ile nēsēniho wakila ŋa fop kobēri ŋa. Umē ye: Arēhnayik, ale ntehnēko payidēha ŋa, korotēd.

19 Awa tame gwēcētaryin vankeya va asahētawu gē cape Wēn pēhwēcēhnahnu wameh ŋa.

20 Koyēna Ahwēhn a Wēnu ŋa maŋwēryanēdēhu ayinēgawu, do mbokēd cañtēhniwuna Yesu, ale tēhnako kobēri ŋa soŋe lēw hun ŋa.

21 Yesu g'ambin ñēwēd ten hafo wati le mbokajēd nkwēcēt fop, hafo mboka caŋ, gante nēsēko Wēn ka hnē wawēs wakila wacēvah wabē kobēri ka.

22 Koyēna Moyis mē lehnēko: “Ahwēhn a Wēn hun ŋa cañtēhniwuna kila g'ami ki. Avē bulunda hun yed. Ge tēkik afo ahnēpawuna fop ile ntehnēdēhu ŋa.

23 Ale wēyēd maŋwēhna iŋi kila ŋa ndawēde do cani bulunda Wēn hna kwēlēkwēl.”☆

24 «Ha, wakila wante hnēsēdēho, kobēri Samiyel ŋa, vēhni fop pēyahneni wati le yehah-ninēk dol ŋi.

25 Vutah wakila watac va yerun do nken-tahnirun akwētēla nte kwētēlēniho Wēnu gē vacērakēlo hun va ante ntehnēkawo Abēraham: “Hnē ale hnagik hnēnk lēw hu njēdēdēfuhēhni wabulunda wabē nkal ŋi fop.”☆

26 Soŋe hun ten Wēnu ŋa canika Aryokun alēwū ŋa, payika ndemaŋu aravu wūhnē fop vankeya vameh hun va.»

☆ 3:23 3.23: Divēta Sariya 18.15,18,19 ☆ 3:25 3.25: Wapēgwala 22.18

4

Piyer gë San haryënkw vëhitiŋ hna

¹ Wati nte nësëhnëdënihëhniwo Piyer gë San koyëna kore ŷa, tëkiniho vësëna wasadëha vëryampo, tëfëlini g'asankaf vële yëkad Cery Wën Cankaf va do gë wasaduse wã.

² Ntavëkëhniwo d'us gë vëfayik vëhi va soŋe ile karanëdënihëhniwo bulunda do pëyahnehnëdëniho vësëm va mbëhnëdëni kabi Yesu mbëhnëk.

³ Awa më pëlanihëhni cëdëhnënihëhni hafo ge pacëk, kabi tëko mëd.

⁴ Bare hnë vële wëryëko wanës vëfayik va, vëyabah kwëtahnëniho, do iyab vële hwëtahnëk na nkëhnëko təkëni vahnë wawuli mbëd.

⁵ Ga pacëk vësankaf wasëwif va, gë vicër bulunda va do gë vëharan sariya va mbarëniho Yerusalem hna.

⁶ Nkeniho hnam Anas, asëna wasadëha asankaf a, gë Kayif, gë San, g'Alekësandër do gë fop vësëna wasadëha viyëntaw vële nkeni hnënk g'asëna wasadëha asankaf a.

⁷ Umë cëdëtijini vëhni, Piyer gë San, kahnëndënihëhni haryënkw mbara ntëw hni hna do tëyënihëhni: «Gë iŷëhne fanka, umë ye, g'uŷac mo ntihantun iŷin?»

⁸ Awa Piyer, pëbëkawo Iyir Ipacah iŋa, më ntëkwakëhni: «Vësankaf do gë vicër bulunda,

⁹ dol tëyëdëbun soŋe ufërën ule linëhnëbunëha asan ale woko kodilohna njas, umë ye, gante njërënik ka.

¹⁰ Awa, yëtëryin w̃uhnë fop, arabi bulunda Isërayel yi fop njëtëni: g'uw̃ac Yesu Këris mbë Nasaret ntantibun iyin. Yesu nte fakehnërun na do Wënu na mbëhnëndanëka vësëm hna, soje lëwu kahnahnëk ayi asan, ani haryënkw hun, g'imbahn kendenj.

¹¹ Yesu ye

«itaka inte cañëtaniho vëvëry cery na do ye tame inte mbëryahnëk Wënu na cery ntëwu na fop.»[☆]

¹² Hnë umë fo nke ipëh ina. Duniya li fop, Wënu na kobëri canëtëlahna ahnë ahaŵary ale hodën tëfin pëhëtahninëfu.»

¹³ Vëhitinj vësankaf va pëmpëhnahnëkëhniwo d̃us, kabi nunihëhniwo vëhni Piyer gë San g'ikwëtahn nësëdëniho do njëtaniho fëna vëhni dënk vësan vëhwëhn uyët këm fo ye; do njavëtënihëhniwo tañ vëréfal Yesu yeho kobëri na.

¹⁴ Kabi nunihawo asan ale yërëniko ya, ga kahnëk darël lëw̃ hni, ñoñ vëhwëhnalohna ile nësëdëni.

¹⁵ Awa më ntehnënihëhni cahnëni Mbara Vëhitinj hna do pëgwëlehnëni nkwajëlëndëni vëhni fo:

¹⁶ «Hak ntidenëhëhni vëyi vësan? Vëvë Yerusalem vi fop njëtëni wapacëk vëhni lik viyë vifëmpëhnahnah vi do kodëlënëhna nkwajin.

¹⁷ Karañ dëw̃ hni ni tëfëlahna camp g'ahaŵary bulunda hna. Tëfëka mbañëhñinëhni antë mbok nësëhnënihëhni vahnë soje Yesu.»

[☆] **4:11 4.11:** Wahnëw̃ 118.22

18 Tac më mbok macënihëhni Piyer gë San do mbañëhnënihëhni antë mbok nësëni ma karanënihëhni vahnë soje Yesu.

19 Bare më ntëkwani: «Yëkëryin w̃uhnë dënk: cañëk bi haryënkW Wën hna aŵaŵëhniwu, hara gena ŵaŵëhnëfuna umë.

20 Ge fuhnë ye kodilëfuhna ravëfu inës ile hnuhun do wëryëbun ŷa.»

21 Ga mbok ñañënahñënihëhni kat vëfayik va, tavëlehnënihëhni; vëhnuŷalohna fere nti-hahnënihëhni wameh, kabi bulunda ŷa fop cëmbëdënihawo Wënu ña soje ile njërënik asan a.

22 Asan arac kwëhnako ile lëbik wabëhn wafëhw wahnah.

Iyëfa vële hwëtahnëk

23 Piyer gë San, tavëndeni tun, njilehnëni tan gë vële hwëtahnëk vëŷëntaŵ pëyanihëhni fop ile ntehnënihëhni vësankaf vësëna wasadëha va gë vicër vëŷëntaŵ bulunda ŷa.

24 Ga nëpanihëhni, vëhni fop, pëgwëlehnëni njëfandëniha aki Wënu ña: «Ahwëhn, wëjë lik ambin ñi, g'inkal inji, gë wov ŷi, do gë fop ile yehëhna hnam ŷa.

25 Gë fere Iyir Ipacah ña njëdaruha acërakëlo fu David, aryokuñëhn hu ŷa, nës:

«“Soje ye ntavëkëhni aki wayal w̃i?

Soje ye nkwajëlëdëni ntini wabulunda ñi ile wok kodina nke?

26 Vëhnaŵ vëvë nkal vi pëhwëtani wët ŵa.

Ha, vëvë haryënkW bulunda va nkwëryëlëni ñwëŷëniha Ahwëhn a Wënu ña gë Arëhnayik alëwu ŷa.”

27 Paryi nke, hn'iŋi naŵ, Erođ gë Pos Pilat nkwëryëlëni gë vële wok vëyena wasëwif va do gë bulunda Isërayel ŷa, këfëniha aryokuŋ asëvah alëŵ hu ŷa Yesu, ale rëhnaru ŷa.

28 Bare ile ntini ŷi fop, gena haŵary ile fëhnaruho wëjë dënk kobëri ŷa fo ntini.

29 Tame, Ahwëhn, nëpary gante ŋañënahnedënihëfu ka, do njëdaryihni, vëryokuŋ hu va, pëyahnëni wanës hu ŋa g'ikwëtahn pëbah.

30 Tufahnëry fanka hu fa gë fere wëdahëse wapëmpëhnahnah njërënahnenihëhni vahnë va g'uŵac Yesu, aryokuŋ hu asëvah ŷa.»

31 Ga puhnani iyëfa ŋa, pëgwëlehn nënkand hn'ile mbarëniho hna. Pëbëlehnëhni vëhni fop Iyir Ipacah iŋa do pëgwëni pëyahnëndëni wanës Wënu ŋa g'ikwëtahn.

Idemal vële hwëtahnëk

32 Fop vële hwëtahnëko va nkwëryëlëniho g'intawëry do g'inahan pacah, nkeni ndampo fo. Cehëlëdëniho fop ile kwëhnani ŷa do ahnë dehnëdëfilohna ile kwëhnaŋ ŷa umë fo hwëhnëk.

33 Vëfayik va pëyahnëdëniho ibëhn Ahwëhn a Yesu gë fanka sankaf do Wënu ŋa njëdadëhëhniwo fop ile valëdëhëhniwo ŷa.

34 Hnë vëhni fop ahnë gojëlawohna iñë, kabi vële hwëhnako wëhaŷ ma watere va nkwafëdëniho wati wati, do njojëndëni koryi ŷa

35 njëdandënihëhni vëfayik va: vëhni, cehëlëndënihëhniwo vëhni fop do ale-wo-le, gante mbalëka ka, nuŷadëho.

³⁶ Nkeho hnam asan ale w̄aciko Yosef. Avë hnënk Levi yeho do Sipër hna nagiko. Vëfayik va Barënabas macënihawo, umë fëhnëtanëd «asan ale hamënaÿehned».

³⁷ Asan arac hwëhnako kaÿ nte nkwafero do njo koryi ÿa, njëdahnî vëfayik va, soÿe vële mbalëd va.

5

Wamër Ananias gë Safira

¹ Nkeho fëna asan ale w̄aciko Ananias. Nkwëryëlëniho g'asëvalu, Safira, nkwaferi kaÿ nte kwëhnaniho ña.

² Naÿëtëko koryi ÿa tac nji njëdahnî vëfayik va ile wok ÿa, do asëvalu njëtëko.

³ Awa Piyer më ntehnëka: «Ananias, soÿe ye w̄awëru Sintani tënki hafo pëb ntaŵary hu hna? Mërëhnëruha Iyir Ipacah ña, naÿëtëru koryi ile wafahnëru kaÿ dëw̄ hu ña!

⁴ Awafahnënd ÿa wëjë hwëhnëko kaÿ ñni, do nte nkwaferu ña fëna gena bi wëjë hwëhnëko koryi ÿi? Hak kolëru ahnaha hafo ali koyëna? Gena vahnë wërëhnëru, Wënu ña wërëhnëru.»

⁵ Ananias, ga nkwëryëk watac, njok cëmëlehn tañ. Fop vële yëtako watac va ntakëkëhniwo duf.

⁶ Vëjar njilehnini përyëni iñas ña tac njoni mbañëni.

⁷ Ga ndëcëk wëwati warar, asëvalu Ananias təkëlehn, hara yëtëna ile liyak hnam ÿa.

⁸ Piyer më tÿëka: «Pëyarye, kaÿ nte wafërun ña, koryi lëwu ÿi aki bi nke?»

Më ntëkwaka: «Ha, aki nke.»

⁹ Awa Piyer më ntehnëka: «Hak kolahnërun aŵërehnuna Iyir Ahwëhn a aki? Nëpary: vële yikëh mbañiniha asan hu va tøkini rënka li do njidëni mbañinihi, wëjë fëna.»

¹⁰ Wati rac dënk njolehn haryënkw Piyer cëmëlehn taŋ. Vëjar va tënkëlehnini tëkatëniha ga cëmëk; njolehnëniha mbañëniha ðarël hn'ile mbañëniha asanu hna.

¹¹ Watac njonëhnikëhniwo ntakah cankaf vële hwëtahnëk va fop gë vahnë vëhaŵary vële yëtako va.

Vifëmpëhnahnah viyabah vile ntidëni vëfayik

¹² Vëfayik va ntidëniho vijë vifëmpëhnahnah gë wëdahëse wayabah bulunda hna. Vële hwëtahnëk va fop njehëkëhniwo ðarël nder Salomo* mbë Cery Wën Cankaf hna.

¹³ Ahnë ahawary ðëkëðilohna naŵahni; do vahnë va fop ntënënedënihëhniwo ðus.

¹⁴ Hnë watac fop vële hwëtahnëdëha Ahwëhn va nkwënadëniho kwëlëkwël, vësan gë vësëval.

¹⁵ Njiniho hafo canëndënihëhni vëres va vankaŵ hna: hnë wëgway kwëtëdënihëhniwo ma hnë wafad, soŋe, ge Piyer ndëcëð, wëla cën dëŵu ŋa fo koð cankëhni.

¹⁶ Vahnë vëyabah fëna nkar-yaryëdënihëhniwo vëres do gë vële mbërehnëni wayine vëvë vankol vante kakëniho gë Yerusalem va. Do fop njërënëdëniho.

* **5:12 5.12** *Salomo* aju David yeho, ahnaŵ Isërayel had rëmu. Umë vëryehneko Cery Wën Cankaf ŋa do njëtiko soŋe yasery ŷalëŵu. (1 Vëhnaŵ 6; 1 Vëhnaŵ 5.9-14)

Vëfayik va mbërehnëdeni

17 Asëna wasadëha asankaf a gë wasaduse wayëntaŵ ŵa fop ñewaryënihëhniwo vëfayik va ile ntidëniho ŷa. Awa umë pëhnani ntinihëhni iñë.

18 Më matëni pëlanihëhni vëfayik va do cëdehnënihëhni kaso bulunda hna.

19 Bare g'umëd ga, mëleka Ahwëhn a më pidëtëk warënka kaso ŵa, canëkëhni do ntehnëhni:

20 «Yiryin Cery Wën Cankaf hna afëyawuni bulunda ŷa wanës wante yod uwám usër hna.»

21 Vëfayik va maŵëhnëlehnëniha: kobëri fo g'acahnëfëd ga, njilehnëni Cery Wën Cankaf hna pëgwëlehnëni karajëndënihëhni vahnë va.

Awa, asëna wasadëha asankaf a do gë vële nkeniho va më macënihëhni Mbara Vëhitiŋ vicër bulunda wasëwif va soŋe kitirënihëhni. Tac më payehnéni njinëhnini vëfayik va, gë kaso njojini.

22 Bare vëyëka va ga təkëni kaso hna, vërekätëlähniwohna hnam. Umë mbokani pëyahnéni:

23 «Tëkatëbun warënka kaso ŵa ga nkok pidï dus vëyëka va ale-wo-le ŷëŵa lëŵu hna haryënkŵ warënka hna, bare ga pidëtëbun, ahnë təkätëläfunahna bambery!»

24 Ante nkwëryëniho watac ŋa, asankaf vëyëka Cery Wën Cankaf ŋa gë vësankaf vësëna wasadëha va vëyëtëlohna ile nahadëni do tëyëlëdëniho bi ye likëhni vëfayik va.

25 Hnë wati rac, təkëlehnë ahnë pëyahni: «Vësan vële sëdehnërunëho va selele Cery Wën Cankaf hna nkeni do bulunda ŷa karajëdëni.»

26 Awa, vësankaf vëyëka va njilehnëni gë vësan vërac mbokaryinihëhni vëfayik va. Bare vëyañenalohna, kabi ntakëkëhniwo gë bulunda ÿa antë ntutënihëhni gë wëraka.

27 Ga mbokaryinihëhni, umë njonihëhni Mbara Vëhitiñ hna gë vësëna wasadëha hna. Asankaf vësëna wasadëha ÿa

28 më ntehnëkëhni: «Mbañëhnirun karan vahnë g'uwac aÿi asan ña. Bare wëli pëbënerunëhëhni vahnë vëvë Yerusalem vi ïkaran hun inÿi wahakili walëw hni hna, do ntehnërun fuhnë ryawëka aÿi asan.»

29 Awa Piyer gë vëfayik vëÿëntaw va më ntehnëni: «Wënu ña rëfëka mawëhni, gena vahnë.

30 Wën warëm fu ña mbëhnëndanëka Yesu nte fakërun hnë kërëwa soñe aryawuna.

31 Umë matëndëk Wënu ña soñe ntaña g'irëhw lëwu had asankaf do afehët, njëdahnëhni vahnë vëva Isërayel va nkwëcëtëni vankeya vantëw hni va do nuÿahnëni itavëhn wameh wadëw hni ña.

32 Do fuhnë, wasedë warac yebun, g'Iyir Ipacah nte njëdäkëhni Wën vële wawëhnëdëha va.»

33 Mbara Vëhitiñ va, ga nkwëryëni watac, ntavëkëhniwo had tënkëhni wasakahn wã, do ñadëniho ndawëhnënihëhni vëfayik va.

34 Bare aryampo hnë vëhni, farise ale waciko Gamaliyel, tebako wanës ña. Aharan sariya ale ntënënëniho bulunda ÿa fop yeho. Matëko tase vahnë fop tëy canini ten toye vëfayik va.

35 Tac më ntehnëkëhni vële mbarëniho va: «Vëva Isërayel, diryin wajira ile ÿadun aliwuni vëÿi vësan vi.

36 Dënkwëtaryin: biÿëna nuyinëkawo asan ale waciko Teyudas, pëlako nkaf ntëwu ña had aryëndah; tükëniho vahnë wakeme wahnah vële rëfëdëhawo va, bare ndawïko, do fop vële rëfëdëhawo va campëniho do golohna nkwëryënde ga nësëde soñe lëw hni.

37 Umë, ga ndëcëk, wati vaker hna, Yuða avë Galile ÿa cahniko. Umë fëna vahnë vëyabah tëfëdënihawo bare ndawïko umë fëna do fop vële rëfëdëhawo va campehniniho.

38 Awa tame, wëli ile hnahaðu ÿa: antë awo afaðu wëba vëÿi vësan do tavëryinëhni njini. Ge ile ntidëni ÿi gë ile ñadëni ÿi nahan dëw hni dënk matik përekad.

39 Bare ge paryi Wën hna matik kodiluhna awëmaÿehnuni, ant'aliwu hafo awëtaryuna Wënu ña!»

Mbara Vëhitiñ va mawëlehnëni wanës Gamaliyel ña.

40 Macëlehnënihëhni vëfayik va, ndafehnënihëhni tac ntehnënihëhni antë mbok nësëni g'uwac Yesu, tavëlehnënihëhni.

41 Vëfayik va cahnëlehnëni hnam g'uhnatah sankaf kabi Wënu ña catahnëkawo gë vëhni korotëni soñe wac Yesu wã.

42 Pëgw hnë fac rac, selele Cery Wën Cankaf hna do watere hna, nkoniho karañëndënihëhni vahnë va do pëyahnëndëni Wanës Wakasëk Arëhnayik a, Yesu.

6

*Vësan mbëd gë vëhi vële rëkëd
ndemandënihëhni vëfayik*

¹ Hnë wati rac, nkwënadëniho vële hwëtahnëk va yaß ña. Nkeniho hnë vëhni wasëwif wale hnagiko Isërayel hna, Wa-ebëre nësëdëniho, do wëryampo hnë wayal wahawary matiniho, Wagërek nësëdëniho. Vële hnësëd Wagërek va mëhnadëniho soje vële hnësëd Wa-ebëre va, ntehnëndëniho vërac vësahëlendilohna rokëtok ÿa gante canëk fac-wo-fac ka soje vësëval vëvë kore lëw hni vële cëmaryëk vësan va.

² Awa vëfayik pëhw gë vëhi va më mbarënihëhni vële hwëtahnëk va fop ntehnënihëhni: «Canëna soje lëw fu ravëfu pëyahn wanës Wënu ña fabahnëfu cahëlehn ile rokëde.

³ Awa tame, vëyënta fu, tëhnaryinëhni hnë wuhnë vësan mbëd gë vëhi, vële pëbëk Iyir Ipacah, gë yasery, do hwëtahnëk. Kwëtehnahnëdëfunëhëhni iÿi doku.

⁴ Koyëna fuhnë kodëfun wo hahnëndafu iyëfa ña gë ikarañ vahnë wanës Wënu ña.»

⁵ Vële hwëtahnëk va fop mawëniho watac. Më tëhnanihëhni vëhni: Ecen, asan ale hwëtahnëkawo dus Wënu ña do pëbëko Iyir Ipacah, gë Filip, gë Përokor, gë Nikanor, gë Timon, gë Parëmenas, do gë Nikola mbë Antiyos nte salinëko kobëri ña sali wasëwif.

⁶ Më tufinihëhni vëfayik va soje njëfanëhnihëhni do tindënihëhni wëbák ña ale-wo-le vëhni fop.

7 Wanës Wënu ɲa campëdëho kwëlëkwël g'ahawary do iyab vële hwëtahnëk va nkwënadëho dus Yerusalem hna. Do wëla vësëna wasadëha vëyabah kwëtahnënihawo Yesu do mawëhnëniha.

Ipëla Ecen

8 Ecen, Wënu ɲa njëdëkawo dus do pëbënëkawo fanka falëwu fa, ntidëho wëdahëse gë vifëmpëhnahnah visankaf bulunda hna.

9 Bare vësan vëryampo pëgwëlehnëni nkwajëtehnëndëniha. Vësan vërac vëvë cery caliɲa nte wacëde «Cery Caliɲa mba Vëramp vële Ravik» yeho. Ani matiniho: Siren, gë Alekësandëri, gë Silisi, do gë Asi. Nkwajëlëdëniho gë Ecen,

10 bare vëhodilohna tufahnëni gena toña wanës wacatah wadëwu wante nësëndanëdëhawo Iyir Ipacah ɲa.

11 Soɲe rac, më cosënihëhni vahnë ntehnëni nkwëryëniha ga nësëd wanës wante yewëdëha Moyis gë Wënu ɲa.

12 Koyëna ntavëndanënihëhniwo bulunda ya, gë vicër bulunda va, do gë vëharaj sariya va. Tac më nëñëlëhnëniha Ecen pëlanihä, njonihä Mbara Vëhitij hna.

13 Njoryaryënihëhniwo fëna wasede vëwër va më ntehnëni: «Ayi asan tëryëdina nës wameh soɲe Cery Cëvah Cankaf Wënu ntëw fu ɲa gë Sariya Moyis ya.

14 Nkwëryëbunëha, ga ntehnëd, Yesu mbë Nasaret ɲi nihëd Cery Wën Cankaf ɲa do nkwëcëtëd wënamu wante njëdëkëfu Moyis ɲa.»

15 Fop vële yeho hnam va ntañënihawo Ecen kabi nunihawo yëka ÿa had yëka mëleka nkehawo.

7

Wanës Ecen

¹ Asëna wasadëha asankaf a më tëyëka Ecen: «Toña bi ye ile hnësëde soje hu ÿi?»

² Awa më ntëkwaka: «Warëm mën gë vëyënta mën, nëparyino: Wën Hnaÿah ÿa karyëtahnëkawo rëm fu ÿa Abëraham ante nkeho Mesopotami hna ani gë njihahnënd ntëd Aran hna.

³ Më lehnëkawo: “Tavëry nkal hu ñi, gë hnënk hu ÿi do ayi hn'inkal nte rufëdëmi hna.”✧

⁴ Koyëna tavëko Abëraham nkal Kalëde ña ñi ntëd Aran hna. Tac ante cëmëko rëmu ña, Wënu ña më pakëtika hnë nkal nte yehahnërun gaki ñi.

⁵ Wënu ña ñoñ yëdëlawohna Abëraham kwëhn umë hnam, wëla fënkwaç fatoy yëdëlawohna. Bare më lehnëkawo njëdadëha nkal ña do vërahu kwëhnëdëni ge cëmëk. Hara wati rac, Abëraham kwëhnalëhniwohna ten vutah.

⁶ Wënu ña më lehnëkawo vutah vuntëwu va hnë nkal nte wok gena dëw hni ntëdëdëni, hn'ile nkedëni vëramp do ntideni këm fo hnë wabëhn wakeme wahnah (400).

⁷ Wënu ña nkwënëko piniñëdëhëhni bulunda ile lidëhëhni vëramp ÿa. Ge ndëcëk watac, cahnëdëni hn'inkal tac do njijëni ani dënk, hn'ini nkal, cëmbëndëniho.✧

✧ 7:3 7:3: Wapëgwala 12.1

✧ 7:7 7:7: Wapëgwala 15.13-14

⁸ Tac Wënu ña kwëtëlëniho gë Abëraham do njëdfahna namu háci ÿa nke dahëse kwëtëla ntëw̃ hni ña. Awa Abëraham nagëhnikawo facan, Isak maciko, do kácëkawo ante nuÿako wafac mbëd̃ gë warar ña. Isak fëna koyëna kácëkawo aju Sakob, do Sakob fëna kácëkëhniwo viju, vële yeho warëm pëhw gë wahi waryënkwëryënkw w̃a.

⁹ «Viju Sakob, vërac ñeŵary, fëlakëhniw̃o më nkwa fëniha ahery hni Yosef, soñe nji had aramp hn'inkal Esipët hna. Bare Wënu ña g'umë nkeniho.

¹⁰ Ntühëtëkawo mbër ntëw̃u ña fop do njëdfakawo yasery hafo Faraŵo ÿa, ahnaŵ Esipët, nëña d'us g'umë. Arac më ntika guverëner Esipët hna do gë tere ucankaf hna fop.

¹¹ «Tac tükëlehni inte can kaf Esipët hna fop gë nkal Kanan ña. Ambër can kaf yeho. Warëm fu w̃a ñoñ vëwlohna nuÿandëni ile tokëdëni.

¹² Sakob njëtako nkehëhna Esipët hna ile rokëde, do ryënkwëryënkw ÿa më payëkëhni viju, warëm fu w̃a.

¹³ Ga njini higëna ÿa, Yosef më ntik njavëtëniha vicëru do Faraŵo ÿa njëtako vicëru va ye.

¹⁴ Tac Yosef më payëhnëk njinëhni rëmu Sakob gë tere lëw̃u ÿa fop. Vahnë wafëhw imbëd̃ gë wahi g'imbëd̃ (75) nkeniho.

¹⁵ Awa Sakob gë tere lëw̃u ÿa njilehnëni gë Esipët; hnam cëmëniho umë gë warëm fu waÿëntaŵ w̃a.

¹⁶ Sisem hna njiryeryiko waÿas walëw̃ hni w̃a, kwëtini hn'iyag inte ntaŵëko Abëraham gë

koryi hnë viju Hamor.

17 «Bulunda fu ãa njabëniho do nkwënadëniho kwëlëkwël Esipët hna hafo tëhaj wati le ntihand Wënu ña ile nësëhnëkawo Abëraham ãa.

18 Awa, ahnaŵ ale wok yëtëlawohna Yosef naŵëgëko Esipët hna.

19 Ahnaŵ arac tokadëhëhniwo bulunda fu ãa do këm fo ntidëhëhniwo vacërakëlo fu va porosinatëndëhni tavëndënihëhni vutah vunul va cëmëndëni.

20 «Hnë yamani rac nagiko Moyis. Fatah fankwamah yeho, do Wënu ña ñahnëkawo. Ýalu hna njëwëndiko hnë wadepëra watar.

21 Tac më njëbik hnë kankel do ntabi hnë garyëla. Awa aryagu Faraŵo ãa hnufakawo do kwëdëkawo had fatah fantëwu.

22 Koyëna ñëñako Moyis fop uyët vëvë Esipët va do kwëhnako fanka hnë ile nësëdëho do ntidëho ãa.

23 «Ga nuÿak wabëhn wafëhw wahnah, Moyis pëhnako nji njëkihni vëÿëntaŵu vële nkeni hnënk va, viju Isërayel.

24 Wati rac nukawo avë Esipët ga ntidëha këm fo avë Isërayel. Awa më ntëwëhnëka mbaÿ ntëwu ña, ndaŵa avë Esipët ãa.

25 Ntiyahnëkawo nkwëryëdëni wahnënk walëwu ŵi, gë umë pehëtëdëhëhni Wënu ña, bare vëwëryëlohna.

26 Ga pacëk, Moyis tëkatëkëhniwo vële nkeni hnënk va ga mëtëdëni do ñadëho konjëlehnhëni. Më ntehnëkëhni: “Wëlawo mën, hnënk yerun! Awa soñe ye lilëdfun këm fo aki?”

27 «Bare ale lidëhawo aÿëntaŵu këm fo ŷa më cañëtaka Moyis ntehna: “Ye yentahniki? Mo liki asankaf do ahitiŋ alëŵ fu?”

28 Aryaŵo bi ŷađu, gante ndaŵëruha ŷëhno avë Esipët ki?”

29 Moyis ga nkwëryëk wanës watac, më nkaryëk nji ntëd hn'inkal Madiyan hna; hnam nuŷakëhniwo vutah vucan vuki.

30 «Ga ndëcëk wabëhn wafëhw wahnah, mëleka haryëtahnëkawo Moyis wula hna, fagant humpen fatëh fante ŷagëdëhohna darël kuŋ nte ŵacik Sinayi hna.

31 Moyis pëmpëhnahnëkawo ga nuk hwëdëh ha fatëh hna koyëna. Bare tëhadëho soŋe pëcëta wapacëk, më nkwëryëk kopa Ahwëhn a ga ntehnëdëha:

32 “Wën vacërakëlo hu ŋa yëbu, Wën Abëraham, Wën Isak, do gë Wën Sakob.” Moyis mbalëdëho, dëkëdiloŋna njihn yëka ŷa.

33 «Awa Ahwëhn a më ntehnëka: “Paryëtëry wapary ŋi, kabi hn'ile kahnëru hna cëvak.

34 Nubu ambër bulunda mën ŋa Esipët hna, nkwëryëbu wako g'inëm dëŵ hni ŋa do cëlibu, fehëtëŵëhni. Tame, yij: payëdëmi gë Esipët.”✧

35 «Moyis tac dënk ye nte ŋwëÿëniho ntehnëniha: “Mo liki asankaf do ahitiŋ?” Umë payëka Wënu ŋa had asankaf, afehët bulunda g'idema mëleka le sahnëhnikawo humpen fatëh hna.

36 Umë sanikëhni Esipët hna. Ntiko wëdahëse gë viŷëmpëhnahnah hn'inkal tac,

✧ 7:34 7.34: Icahn 3.1-10

nte ntëmpëtaďëniho Wov Vëntah hna, do gë hnë wabëhn wafëhw wahnah wula hna.

³⁷ «Moyis tac dënk lehnëkëhni viju Isërayel: “Wënu ɳa canëhnëďëhuna kila had ami avë bulunda hun.”

³⁸ Do fëna, ante mbarëlëďëniho bulunda Isërayel wula ɳa, umë hahnëďëho yëbëlan vacërakëlo fu va gë mëleka le hnësëhnëďëhawo hn'ikuɳ Sinayi ýa. Hnam nuýajëďëho wanës Wën wante yëďahnëď uwám usër soɳe ɳij pëyafu.

³⁹ «Bare vacërakëlo fu va vëýadfilohna maŵëhnëniha; më cañëtaniha do pëhnani mbokani Esipët.

⁴⁰ Umë ntehnëniha Aron: “Dinëhnëryifu wamën wante ryënkwareyëhëďëfu, kabi yëtëlëfuhna bi ye fëlaka aɳi Moyis nte sanikëfu Esipët ɳi.”

⁴¹ Awa më ndëhwarëni wën le mëntëlëni gë faɳihni, ntinëhnëniha sadëha, do më ntini ambënt nëɳah soɳe ile ntini vëhni dënk ýa.

⁴² Bare Wënu ɳa niýahnëkëhniwo do tavëhni cëmbëndëni wamol wale ye g'ambin ŵi. Gante kerik kayëte wakila ki:

«“O bulunda va Isërayel,
Gena ami sënahnërun sadëha wusaŵ
gë wasadëha wayëntaŵ hnë wabëhn wafëhw
wahnah wula hna.

⁴³ Hali, ndibëďunëho gante-wo-gante
usank wën ile ŵacëďëho Molok ŵa
do gë wën hun ile liyarun wëntëlah
g'ikol nte ŵacëďë Refan ɳa.

Ntiyarunëho waɳi wamën ŵuhnë dënk
aŵuntahnëndu.

Soņe umë fakëtandëmu hafo Babilon.”

⁴⁴ «Wula hna warëm fu wã kwëhnaniho usank ule ryënkwëtehnëdëho kwëtëla nte ntiniho Wënu ña gë vëhni ña. Usank rac ntiko Moyis gante ntehnëkawo Wën ka. Sifa ule tufëkawo wã ntiko.

⁴⁵ Urac, tebalëdëniho warëm fu wã. Vëhni gë Yosuwe njonihho hnë nkal nte nkehahnëniho bulunda vële wok vëyëtëlahna Wën, vële ntak Wën haryënkw lëw hni va. Hnam nkoko afo David nke ahnaŵ.

⁴⁶ Arac nuŷako idëma Wënu ña kabi Wënu ña ñadëhawo. Awa David tëyëkawo maŵëryana nëmpët usank wã gë nte vëryik nte rëkëdë cëmbahnënde, umë Wënu Sakob ña.

⁴⁷ Bare Cery tac Salomo* vëryëhnëko.

⁴⁸ «Bare, ile ye toña ŷa, Wën Hunte Sëpëk Fop ña dëdëdëna hn'acery nte mbëryëni vahnë. Wëlin ile pëyahnëk kila ŷa:

⁴⁹ «“Wënu ña Ahwëhn a ntehnëk: ‘Ambin ña ye tinki naŵ mën ña, nkal inji ye hn'ile yinëgehnahnëdëfu wapary mën ña.

Iŷëhne sifa Cery hodun avëryëhnuno?

Anëhne cape kodëfu ŷëwu?

⁵⁰ Gena bi ami lik vëŷin fop?’ ”

⁵¹ «Wühnë vahnë vële kambëk vankaf vi, Wënu ña macëdëhu bare pidërun wasakahn

* **7:47 7.47** Salomo aju David yeho, ahnaŵ Isërayel had rëmu. Umë vëryëhnëko Cery Wën Cankaf ña do njëtiko soņe yasery ŷalëwu (1 Vëhnaŵ 6; 1 Vëhnaŵ 5.9-14).

hun† wã gë vanëf hun va, ŋwëyëdunëha kwëlëkwël Iyir Ipacah ija! Had vacërakëlo hun va nkerun!

⁵² Nkehëhna bi kila ile nkoni vëvërehnëna? Ndawënihëhni vële fëyahnëdëho itëk Yesu, Asatah a. Do wuhnë, tame, nkwafërunëha do aryawëhnuna.

⁵³ Toña ye, nuñarun sariya Wën yã gë wamëleka ja, bare mawëhnëluhna muk!»

Icëm Ecen

⁵⁴ Vëhitiŋ vësankaf wasëwif va, ga nkwëryëni wanës watac, cenakëhniwo ntavah ŋa soŋe Ecen afo cemëlehnandëni aki fo wabeñ ŋa.

⁵⁵ Bare umë, pëbëkawo Iyir Ipacah ija, më kaŋëk g'ambin do nu humpen inaỹ Wënu ŋa, do Yesu g'irëhw Wën kahnëko.

⁵⁶ Awa më ntehnëk: «Nëparyin: nufëfu ambin ŋi pidëtak do Ajë Ahn'a g'irëhw Wën kahnëk.»

⁵⁷ Vële wëryëko wanës watac va, më ndekani d̄us ciŋalehnëni vanëf va, më nëñlëhnëniha vëhni fop.

⁵⁸ Canëniha naw̄ hna do ntutëndëniha gë wëraka soŋe ndawëniha. Vële wërahnëkawo Ecen va, jar nte w̄acik Sol kwëtehnahnëniho viyi vilëw̄ hni va.

⁵⁹ Wati nte ntutëdënihawo ŋa, Ecen njëfako ntehn: «Ahwëhn Yesu, kwëtehnahnëmi ntaw̄ary mën ija!» ⁶⁰ Tac njolehn ndëkwëhn do ndeka

† 7:51 7.51 *Pidërun wasakahn hun:* Wagërek hna ntehnik vintaw̄ary hun va kácina. Rac fëhnëtanëk vëyentaryahnina ßulunda Wën hna.

rëkwa ÿa gë fanka fop: «Ahwëhn, tavëhñëryihni uwi wëh!» Ga nësëk koyëna cëmëlehn.

8

Ikorotehn vële hwëtahnëka Yesu

¹⁻² Sol nëḡëkawo idaŵ Ecen ḡa. Nkeniho hnam vësan vële hahnëndako soḡe Wën mbañënihawo do konëhnëdënihawo ðus.

Fac rac dënk pëḡwiniho koroteyehnëndeni ðus vële hwëtahnëka Yesu va Yerusalem hna. Vëhni fop campëniho vankol vambë Yuðe gë Samari hna, vëfayik va fo woko hnam.

³ Sol, umë njawërdëho mbëvehnëhni vële hwëtahnëk va; njidëho tere-wo-tere canëndëhni, vësan gë vësëval, cëdëndëhni.

Doku Filip Samari hna

⁴ Vële sampehniko va ndapëniho wayal hna pëyahñëndëni Wanës Wakasëk ḡa.

⁵ Filip njiko naŵ cankaf Samari hna pëḡwëlehn nësëhnëndëhni soḡe Arëhñayik a vahnë vëvë hnam va.

⁶ Bulunda ÿa fop nëpadënihawo Filip gë yasery kabi nkwëryëniho ga nësëde vifëmpëhñahnah vile ntidëho va do nuniho:

⁷ vëyabah vële nkeniho gë wayine va cahnënihëhniwo ndekatëndëni ðus; do vëreyah gë vële ye vorovoro vëyabah njërëniho.

⁸ Koyëna, naŵ iḡa hnë uhnatah sankaf nkeho.

⁹ Hara, asan ale wacik Simo lëdëntiko hn'ankol tac do mbilayo kavëla ntidëho. Pëmpëhñahnëndanëdëhëhniwo bulunda Samari ÿa do naÿënadëho.

10 Fop bulunda ÿa, vutoy gë vënaÿah per, nëpađënihawo pary. Ntehnëđeho: «Aÿi asan fanka Wën fa dënk ye, fale wăcëđe “Fanka Fahnaÿah.”»

11 Mbiÿëko ga pëmpëhnahnëndanëkëhniwo gë mbilayo kavëla lëwu ÿa, soŋe umë nëpađënihawo pary.

12 Bare ante pëyakëhniwo Filip Wanës Wakasëk soŋe Naw Wënu ŋa do gë soŋe Yesu Këris ÿa, kwëtahnëniho do njaryiniho vësan gë vësëval per.

13 Simo umë dënk më lehnëko kwëtahnëk do njaryiko. Kobëri tac, ŋawëđilawohna Filip kabi pëmpëhnahnëkawo đus vifëmpëhnahnah gë wëdahëse wade nudëho ŋa.

14 Ante njëtaniho, vëfayik va Yerusalem hna, vëvë Samari va maŵëni wanës Wënu ŋa, më payënihëhni ŷal hni hna Piyer gë San.

15 Vëhni ga tëkëni Samari hna, umë muntanënihëhni vële hwëtahnëk va nuÿahnëni Iyir Ipacah iŋa

16 kabi Iyir Ipacah iŋa cëlëlohna ten wëla hnë aryampo hnë vëhni; g'uŵăc Ahwëhn a Yesu fo njaryiniho.

17 Awa Piyer gë San më tindënihëhni wëbăk ŋa nuÿalehnëni Iyir Ipacah iŋa.

18 Simo ga nuk vële hwëtahnëk va njëdayini Iyir Ipacah iŋa ante tindënihëhni vëfayik wëbăk ŋa, më ñad njëđahni koryi vëhni Piyer gë San

19 ntehnëhni: «Maŵëryanëryino ami fëna iŋi mëk, soŋe ale-wo-le rindëđëfu wëbăk ŋa nuÿahn Iyir Ipacah iŋa.»

20 Bare Piyer më ntëkwaka: «Arabi mbëvehni koryi hu ŷi gë wëjë per, kabi naharu uyëf Wënu űa kode ntaŵi!

21 Tëfëlihna wëla toye alinti doku le lidëfun ŷi, kabi ntaŵary hu űa catëna haryënkW Wën hna.

22 Tavëry iña hu meh inji do muntaryehna Ahwëhn a soűe, ge kod nke, tavëhnahni iña meh nte hwëhnaru ntaŵary hu űi.

23 Ha, tavëry kabi nudëfu njapëru do aramp wameh yeru.»

24 Awa Simo më ntehnëkëhni vëhni Piyer gë San: «Muntanëryinoŵa Ahwëhn a ŵuhnë dënk soűe antë nkewo iñë hnë wante hnësërun űi fop.»

25 Vëfayik vëhi va, ga puhnani nës ile njëtëniho soűe Ahwëhn a Yesu do pëyahneni wanës wadëŵu űa, mbokalehnëni Yerusalem. Nkaŵ hna pëyahnehëdëniho vankol Samari vayabah Wanës Wakasëk űa.

Filip gë asan avë Ecopi

26 Fac ryampo mëleka Ahwëhn lehnëkawo Filip: «Yiryeyi g'ankaŵ yirah nte ŵatëk Yerusalem yid Gasa űi.»

27 Awa Filip njilehn taű. Nkaŵ ntëŵu hna, nulehna asan. Asan arac alënënik avë Ecopi yeho, ale hwëtehnahtniko hnapul Kandas ŷa, ahnaŵ asëval avë Ecopi ŷa. Soűe icëmb Wënu űa njiko Yerusalem hna ²⁸ do gë ŷalu mëncëdëho. Saret lëŵu hna ntañako do kayëte nte kerëko kila le ŵaciko Esayi űa karanëdëho.

29 Iyir Ipacah iña më ntehnëka Filip: «Yiryeyi arëka iŷi saret.»

³⁰ Filip më nkaryëk, tëhahna, do nkwëryëdëho avë Ecopi ÿa kayëte kila Esayi ña karanjëdëho. Umë tëyëka: «Nkwëryëdu bi ile haranjëdu ÿi?»

³¹ Asan a më ntëkwak: «Hak kodëfu wëryu, ge ahnë pacënëhnëdëfilohna?» Do umë ntehnëka Filip kayënti saret hna ntaña ðarël lëwu.

³² Hara viñi Vikerëh karanjëdëho:
«Nkeho had ife
ile yiryeryëde gante ndawëde,
ndemëhnako had fape fante wok kodina nës
haryënk
ale wëcëdëha imul,
umë fëna ñoñ nësëna.

³³ Cëfëhnanik do nuÿana satah.
Ahnë kodina nës soñe vutah vuntëwu va
kabi kobëri fo ntihëtik ðuniÿa li.»

³⁴ Avë Ecopi ÿa më tëyëka Filip: «Këlami, pëyarye bi soñe mo nësëd kila ÿi aki? Soñe lëwu ÿa dënk bi, ma ahnë ahaÿary ye?»

³⁵ Awa Filip më tebak wanës ña, pëgw hnë Vikerëh vitac dënk, më nësëhnëka Wanës Wakasëk wëba Yesu ña.

³⁶ Nkoniho njindëni tëkëlehnëni hn'ile nke wënka. Awa avë Ecopi ÿa më ntehnëk: «Wëlin wënka; ye wëmaÿehned yaryiwu?»

³⁷ [Filip më ntëkwaka: «Ge kwëtahnëru gë intaÿary fu ña fop, koderu ayaryi.» Awa asan a më ntehnëka: «Kwëtahnëbu Yesu Këris Aju Wënu ña ye.»]

³⁸ Tac Filip më kahnëndëhnëk saret ÿa cëlëlehnëni g'umë wënka hna do njarya.

³⁹ Ga ndanini wënka hna, Iyir Ahwëhn a nufëlehna Filip. Asan a golohna nunda, bare nkoko njind nkaŵ ntëwu ña g'uhnatah.

⁴⁰ Filip umë nulehn hnë nkol Asot hna nkeho, tac më tēfëk naŵ g'inaw, pëyahnehënd gante-wo-gante Wanës Wakasëk ña, hafo wati nte tēkëko hn'inaw Sesare hna.

9

Sol kwëtahnekä Yesu

¹ Hnë wati rac, Sol nahan dëwu ña fop idaŵ vile hwëtahnekawo Ahwëhn a fo yeho. Njiko asëna wasadëha asankaf hna

² do tëya vëkayëte vante tufahnëd njëtahni hnë vacaliña vambë Damas hna bi mo nke. Koyëna, ge tēkatëkëhni hnam vësan ma vësëval vële rëfëd Nkaŵ Ahwëhn a, vëkayëte vatac waŵëryanëdëhawo pëlahni do njiryeryëhni Yerusalem.

³ Awa gë Damas njidëho do tēko tëha naŵ tac ante penëkawo tañ caharaß humpen hunte wätiko g'ambin ña. ⁴ Njolehn do nkwëryëlehn kopa ga ntehnëdëha: «Sol, Sol, soñe ye vërehnëdëhu?»

⁵ Sol më tēyëka: «Ahwëhn, mo yeru?»

Më ntëkwaka: «Ami, Yesu, nte vërehnëdëhu ña ye.

⁶ Tame matëry, tēnkëry naŵ hna, do hnam pëyaderu ile rëfëka ali ña.»

⁷ Vële tēfëlëniho Sol va vëhodilohna mbok ñënkani do vëhodilohna fëna nësëni iñë. Nkwëryëdëniho dëus kopa ña, bare vëhnudilawohna ahnë.

⁸ Sol matëlehn, ñes ðus, bare golohna nund. Awa më pëlayik vák ÿa kahi tëkaryi gë Damas.

⁹ Hnë wafac warar mëpëko, do tokëðilohna, cedilohna fëna.

¹⁰ Hara, Damas hna nkeho ale hwëtahnëk do wãcëdeho Ananiyas. Ahwëhn a karyëtahnëkawo do ntehnä: «Ananiyas!»

Umë ntëkwaka: «Ahwëhn, ani nkebu.»

¹¹ Ahwëhn a më ntehnëka: «Yiryeyi tameki kalu ile wãcëde Kalu Satah, do tere Yuða hna. Tëyalëryehna asan avë nkol Tarës ale wãcëde Sol ÿa. Iÿi wati dënk iyëfa njëfad

¹² do, hn'ikaryëtahn, nukawo asan ale wãcëde Ananiyas tënkëko tere hna do tinda wëbák ña mëpëtahna.»

¹³ Ananiyas më ntehnëk: «Ahwëhn, vahnë vëyabah nësëhnëniho soñe aÿi asan do pëyaniho fop wameh wante ntikëhni vahnë hu va Yerusalem hna.

¹⁴ Do njijëk hn'ani gë fanka vësankaf vësëna wasadëha va soñe pëlahni fop vële ramahnëki va.»

¹⁵ Bare Ahwëhn a më ntehnëka: «Yirye, kabi tëhnabuha aÿi asan nke aryokuñëhn mën, do ntidëfuha ayëtëndan uñac mën hnë vële wok vëyena wasëwif hna gë vëhnañ vëlëñ hni hna, do gë hnë vahnë vëva Isërayel hna fëna.

¹⁶ Tufëdëfuha ami dënk fop ile rëfëka korot soñe mën ÿa.»

¹⁷ Awa Ananiyas njilehn. Ga tëkëk, tënkëko tere hna, tinda wëbák ña Sol do ntehnä: «Aÿënta mën Sol, Ahwëhn a Yesu haryëtahnikino nkañ

nte rëfiruho hna, payiko soŋe aholahn avoka hnund g'ahaŵary do pëbahni Iyir Ipacah iŋa.»

¹⁸ Taŋ, ile ye had vakuŋ wuwis njolehna vinkër Sol hna do kolëlehn mbok nund g'ahaŵary. Awa matëlehn do njaryi.

¹⁹ Tac tokëk do fanka fa mbokalehna.

Sol gë vahnë vëvë Damas

Sol wafac ñëwëntiko gë vële hwëtahnëk va Damas hna.

²⁰ Pëgwëlehn karanëndëhni calija wasëwif hna pëyahnënd Yesu Aju Wënu ŷa ye.

²¹ Fop vële hnëpadëhawo va pëmpëhnahnëkëhniwo do tëyëdëniho: «Gena bi aŷi asan horotehnëdëhëhniwo Yerusalem hna vële ramahnëka Yesu va? Do yijëna bi ani wakwëhnampër soŋe pëlahni do njiryeryëhni hnë vësankaf vësëna wasadëha hna?»

²² Bare Sol nkwënadëhawo fanka fa karan dëŵu hna do wasëwif wale lëdëko Damas ŵa vëyëtëlohna bi ye nahadëni ante tufëdëhëhniwo wapacëk Yesu ye Arëhnayik a.

²³ Ga mbiŷëk Sol hnam, wasëwif ŵa më pëhnani ndampo fo ndawëhnëniha,

²⁴ bare pëyayiko wante pëhnalëniha ŋa. Njëkadëho warënka naŵ hna g'umëd gë g'anent, soŋe kolahni ndawï.

²⁵ Umëd ndampo, vële hwëtahnëk karanëdëho va hnë kankel njëbënihawo, njoniha, cëlëndëniha hamëhni kece sankaf ile heceyahniko tenda hna.

Sol Yerusalem hna

²⁶ Ga tëkëk Yerusalem hna Sol njëkëhnahnëko mbarëlënti gë vërëfal va, bare fop ntaskëkëhniwo g'umë, kabi vëhwëtahnëlohna bi paryi gë vëhni nkentik.

²⁷ Awa Barënbabas më nufëka njoka vëfayik hna. Umë tëfëtanëhnëkëhni gante nukawo Sol Ahwëhn ka nkaŵ Damas hna do gante nësëhnëkawo Ahwëhn ka. Pëyakëhniwo fëna gante karañëdëhëhniwo vahnë va g'uŵac Yesu ŵa Damas hna g'ikwëtahn cankaŵ.

²⁸ Kobëri tac, Sol gë vëhni nkentiko, njasëlehnëdëho Yerusalem hna gante ñad ka do karañëdëhëhniwo vahnë va g'uŵac Ahwëhn a g'ikwëtahn.

²⁹ Nësëhnëdëhëhniwo fëna wasëwif wale hnësëd wanës wagërek ña do nkwajëlëdëniho gë vëhni, bare vëhni fëna njëkëlehnëdëniho ndawëniha.

³⁰ Ante njëtani vële hwëtahnëk ña më njonihahafo hn'ankol Sesare hna do, hnam, më cañëtëniha nji hn'ankol Tarës hna.

³¹ Awa fop vële hwëtahnëk vëvë Yude, Galile, do gë Samari hna yam nkeniho, nañëdëniho hnë kwëtahn hna; ankaŵ Ahwëhn ña tëfëdëniho, do nkwënađëniho, g'idema Iyir Ipacah ña.

Iyërën Ene

³² Hnë wafac warac Piyer njasëlendëho nkal hna fop. Hnë fac ryampo cabëko hnë vële hwëtahnëkawo Yesu do lëdëko hn'ankol Lida hna.

³³ Umë tëkatëka asan ale ŵacik Ene. Vorovoro nkeho: matëlohna hn'ipad dëwu hna kobëri wabëhn mbëd gë watar.

³⁴ Piyer më ntehnëka: «Ene, Yesu Këris njërënëki! Matëry afëhwët ipad hu ɲi.» Ene matëlehn taɲ.

³⁵ Fop vële lëdëko Lida va gë vëvë lañ Saron va nunihawo do kwëtahnënihawo Ahwëhn a.

Ibëhn Dorëka

³⁶ Asëval ale hwëtahnëk yeho nkol nte wăcik Yafa. Tabita maciko. Uŵi wăc «Dorëka» ye gë wanës wagërek ɲa, (umë lehnëde «incaw»). Uli fërën fo paβëko g'uryema vëhaÿëhna.

³⁷ Wati rac tesëko cëmëlehn. Ga njaryik ñas iɲa, më kwëtik hnë cery mbë yaɲ etas hna.

³⁸ Vële hwëtahnëk vëvë Yafa va njëtaniho Piyer Lida hna nke, ðarël lëw hni. Më cañëtënihëhni vësan vëhi, payënihëhni aki: «Këlayiru, yij ŷal fuhn'a hara biÿëlihna.»

³⁹ Awa Piyer tëfëlëntëlehn gë vëhni. Ga təkëni, më njiryeryik cery nte ye yaɲ etas hna. Vële cëmaryëk vësan va fop tēhanihawo kotëndëni; tufëdënihawo vacuð gë viÿi vi-haŵary vile ntidëho Dorëka ante nkoko cëmëna ɲa.

⁴⁰ Piyer më canëkëhni vahnë va fop. Më ndëkwëhnëk do njëfa. Tac cahëtak gë cape iñas do ntehn: «Tabita, matëry!» Umë ɲesëk. Ga nuka Piyer, matëlehn ntaña.

⁴¹ Piyer më pëlaka vāk ŷa ndemaka mat. Macëlehnëhni taɲ vësëval vële cëmaryëk vësan va gë vële hwëtahnëk vëhaŵary, tufëkëhni ga njënëk.

⁴² Njëtayiko naŵ Yafa hna fop do vëyaβah kwëtahnënihawo Ahwëhn a.

43 Piyer mbiyëko Yafa hna; hnë tere avál ale wáciko Simo hna nkeho.

10

Piyer vëhni Korëney hna

¹ Nkeho, Sesare hna, asan ale wáciko Korëney; kapiten yeho hnë kaŋ wasofoade wavë Rom le wácëdeho «Kaŋ vëvë Itali».

² Kahnëndako icëmb Wënu ña, do ntakëdëhawo umë gë vëvë tere lëwu va fop. Ndemadëhëhniwo dus vëhaÿëhnah vëvë bulunda wasëwif va, do njëfadëhawo Wënu ña kwëlëkwël.

³ Fac ryampo, ga carëtak lav a, ikaryëtahn nuÿako: mëleka Wën nuko wapacëk ga tënked tere lëwu hna do ntehna: «Korëney!»

⁴ Korëney ntaŋëkawo mbalatënd do tëya: «Nëpadëmi, ye ye?»

Mëleka ÿa më ntehnëka: «Wënu ña nkwëryëk iyëfa hu ña do mawëhnëki. Nuk fëna ile ryemaduhëhni vëhaÿëhnah va.

⁵ Awa tame payëryihni vahnë Yafa njini njojëniha ale wácik Simo Piyer ÿa.

⁶ Hnë tere avál ale wácik Simo hna nke, ale lëdëk tëfary wov hna.»

⁷ Ga njik mëleka le hnësëhnakëndëha ÿa, Korëney më macëkëhni taŋ vëhi vëryokuŋ vëlëwu hna do gë sofoade ryampo ale ryokuŋëhnedëhawo. Arac fëna ahahnëndak soŋe Wën yeho.

⁸ Umë pëyakëhni fop ile ryëcëtak takan ÿa, tac payëlehnëhni gë Yafa.

⁹ Ga pacëk, ante nkëhnëko tøk lav a nkaf hna, njidëniho do tëhaniho Yafa. Hnë wati rac Piyer kayëko yaŋ teras cery hna soŋe iyëfa. ¹⁰ Umë njoka inte do ñadëho tok. Wati nte nëgëhnëdëfo roka ŋa, më nuk iñë hn'ikaryëtahn.

¹¹ Umë nuk ambin ŋa ga pidëtak, do iñë sëlëndajëdëho nkal li, nkeho had ipand yankah nte fërëtik do pëlayi vacape vanah tak.

¹² Hn'ipand tac, sifa wulaŋ gë wusaŋ fop yeho hnam, gë vile huhad nkal li, do gë wusëry.

¹³ Më nkwëryëk kopa ga ntehnëdëha: «Matëry, Piyer, dawëryihni do asemëhni!»

¹⁴ Bare Piyer më ntëkwak: «Muk! Ahwëhn, kobëri tokëla ile mbañëk sariya fu ŋa ma wok pacëna.»

¹⁵ Kopa ŋa më mbok ntehnëka kat: «Ant'alehn pacëna ile pëyahnëk Wën pacëk ŋa.»

¹⁶ Wahwënta warar ntiyako koyëna, tac pand iŋa mbokalehn g'ambin.

¹⁷ Piyer pëmpëhnahnëkawo do tëyadëho bi ye pëhnëtanëd iñë ile nuk yi. Hnë wati rac, vële payiko Korëney va tëyalëdëniho tere Simo ŋa, do tëkëlehnëni rënka hna.

¹⁸ Umë mëcalëni tëyëni: «Ani bi nke asan ale wacëde Simo Piyer ŋa?»

¹⁹ Wati nte nkoko Piyer nahand soŋe iñë ile nuk ŋa, Iyir Ipacah iŋa më ntehnëka: «Nëpary, vësan vërar rëyalëdëhi.

²⁰ Cëlëry, ayiwu tame gë vëhni hara gwajëlehnalihna, kabi ami fayikëhni.»

²¹ Awa Piyer më cëlëk nji hn'ile nkeni vësan hna do ntehnëhni: «Ami ye ale yëkëlehnëduna. Soŋe ye yijërun?»

22 Umë ntëkwaniha: «Kapiten ale wacik Korëney ÿa fayikëfu. Asan asatah ye, ale lakëdëha Wënu ña do wasëwif wã fop ñahnëniha. Mëleka Wën lehnëka macehni ayi tere lëwü hna soje nëpa ile lehnëduha ÿa.»

23 Awa Piyer më ndënëkëhni ndakëntini hnam.

Ga pacëk, kahnëtantëlehni gë vëhni do vëryampo hnë vële hwëtahnëk vëvë Yafa va ntapëhnanihawo.

24 Ga mbok pac kat, tëkëlehnëni Sesare hna. Korëney napëdëhëhniwo; payehnëkëhniwo vahnë vëlëwü va do gë wëlawoü wã njijëni.

25 Wati nte nkëhnëko tënk Piyer tere ña, Korëney kacakawo, ndëkwëhn nkaÿa g'icëmb.

26 Bare Piyer matëndëkawo ntehna: «Matëry! Ahnë fo yëbu, ami fëna.»

27 Tac, ante nkonihò nësëlëndëni gë Korëney tënkatëndëni tere hna, Piyer tëkatëkëhniwo hnam vahnë vëyabah ga mbarëni.

28 Umë ntehnëkëhni: «Njëtërun sariya wasëwif ÿa maŵëryanëlahna sëwif njind hnë tere ale wok gena sëwif ma nkeni lawo. Bare ami, Wënu ña nkwëryëndanëko tëfëlahna kehayi ahnë, ntiyi ale wok pacëna.

29 Soje umë ye, ante macirunëho ñi, njijëbu hara nahalenta. Awa ñakëndëbu yëtu bi ye wacehnirunëho.»

30 Korëney më ntëkwaka: «Nuÿak wafac wah-nah, gë iÿi wati ki dënk, ÿal mën hna nkebuho, iyëfa ibë g'anent ña, yëfadëfuho. Tan, asan ale liyak viÿi vilancah kahnëlehn haryënk w mën

³¹ do ntehno: “Korëney, Wënu ɲa nkwëryëk iyëfa hu ɲa do kwëtahnëk hakili idema nte ryemaduhëhni vëhaÿëhnaɲ ɲi.

³² Awa payëryihni vahnë Yafa njini njojëniha Simo Piyer. Hnë tere avál ale wácik Simo nke, ale lëdëk tëfary wov hna.”

³³ Payëlehnëryibuhëhni vahnë do camehnëmi gante maŵëru ayij ki. Tame, haryënkW Wën hna nkeɓun soɲe ahnëpayi fop ile ntehnëki Ahwëhn afëyafu ÿa.»

Wanës Piyer hnë tere Korëney hna

³⁴ Awa Piyer më tebak wanës ɲa ntehn: «Tame nkwëryëɓu dʒus: Wënu ɲa dëbëndëlehnëléhniha vahnë va,

³⁵ ɓare, hn'inkal-wo-nkal hna, ale-wo-le lakëdëha g'umë do lid usatah a, Wënu ɲa nëɲahnëdëha g'ahnë arac.

³⁶ Njëtërun Wënu ɲa nësëhnëkëhniwo ɓulunda Isërayel ÿa soɲe pëyahnehni yam lëwü le hnuÿade gë Yesu Këris, nte ye Ahwëhn vahnë fop ɲa.

³⁷ Ga ndëcëk ante ntehnëdëhëhniwo San vahnë ntini njaryini ɲa njëtërun ile liyako pëgw Galile hna ten hafo Yude hna fop.

³⁸ Tac njëtërunëha fëna Yesu mbë Nasaret do gante njëdaka Wënu ɲa Iyir Ipacah, pëbënëka fanka. Umë njasëlehnëk hna ntitënd ufërën do, kafi Wënu ɲa gë umë nkeniho, njërëndëhëhniwo vële mbërehnëdëho Sintani.

³⁹ «Wasede ile ntik fop Yerusalem hna do gë ile wojëk hn'inkal wasëwif wã yebun. Vëhni, hnë kërëwa pakëniha, ndawëniha.

⁴⁰ Bare Wënu ɲa mbëhnëndanëka fac rarëna hna; do ntik tufëhna.

⁴¹ Gena haryënkw bulunda hna fop tufëhnako, bare haryënkw fuhnë, wasede wale tëhnako Wënu ɲa umë dënk kobëri ɲa do tokëlahnëbun celahnëbun g'umë ante mbëhnëndanëkawo Wën vësëm ɲa.

⁴² Ntehnëkëfu haraɲëfuni bulunda ɲa do fëyahnëfu umë ye ale tëhna Wën kitiɲëhni vësëm gë vële wok vësëmëna va.

⁴³ Soɲe lëwu ɲa nësëni wakila ɲa fop. Ntehnëni ale-wo-le hwëtahnëdëha ɲa nuɲad soɲe lëwu ɲa itavëhn wameh wadëwu ɲa.»

Vële wok vëyena wasëwif hnuɲad Iyir Ipacah

⁴⁴ Ante nësëdëho Piyer watac ɲa, Iyir Ipacah iɲa cëlëlehni hnë vële hnëpadëho wanës wadëwu hna fop.

⁴⁵ Wasëwif wale hwëtahnëko lapëhnakawo Piyer, ga nuni njëdayini Iyir Ipacah iɲa vële wok vëyena wasëwif va fëna, pëmpëhnahnëkëhniwo dus.

⁴⁶ Nkwëryëdënihëhniwo ga nësëdëni vanësa vante wok yëtina do cëmbëdënihawo Wënu ɲa.

Awa Piyer më ntehnëk:

⁴⁷ «Hak kode ɲwëyi vëyaryëdëna hnë wënka vële hnuɲak Iyir Ipacah iɲa had gë fuhnë ki?»

⁴⁸ Tac më ntehnëk njaryini g'uɲac Yesu Këris wã. Më tëyëniha Piyer ñëwënti gë vëhni wafac toye.

11

Itëfëta Piyer Yerusalem hna

1 Vëfayik va gë vële hwëtahnëk vële yeho hnë resiyo Yude va njëtaniho vëryampo hnë vële wok vëyena wasëwif va kwëtahnëni wanës Wënu ña.

2 Awa mbokajënd tun PiyerYerusalem hna, wasëwif wale hwëtahnëkawo Yesu va niraðënihawo

3 ntehnëndëni: «Tënkëru hnë vële wok vëyena wasëwif do tokëntiru gë vëhni!»

4 Awa Piyer pëgwëlehn tëfëtanëhnëndëhni ile ryëcëtako ÿa, ryampo, ryampo, ntehnëhni:

5 «Wati nte nkebuho Yafa ña, iyëfa mbë g'anent yëfadëfuho hnutu iñë hn'ikaryëtahn ga cëlëndajëd g'ambin: ile ye had ipand yankah inte fërëtik pëlayi vacape vanah nkeho, cëlëndajëdëho yijënd ðarël mën.

6 Njëkëdëfuho wapacëk ile yeho hn'ipand tac ÿa, umë hnuhëhni wusaŵ, gë wulaŵ, gë wule huhad nkal li do gë wusëry.

7 Tac më wëryëbu kopa ga ntehnëdëho: “Matëry, Piyer, ðawëryihni do asemëhni!”

8 «Bare më lëkwaðu: “Muk, Ahwëhn! Kobëri tokëla ile mbañëk sariya fu ÿa ma wok pacëna.”

9 «Kopa ÿa më mbok ntehniko g'ambin: “Antë alehn pacëna ile pëyahnëk Wën pacëk ÿa.”

10 Watac wahwënta warar ntiyako koyëna, tac fop mbokalehn g'ambin.

11 «Hara, hnë wati rac dënk vësan vërar rëkiko tere ile yehahnëbuho hna: Sesare matiniho do hnë ÿal mën hna payijiniho.

12 Iyir Ipacah iña më ntehnëko rëfëlëfu gë vëhni hara gwajëlehnala. Vëÿënta mën imbëd g'aryaŵ vële yojëbu hnani vi ntapëhnanihowo

Sesare hna do tënkëbunëho gë vëhni per tere Korëney hna.

¹³ Arac tëfëtanëkëfuno gante nukawo mëleka ile rënkëko tere lëwu ŷa do lehnëkawo: “Payëryihni vahnë Yafa hna soŋe njojëniha Simo nte wăcëde Piyer.

¹⁴ Pëyađëhi wanës wante fehëtëđëhu wëjë gë vëvë tere hu va fop.”

¹⁵ «Awa pëgwëbuho hnësëhnëndëwëhni ante cëliko Iyir İpacah İna hnë vëhni gante cëliko ten hnë fuhnë ka.

¹⁶ Ryënkwëtalehnu waŋi wanës Ahwëhn: “San gë wënka njaryëđëho, bare wuhnë, g'Iyir İpacah İna njaryëđerun.”

¹⁷ Awa Wënu ŋa koyëna njëđëkëhni Iyir İpacah İna gante njëđëkëfu ante kwëtahninëka Ahwëhn a Yesu Këris. Mo lë yebu, ami, wëŷahnu ile ntik Wënu ŋa?»

¹⁸ Ante nkwëryëniho waŋi wanës ŋa, fop ndemëhna lehnëniho do cëmbëndëniha Wënu ŋa ntehnëndëni: «Awa paryi nke Wënu ŋa njëđakëhni vële wok vëyena wasëwif imëk nkwëcëtani vankeya vantëw hni va do nuŷani itënk uwám usër hna.»

Mbara vële hwëtahnek vë Antiyos

¹⁹ Vële hwëtahnekawo Yesu va fop mbërehniniho ante ndawiko Ecen ŋa do umë forosŋehnenkëhniwo campëni. Vëryampo hnë vëhni njiniho hafo Fenisi, Sipër, do gë Antiyos, bare wasëwif fo karanëđëniho wanës Wënu ŋa.

²⁰ Vëryampo vëvë Sipër do gë Siren va njiniho Antiyos hn'ile karanëđënihëhniwo Wanës

Wakasëk ña soje Ahwëhn a Yesu vële wok vëyena wasëwif.

²¹ Fanka Ahwëhn fa gë vëhni nkeho. Afo kore yabah kwëtahnëniho do maŵëni tëfëndëniha Ahwëhn a.

²² Awa vëvë mbara vële hwëtahnëka Yesu vë Yerusalem va njëtaniho wañi wakasëk do payëniha Barë nabas nji Antiyos hna.

²³ Ga təkək nut gante njëdëkëhniwo ka Wënu ña vële hwëtahnëk va, natëkawo do kamënaŷëhnëkëhniwo fop vële hwëtahnëk va nko kahnëndanëhnëniha Ahwëhn a g'ikwëtahn yaŵah.

²⁴ Barë nabas asan a fërën yeho, pëbëkawo Iyir Ipacah iña do g'ikwëtahn iña hnë wati rac vahnë vëyabah kwëtahnënihawo Ahwëhn a.

²⁵ Tac Barë nabas njilehn hn'ankol Tarës njëkëlehnehna Sol.

²⁶ Ga nujëka, umë njojëka Antiyos. Umë ntini bëhn ŷa fop hnë cery sali vë hnam hna, do karanënihëhni vahnë vëyabah. Antiyos hna maciniho vële hwëtahnëk va ryënkwëryënk w ŷa Vahnë Këris.

²⁷ Hnë wafac warac, wakila matëniho Yerusalem njini Antiyos.

²⁸ Aryampo hnë vëhni Agabus maciko. Iyir Ipacah iña hnësendëhawo ntehn biŷëdina inte cankaf yed duniŷa hna fop. (Nkelehn, hnë wati nte nkeho Këlod ahnaŵ a.)

²⁹ Awa vële hwëtahnëk vëvë Antiyos va pëhnalehnëni ale-wo-le hnë vëhni njëdahn

ile mëkëd ŷa njëdanahnini ndemahnini vële hwëtahnëk vëvë resiŷo Yuđe va*.

³⁰ Umë ntiniho do njëdanihëhni uyëd rac Barënabas gë Sol njinenëhnënihëhni vicër va soŷe vële hwëtahnëk Yuđe va.

12

Icëm Sak do ipëla Piyer

¹ Hnë wati rac, ahnaŵ ale wãciko Erođ Agëripa ŷa këm fo ntidëhëhniwo vëryampo vëvë cery sali vë Yerusalem va.

² Umë ndawëhnëka gë sëlame Sak, aheryu San.

³ Nuko watac nëŷkëhniwo wasëwif wã, awa hnë wati ambënt mburu kwëhn levir këm hna, më pëlayehnëka Piyer fëna.

⁴ Ga pëlayik Piyer më cëdehnëka, do kwëtehnahnëhni wakore wahnah wasođade wahnah wahnah nëmpëtëlëndëni njëkandëniha. Ñadëho tufahna bulunda hna ge ndëcëk ambënt Pak ŷa.

⁵ Awa Piyer kaso hna kwëtiko, bare vëvë cery sali va muntadënihawo Wënu ŷa kwëlëkwël soŷe lëwũ ŷa.

Itav Piyer

⁶ Hara umëd nte pëhnahnëko Erođ, ge pacëk, njohna Piyer kitinŷi tase bulunda ŷa, Piyer gë vankënca ñabëlehniniho gë wasođade wahi. Yëbëlan lëw hni ndakëko wakwëd do vëyëka vëhi vëyëntaŵ va ale-wo-le yëwã lëwũ hna nkeho haryënkwi rënka kaso hna.

* **11:29 11:29** *Vële hwëtahnëk vëvë resiŷo Yuđe va wasëwif wã ye.*

⁷ Taŋ, mëleka Ahwëhn karyëtahnekä kaso hna gë humpen hucankaf. Mëleka ŷa më ñakëka Piyer wabëv hna, nëgëta do ntehna: «Matëry ñap!» Awa vankëncä va njolehn wëbák wadëwu hna.

⁸ Tac mëleka ŷa më ntehnëka: «Ñëbary ryl hu ŷa do afërya wapary hu ŋa.» Piyer më mawëhnëka do mëleka ŷa më nkwënëk: «Cudary cud cankaf hu ŋi do arëfe.»

⁹ Piyer më tëfëlehnëdëha hara yëtëna toña ye fop ile ntidëho mëleka ŷa: ntiyahnëkawo hufakery ye.

¹⁰ Umë ndëcënihëhni vëyëka vëryënkwëryënkwa va, tac vëhigëna va do tëkëlehnëni haryënkwa rënka waryëhwëra ile pabëlëni inaw ŋa. Rënka rac pidëtalehn umë fo haryënkwa lëw hni. Cahnëlehnëni tondani ankaŋ, do taŋ mëleka ŷa tavëlehna.

¹¹ Awa Piyer më njavëtëk ile liyak ŷa do ntehn: «Tame, njëtëbu ðus toña ye: Ahwëhn a payika mëleka lëwu ŷa, pehëto hn'imëk Eroð hna do gë fop wameh wante ñakëndëni ntiniho bulunda wasëwif wã.»

¹² Ga njavëtëk watac, më njik tere Mari, hnëmu San nte wacëde fëna Marëk hna. Vahnë vëyabäh varëko hnam soŋe iyëfanëhn dëwu.

¹³ Më mbankëk rënka ŷa do aryokuŋ ale waciko Rod më njijëk do tëya bi mo ye hnam.

¹⁴ Më njavëtëk hohna lëwu ha do, hnatah lëwu hna, tavëlehn pidëtëna, nkary bambery pëyahn: «Piyer ye! Për hna nke!»

15 Umë ntehnëniha: «Cenaki!» Bare njawënëko paryi toña ye. Awa më ntehnëni: «Mëleka lëwu ÿa rëfëka nke.»

16 Piyer nkoko mbankënd. Ga pidëtëni rënka ÿa, nutëniha, pëmpëhnahnëkëhniwo.

17 Umë ndëkwanëkëhni gë vák ÿi ndemëhnani do tëfëtanëhni gante canika Ahwëhn a hnë kaso ka. Umë mbok ntehnëk kat: «Pëyaryina Sak gë vëÿënta fu vëÿëntaw va.» Tac më cahnëk nji sëñ haÿary.

18 Ga pacëk, uryëñah sankaf yeho wasofadë hna; tëyëlëdëniho bi ne nke Piyer.

19 Erođ ntehnëko njëkëlehni, bare nuyilohna. Umë tëyëhnëkëhni vëyëka va do, kabi vëyëtëna hn'ile nke Piyer hna, më ntehnëk ndawïni. Tac, Erođ më matëk Yude hna nji Sesare, hnam ñëwëko toye.

Icëm Erođ Agëripa

20 Hara Erođ ntavëkawo đus gë vëvë Tir gë Sidon va. Vërac më maÿalëni soñe njijëni nësëlëni. Nuÿaniho ten nkeni lawo gë Bëlasëtis, asankaf vëryokuñ vëvë tere ahnaÿ va; tac më njini muntaniha Erođ mbokani nkeni yam kabi ile tokëdëni vankol vantëÿ hni ÿa fop nkal dëwu hna matëdëho.

21 Hnë fac le cëbëniho hna, Erođ më ntiyak viÿi ucankaf va, ntaña tinki naÿ dëwu hna do nësëhnëhni bulunda ÿa fop.

22 Bulunda ÿa cëmbëdënihawo, ndekatëndëni: «Had wën nësëd, gena had ahnë!»

23 Bare, wati rac dënk, mëleka Ahwëhn a tesëndanëkawo Erođ, kabi bësalaÿohna Wënu

na untënah ntëwu na. Awa më tokëniha vandur cëmëlehn.

²⁴ Hara wanës Wënu na campëdëho g'ahaŵary nkal hna.

²⁵ Barënabas gë Sol, ante puhnaniho doku lëw hni Yerusalem na, mbokaniho do njory-eryënihawo San nte wacëdeho fëna Marëk.

13

Barënabas gë Sol tēhnayini soje payini

¹ Hnë cery sali vë Antiyos hna, nkeniho wakila gë vëharan wanës Wënu na: Barënabas, gë Simeyo nte wacëdeho Avahnah, gë Lusiyus mbë Siren, gë Manaÿe arëfëlënta kobëri hn'utah Erođ Antipas, do gë Sol.

² Fac ryampo, wati nte cëmbëdënihawo Ahwëhn a do cujëdëniho, Iyir Ipacah ija më ntehnëkëhni: «Pitëryinëhni tame Barënabas gë Sol soje doku ile wacëbuhëhni ya.»

³ Awa ga cujëni do njëfa, umë tindënihëhni wëbák na tavëlehnënihëhni njini gë doku rac.

Barënabas gë Sol Sipër hna

⁴ Koyëna payëkëhniwo Iyir Ipacah ija Barënabas gë Sol; më njini ten Selusi hna. Hnam kayëniho sisikulu njini tinti mbë wov nte wacik Sipër.

⁵ Ga tükëni Salamin hna, pëgwëlehnëni pëyahndëni wanës Wënu na vacaliña wasëwif hna. San-Marëk fëna gë vëhni nkentiko do ndemadëhëhniwo.

⁶ Koyëna ndëcëtaniho tinti mbë wov na fop hafo naŵ Pafos hna. Hnam, më tëkatëniha sëwif

le w̃aciko Bar-Yesu. Ali mbilayo kavëla yeho do kila ntiyako.

⁷ Guverëner tinti ỹa Serëgiyus Polus maciko do Bar-Yesu lawo lëw̃u yeho. Guverëner ỹa asan aritah yeho. Arac më macehnëkëhni Barënbabas gë Sol, kabi ñadëho nkwëry wanës Wënu ña.

⁸ Bare ambilayo Elimas, (macik koyëna kabi Elimas fëhnëtanëk ambilayo gë Wagërek ña) kasëkëhniwo memaÿehnahna guverëner ỹa antë kwëtahn wanës Wënu ña.

⁹ Awa Sol, Pol macëdeho fëna, pëbëkawo Iyir Ipacah iña, umë ntañëka

¹⁰ do ntehna: «Aroka vahnë! Afëbah wamër! Fatah Sintani! Ale yëwëk fop ile satëk! Guve tavëdu mpaÿëmpaÿehn toña ỹa sonë antë tēfëniha Ahwëhn a?

¹¹ Tame, nëpary: Ahwëhn a ndafëdëhi, mëpëdu do bokëdila ahnu humpen ulav ha hafo mbiÿ toye.»

Wati rac tañ, vinkër Elimas va mëhwëryëlehn, nkelehn hn'umëd mbahnah do cahëtalehnëdëho gante-wo-gante, njëkëlehnanda ale hahëdëha.

¹² Guverëner ỹa, ga nuk ile liyak ỹa, kwëtahnëlehnëkawo Ahwëhn a Yesu; pëmpëhnahnëkawo ðus ikarañ nte karanjiko sonë lëw̃u ña.

Ikarañ bë hn'ankol Antiyos mbë Pisidi

¹³ Ga ndëcëni hnam, Pol gë vëréfëlëntaw̃u kayëlehnëni hnë sisikulu Pafos hna njini Perëg vë Pampëfili hna. Hnam San-Marëk tavëkëhniwo do mboka Yerusalem.

14 Bare vëhni, më matëni Perëg hna njini Antiyos mbë Pisidi hna. Hnam, hnë fac ntaŵëla hna, më tënkëni caliņa wasëwif hna ntañani.

15 Ga karanjik Sariya Moyis ŷa gë vëkayëte wakila va, vësankaf caliņa va më payehnëk ntehnini: «Vëŷënta fu, ge kwëhnarun iñë ile hnësëdfun mbara li soņe ahamënaŷehnahnu, kodun ahnësu tame.»

16 Awa Pol më matëk, ndëkwänkëhni ndemëhnani do ntehn: «Bulunda vëva Isërayel do gë fop ŵuhnë vële lakëdfëhu gë Wën vi, nëparyino!

17 Wën bulunda vëva Isërayel ña tëhnakëhni vacërakëlo fu vi njaßënkëhniwo wati nte nkoniho hn'uhneh Esipët hna, tac canikëhni hn'ini nkal gë fanka falëŵu fa.

18 Hnë wabëhn wafëhw wahnah nduñënanëkëhniwo wula hna.

19 Tac, mbëvehnëkëhniwo wahnënk mbëd gë wahi wavë Kanan ŵa do njëdähni nkal dëŵ hni ña bulunda lëŵu ŷa kwëhnëni.

20 Waņi fop mbiŷëko le rëkëk wabëhn wakeme wahnah gë wafëhw imbëd (450) nuŷahnëndëni nkal tac.

«Ga ndëcëk watac, më njëdäkëhni vësankaf vacërakëlo fu va hafo yamani kila ale ŵaciko Samiyel ña.

21 Awa, bulunda ŷa më tëyëni njëdäyiniha ahnaŵ do Wënu ña më njëdäkëhni Sol, aju Kis, avë hnënk Besame. Arac wabëhn wafëhw wahnah naŵëko hnë vëhni.

22 Wënu ña, ga ntihëtëka Sol, më ntika David ahnaŵ. Më ntehnëk soņe lëŵu ŷa: “Nubuha

David, aju Yese: aŷi asan ale hnëhahnëkowa dŷus ye; ntid fop ile ŷadëfu ŷa.”

²³ «Hnë vutah David hna njëdfakëhni Wënu ŷa bulunda vëva Isërayel va Afehët, gante nësëhnëkëhniwo ka, do afehët arac Yesu ye.

²⁴ Ani gë njihahnind Yesu ŷa, San ntehnëdfëhëhniwo fop bulunda vëva Isërayel va nkwëcëtani vankeya vantëw hni va do njaryini.

²⁵ Wati nte nkëhnëko pu doku San ŷa, ntehnëdfëho: “Mo hnaharun yebu? Gela ale hnapëdun a. Biŷëdfina umë rëfidëho soŷe lëwŷu ŷa catëla dënk faryëtahnëwŷa wapary ŷa.”

²⁶ «Vëŷënta mën, wŷuhnë vutah Abëraham do wŷuhnë fop vële lakëdfëhu gë Wën vi: soŷe lëwŷu fu cañëtik Wënu ŷa waŷi wanës ipeh.

²⁷ Vahnë vëvë Yerusalem va gë vësankaf vëlëwŷ hni va vëyavëtëlawohna bi mo ye Yesu do vëwëryëlohnä wanës wakila wade haraŷëde ntawëla-wo-ntawëla ŷa. Bare ante ndaŷëhnënihawo Yesu ŷa wanës watac ntiyako:

²⁸ tëyënihawo Pilat ndaŷëhna mama nkonihö vëhnuŷana toña ile ndaŷëhnahnëdfëniha.

²⁹ Ga ntini fop ile nësëko Vikerëh soŷe lëwŷu ŷa, umë cëlëndëniha kërëwa hna kwëtëniha hn'iyag.

³⁰ Bare Wënu ŷa mbëhnëndanëka vësëm hna.

³¹ Tac, hnë wafac wayabah, Yesu tufëhnakëhniwo vële lapëhnajëkawo kobëri Galile hafo Yerusalem va do ye tame wasefe walëwŷu haryënkŷ bulunda vëva Isërayel hna.

³² «Fuhnë dënk, Wanës Wakasëk watac yonëhnijirun: ile ntehnëko Wënu ŷa

ntinëhnedfëhëhni vacërakëlo fu ÿa,

³³ ntinëhnekëfu tame fuhnë, vutah vuntëw hni va; umë ye ile mbëhnëndanëka Yesu vësëm ÿi. Kerik hnë Kayëte Wahnëw higëna hna nësëk sojë rac ntehn:

«“Ajë mën yeru. Pëgw dol Rëm hu yebu.”✧

³⁴ Wënu ña nësëko mbëhnëndanëdfëha vësëm hna do nkal tokëdilahna muk. Koyëna nësëko:

«“Toña hnësëhnedëmu, njëdadëmu ami dënk, vëyi vifërën vile vëyëd gante ntehnëbuhawo David ka.”✧

³⁵ Umë mbok ntehnëk kat hn'ikerëh kawary:

“Tavëdilihahna aryokuñ hu, nkël yag hna.”✧

³⁶ Gena sojë David nësëko. Umë, ndokuñëko ðoku ile kwëtehnhahnëkawo Wënu ña hafo puhna, tac cëmëko do darël warëmu hna mbañiko do nkëlëko.

³⁷ Bare sojë ale mbëhnëndanëko Wën ÿa, arac gëlëna.

³⁸ «Awa, vëyënta mën, tëfëka ayëtu: Yesu ntik ile rëfëka aravëhnhaniwu wameh hun ña gante pëyahnedëfun ki.

³⁹ Koyëna, ale-wo-le hwëtahnëka ÿa tavëhnedë wameh ña. Itëf Sariya Moyis ÿa kodilohna nti rac.

⁴⁰ Awa, keharyin: antë nkewu ile kerëni wakila ña:

⁴¹ «“Yëkëryin, wuhnë vële pëbëk iyaf, pëmpëhnhänëryiwu do cëmëryin! Nudun ntidëfu wati fu li ðoku ile

✧ 13:33 13:33: Wahnëw 2.7 ✧ 13:34 13:34: Esayi 55.3 ✧ 13:35 13:35: Wahnëw 16.10

worun kwëtahnakëndiluhna ge ahnë
nësëhnakëndëhu!"✧»

Koyëna nësëko Pol.

⁴² Ante cahnëdëniho Barënabas gë Pol caliņa hna, ntehniniho mbokajëni ntawëla nte ryavid hna mbok nësëni soņe watac fo kat.

⁴³ Ga pitëlëni mbarëla hna, wasëwif wayabah gë vële salinëntik caliņa wasëwif va tefëlehñënihëniwo vëhni, Pol gë Barënabas. Vëhni, nësëhnëdënihëniwo do kamënaŷehnëdënihëniwo nko kahnëndanëniha Wënu ŋa g'idëma dëwu ŋa.

⁴⁴ Ntawëla nte ryaviko ŋa, vahnë vëvë naŷ va fop mbarëlëniho nëpa wanës Ahwëhn ŋa.

⁴⁵ Wasëwif wëryampo, ga nunihëhni iŷi kore, pëbëkëhniwo iñëwary; umë nkwajëniha Pol do njewëniha.

⁴⁶ Pol gë Barënabas më ntehnënihëhni g'ikwëtahn: «Tëfëkawo ahnësëhniwo wanës Wënu ŋa wuhnë ten. Bare kabi ŋwëŷërun, tufahnërun koyëna tefëluhna ahnuŷawu uwám usër wã. Tame njidëfun gë vële wok vëyena wasëwif.

⁴⁷ Wëlin gante ntehnëkëfuno Ahwëhn ka:
«“Ntimi humpen wayal wï, ayohahn Wanës
Wakasëk ŋa soņe pehëtahnini vahnë va
hafo hn'ile tëkwik duniŷa hna!"✧»

⁴⁸ Vële wok vëyena wasëwif va, ga nkwëryëni wanŷi wanësë, natëkëhniwo, pëgwëlehñëni cëmbëndëniha Ahwëhn a soņe wanës wadëwu

ņa. Fop vële rëfëka tënkëni uwám usër hna kwëtahnëlehnëni.

⁴⁹ Wanës Ahwëhn a campëdëho hnë resiyo rac fop.

⁵⁰ Bare wasëwif wëryampo cënkwënihëhniwo vësëval vële lënënik vële salinjëko caliņa wasëwif, rëfëdëho wanës Wënu va, do gë vëvë karyënkwa naŵ va. Njonëhniniehni vëhni, Pol gë Barënabas, uryëñah sankaf do ntalehnënihëhni ýal hni hna.

⁵¹ Vësan vëhi va mbankaniho ivëd wapary wadëw hni ña tufahnahnëni vëwawëna, njilehnëni Ikoniýum.

⁵² Bare ge vëvë Antiyos vële hwëtahnëk va ye, pëbëkëhniwo uhnatah do g'Iyir Ipacah iņa.

14

Pol gë Barënabas Ikoniýum hna

¹ Ikoniýum hna fëna, Pol gë Barënabas tënkëniho caliņa wasëwif hna do nësëniho wanës wapacah hafo wasëwif wayabah gë vële wok vëyena wasëwif kwëtahnënihawo Yesu.

² Bare wasëwif wale wëyëko vëhwëtahnëdina va cënkwëdënihëhniwo vële wok vëyena wasëwif nahanëhnëndënihëhni uweh fo vële hwëtahnëk va.

³ Pol gë Barënabas mbiyëniho Ikoniýum hna. Njawënëniho wanës wadëw hni ña, pëbëkëhniwo ikwëtahn iņa Ahwëhn hna. Ahwëhn a njëdadëhëhniwo imëk ntindëni vifëmpëhnahnah do gë wëdahëse do koyëna njawënedëniho toña ile karanjëdënihëhniwo

vahnë soŋe ifërën ile ntinëhñëdëhëhni Wën vahnë vëlëwu va.

⁴ Vahnë vëvë naw̄ va, nahan dëw̄ hni ɲa nëmpëlëko: vëryampo gë wasëwif w̄a nkeniho, vëyëntaw̄ va gë vëfayik va.

⁵ Wasëwif w̄a gë vële wok vëyena wasëwif va, do gë vësankaf vëlëw̄ hni va, pëhwëtaniho ntinihëhni këm fo vëhni Pol gë Barënbabas do ndawënihëhni gë wëraka.

⁶ Bare vëhni, njetandëni tuɲ nkaryëlehnëni gë cape Lisëtër gë Derëb, hnë resiyo Likawoni hna, do gë caharab lëwu ya.

⁷ Hnam fëna pëgwëlehnëni pëyahnëndëni Wanës Wakasëk ɲa.

Pol gë Barënbabas Lisëtër hna

⁸ Nkeho asan Lisëtër hna. Asan arac kwëlëkwël ntañadëho, kabi vorovoro nkehawo wakwër ɲi; koyëna nagiko, kobëri yasëlohna.

⁹ Ante nësëdëho Pol ɲa, nëpadëho. Pol ntaɲëkawo do nuko kwëhñak ikwëtahn njërënahni*.

¹⁰ Awa umë ndekahnëka: «Matëry, kahnëry!» Asan a ntoɲalehn, kahn, pëgw njasënd.

¹¹ Kore ya, ga nuni ile ntiko Pol ya, umë ndekani gë wanës wabë nkal Likawoni ɲa: «Wamën ɲa mbacani vahnë do cëlini ya! fu li!»

¹² Umë macëniha Barënbabas «Sus†» do Pol «Herëmes», kabi Pol yeho ahnës wanës ya.

* **14:9 14.9** Do nuko kwëhñak ikwëtahn njërënahni: Kode nkwëryi njërënahni ma pehëtahni. † **14:12 14.12** Sus gë Herëmes: Wamac waki hnë wamën Wagërek hna ye.

¹³ Asëna ava Sus ÿa, njojëkëhniwo wuhni wule hayëtik haryënkw rënka naŵ hna hn'ile nkeho calija ntëŵu hna: ñadëniho gë kore ÿa cënanëhnënihëhni sadëha vëhni Pol gë Barënbabas.

¹⁴ Bare ante njëtaniho vëfayik vëhi va, citëniho viÿi vilëŵ hni va tufahnahnëni vëÿadina koyëna do ntëfëni gë kore ndekahatëndëni:

¹⁵ «Wëlawo fu, tëfëluhna aliwu koyëna. Vahnë fo yebun, had ŵuhnë. Wanës Wakasëk ña yonëhnijirun, aravëtehniwu fop waÿi waravahn wahwëhn nafa këm wale sëmbëdun wï do asahëtawu gë Wën paryi ka, hunte lik ambin ñi, g'inkal inji, wov ÿi gë fop ile yehëhna hnam ÿa.

¹⁶ Wati le ryëcëk ÿa, tavëkëhniŵo wayal wï fop tëfëndëni vankawë vantëŵ hni va dënk.

¹⁷ Bare, tufahnëdëho kwëlëkwël g'ipërëna nte ntidëho ña. Njëdadëhu rëv ÿa do njëdadëhu ibarëp roka yabah, maŵëryanëdëhu ile rokëdun do pëbënëdëhu walawary hun ŵa uhnatah.»

¹⁸ Wëlakënde ga nësëdëniho aki vëfayik va ntaaryëkëhniwo tavëtehnënihëhni kore ÿa cënahndëŵ hni sadëha ña.

¹⁹ Hnë wati rac dënk wasëwif ŵatiko Antiyos mbë Pisidi g'inawë Ikoniÿum, cënkwenihëhniwo kore ÿa ntutëniha Pol gë wëraka soÿe ndawëniha. Ntiyahnekëhniwo cëmëk awa më kuhëniha canëniha naŵ hna.

²⁰ Bare ante kwërënihawo vële hwëtahnëk ña, matëko do mbokanti g'inawë. Ga pacëk më njini gë Barënbabas Derëb.

Iboka Antiyos mbë Siri ña

21 Pol gë Barënabas pëyahnëniho Wanës Wakasëk ña Derëb hna. Hnam vëyabah kwëtahnënihawo Yesu. Tac mbokani Lisëtër, lkoniyüm do gë Antiyos mbë Pisidi hna.

22 Njawnëni wasakahn vële hwëtahnëk va, kamënañehnënihëhni nkoni njawnëni kwëtahn iña do ntehnëdënihëhniwo: «Tëfëkëfu mbërayin ðus tënkahnin Nawñ ambin hna.»

23 Hnë cery sali-wo, tahnënihëhniwo vicër, do ga cuñëni do njëfani, më kwëtehnahnëniha Ahwëhn a, umë ale kwëtahnëni ña.

24 Tac më ndëcëni resiyo Pisidi hna, njini resiyo Pampëfili.

25 Umë pëyahnëni wanës Wënu ña inawñ Perëg hna, tac njilehnëni inawñ Atali.

26 Hnam më kayëni sisikulu njini Antiyos mbë Siri, hn'inawñ nte kwëtiniho hnë wëbák Wën soje iñi ðoku ile puhnani tameki ñi.

27 Ga təkëni Antiyos hna, umë mbarënihëhni vëvë cery sali va fop tēfētānēnihēhni ile ntiyehnëkëhni Wënu ña fop, do gante pidëtëni rënka ikwëtahn ña soje vële wok vëyena wasëwif va, vëhni fëna kwëtahnahnëni.

28 Pol gë Barënabas ñëwëniho afo mbiy hnë vële hwëtahnëk vëvë Antiyos hna.

15

Nkwajëla soje háci ña

1 Wati nte nkoniho Pol gë Barënabas Antiyos hna vësan wātëko Yude təkini hnam do pëgwëlehnëni karanëndënihëhni vële hwëtahnëk va ntehnëndëni: «Kodëluhna

afehëtiwu age káciluhna gante ntehnëk Sariya Moyis ka.»

² Pol gë Barënabas nkwajëlëniho ðus gë vëhni soŋe watac. Awa umë pëhnani Pol gë Barënabas do gë vahnë vëhaŋary vëvë Antiyos va njini Yerusalem tëyënihëhni vëfayik va gë vicër va soŋe watac.

³ Awa cery sali ÿa më payëkëhni njini. Më tëfëni hn'inkal Fenisi do gë Samari, tëfëtahëndëni gante kwëtahnëniha vële wok vëyena wasëwif va Ahwëhn a. Wakasëk watac natëdëhëhniwo ðus vële hwëtahnëk va fop.

⁴ Ante tëkëni Yerusalem ŋa, vëvë cery sali va hacakëhniwo, gë vëfayik va do gë vicër va, do më tëfëtanënihëhni fop ile ntiyehnëkëhniwo Wënu ŋa.

⁵ Bare, wafarise wëryampo wale hwëtahnëntikawo Yesu va më ntehnënihëhni afo kácini vële hwëtahnëk do wok vëyena wasëwif va do ntehnëni ntënënëni Sariya Moyis ÿa fop.

⁶ Vëfayik va gë vicër va mbarëniho gwajëlëni soŋe watac.

⁷ Ga gwajëlëni hafo mbiÿ, Piyer më matëk ntehn: «Vëÿënta mën, njëtërun mbiÿëk ga tëhnako Wënu ŋa fagant hun soŋe fëyaŋëhni Wanës Wakasëk ŋa vële wok vëyena wasëwif va, nkwëryahnëni do kwëtahnëni.

⁸ Do Wënu ŋa, umë ale yëtëk iña vahnë ŋa, tu-fahnëk maŋëkëhni vële wok vëyena wasëwif va kabi njëdfakëhni Iyir Ipacah iŋa gante njëdfakëfu fuhnë ki.

⁹ Dëbëndëlehnëlëfuhna vëhni gë fuhnë: vëhni fëna pacënëk wasakahn walëw hni wã kabi kwëtahnëni.

¹⁰ Awa tame, soje ye fëgwëdunëha Wënu ña g'ile yadun aryibënduni vële hwëtahnëk va? Idiþ nte woyinëk mëkilënëhna ndiþin ye, fuhnë gë warëm fu per!

¹¹ Gena bi fuhnë, kwëtahninëka Ahwëhn a Yesu, umë dënk, lik pehëtahninëfu? Awa, koyëna pehëtini vëhni fëna.»

¹² Awa, mbara ña fop ndemëhnaniho; Barë nabas gë Pol fo nëpadëniho ante tëfëtafëniho vifëmpëhnahnah gë wëdahëse wante ntiyehnëkëhniwo Wën hnë vële wok vëyena wasëwif hna.

¹³ Ga puhnani wanës ña, Sak më tebak ntehn: «Vëyënta mën, nëparyino!

¹⁴ Simo Piyer tëfëtak gante paþëkëhniwo Wënu ña ryënkwëryënk wã vëhni Korëney hna vële wok vëyena wasëwif va tëhnahn bulunda ile kwëhnëk.

¹⁵ Do wanës wakila ña tëfëlëk g'ile liyak yi, gante kerik ki:

¹⁶ «Awa Ahwëhn a më lehnëk: “Ge ndëcëk umë mbokajëdëfu soje vokaryu usank David ule yok wï, matëndëdëfu vanihel vi do mbokaryëdëfu hahnëndu.

¹⁷ Awa fop vële wok vëyena wasëwif va njëkëlendëniha Ahwëhn a; ha, fop wayal wale wacëbu hwëhnëwëhni wã. Ami Ahwëhn a dënk hnësëk watac;

¹⁸ mbiyëk ga njëtëndanëbuhëhni vahnë va

vëyin. "☆»

¹⁹ Sak më nkwënëk: «Soņe umë ye ntiyahnëko tēfëka tavin bërehn vële wok vëyena wasëwif hwëtahnëka Wën vi.

²⁰ Kerëhnëñefuni ntehninëhni antë tokëni fañar sadëha, do asan g'asëval antë ndakëni ge vëyëlëläna, do fëna ant'aroku fañar ile wok kácina soņe cahna sat ŷa do ant'asewu sat.

²¹ Giņi karaņ gwër nked kabi, kobëri wati warëm fu ŷa, nkeniho vële haraņëdëhëhniwo vahnë Sariya Moyis ŷa ankol-wo-nkol do hafo dol karaņëde vacaliņa hna hnë fac ntawëla-wo.»

Kayëte nte njëdanahnini vële wok vëyena wasëwif

²² Awa vëfayik va gë vicër va do gë vëvë cery sali va fop, pëhnaniho tēhnanihëhni vëryampo hnë vëhni do payënihëhni njintini Antiyos gë vëhni Pol gë Barënas. Umë tēhnanihëhni vëhni Yuda, nte wacëdeho Barësabas fëna, gë Silas. Vëhni vëhi cery sali hna fop ntënëniho.

²³ Umë ntehnënihëhni njiryeryëyin aņi kayëte:

«Vëyënta fu, wuhnë vële wok geluhna wasëwif do lëdëk nkol Antiyos, do gë waresiyo Siri gë Silisi va, fuhnë, vëfayik va gë vicër va, nkaŷirun.

²⁴ «Njëtabun vahnë vële wätëryik ŷal fu li mpaŷëmpaŷëhnënihu do pëmpëhnayëhnënihu gë wanës wadëw hni űa. Bare ñoņ payëryilëfunihna nësëhnënihu soņe watac.

25 Soŋe umë, fëhnahnëbun fuhnë fop rëhnafuni vahnë vële fayëryidëfun njiryini. Wëlawo fu wã, Barë nabas gë Pol, nkeryidëni.

26 Vële wafëk walaŋary walëw hni soŋe doku Ahwëhn fu ŷa Yesu Këris.

27 Awa payëryibunëhëhni vëhni Yuda gë Silas nësëhnënihu vëhni dënk ile herëbun hn'anj kayëte hna.

28 Iyir Ipacah iŋa gë fuhnë dënk pëhnafun ant'awëniwu dïb kawary ge gena vëŷin vile hwëhna nafa vi:

29 ant'aroku faŋar sadëha; ant'asewu sat, ant'aroku faŋar ile wok kácina soŋe cahna sat ŷa; asan g'asëval antë ndakëni ge vëŷëlëläna. Ge keharun vëŷin fop caŋëk. Arabi yam ŷa nke hnë wuhnë!»

30 Tavëlehnini vële fayik va njini gë Antiyos. Ga tükëni mbarëpënihëhniwo bulunda vële hwëtahnëk va njëdanihëhni kayëte tac.

31 Karaŋiko kayëte ŋa do vahnë va fop natëkëhniwo gë ikamënaŷehn inte kerëhniho ŋa.

32 Yuda gë Silas, vële yeho wakila vëhni dënk, nësëhnënihëhniwo dus vële hwëtahnëk va soŋe kamënaŷehnahnënihëhni do njawënihëhni kwëtahn hna.

33 Nëwëniho wafac hnam, tac vëŷënta hni va më ndëwanëhnihëhni nkaŋ përen, mbokahnëni gë vële fayëkëhniwo.

34 [Wati kahnëta hna Silas pëhnako nko hnam.]

35 Pol gë Barë nabas woko Antiyos hna do karaŋëdënihëhniwo gë vahnë vëyabah

vëhaŵary do pëyahnedëniho wanës Ahwëhn ŋa.

Ipitël Pol gë Barënabas

³⁶ Ga mbiyëk, Pol më ntehnëka Barënabas: «Bokafu njëkihni vëyënta fu va hnë wahnawë wale fëyahnahnik wanës Ahwëhn hna fop, njëkihni bi hak nkeni.»

³⁷ Barënabas ñadëho njoryeryëniha San nte wacëdeho Marëk;

³⁸ bare Pol caŋahnëlawohna, kabi Marëk tavëkëhniwo Pampëfili hna do golohna ntapëhnandëhni doku lëw hni hna.

³⁹ Nkwajëlëniho hafo pëmpëlëhni, më pitëlëni. Barënabas më njoka Marëk kayëni hnë sisikulu njini Sipër.

⁴⁰ Pol, umë, më tëhnaka Silas do ga kwëtehnahnënihëhni vële hwëtahnëk Antiyoŵ va hnë wëbák Ahwëhn hna, njilehnëni.

⁴¹ Umë tëfëni Siri gë Silisi do njawënehnëhëndënihëhni kwëtahn inja vële hwëtahnëk va.

16

Pol gë Silas do gë Timote

¹ Pol təkëko fëna Derëb hna tac Lisëtër hna. Hnam nkeho asan ale hwëtahnëk macënde Timote; hnëmu fëna kwëtahnëko. Umë sëwif yeho, bare rëmu gërek yeho.

² Vële hwëtahnëk vëvë Lisëtër gë Ikoniyüm va wapërën wayabah nësëdëniho soŋe Timote yä.

³ Pol ñadëho Timote ntapëhnahna. Awa më njoka. Umë kácehnëka, soŋe wasëwif wale yeho

waresiŷo warac w̃a, kabi fop njëtëniho rëmu gelohna sëwif.

⁴ Hnë vankol vante njihahnëdëniho hna fop, pëyadëhëniwo vële hwëtahnëk va ile pëhwëtani ntini vëfayik gë vicër vëvë Yerusalem va do ntehnëdënihëniwo maŷëhnëni watac.

⁵ Awa vële hwëtahnëk va njawëdëniho kwëtahn hna do nkwënadëniho yabi ŋa fac-wofac.

Ikaryëtahn Pol Tërowas hna

⁶ Pol gë Silas ñadëniho pëyahnëni wanës Wënu ŋa hn'inkal Asi hna, bare Iyir Ipacah ŋa maŷëryanëlëhniwohna. Awa ndëcëtalehnëni yëbëlan Fërisi gë Galasi.

⁷ Ga təkëni ðarël Misi hna, umë përekëhni njini Bitini, bare Iyir Yesu ŋa maŷëryanëlëhniwohna.

⁸ Awa, më ndëcëni Misi njini inaw Tërowas.

⁹ Gumëd ga, Pol ikaryëtahn nuŷako: më nuka avë Masedëwan ga kahnëk. Më muntadëha aki: «Cabëry Masedëwan, yij aryemafu!»

¹⁰ Taŋ ga ndëcëk umë, më yëkëlehnëbun yifu gë Masedëwan, kabi pacëkëfuno Wënu ŋa wacëkëfuno yonëhnëfuni Wanës Wakasëk ŋa vëvë hnam va.

Ikwëtahn Lidi

¹¹ Kayëbunëho sisikulu Tërowas hna yilehnëfu satën fo gë Tinti Samotëras ka. Tac ga pacëk, më yibun Neyapolis.

¹² Ga matëbun hnam më yibun Filip, nkol resiŷo ile yeho ryënkwëryënk wë Masedëwan,

ile tampëk Rom. Wafac wayabah libunëho hn'inawñ itac.

¹³ Hnë fac ntawñëla hna, më sahnëbun nawñ hna yifu tëfary sën hna hn'ile nahabunëho nudëfun hn'ile calinjëdëni wasëwif hna. Ntañabunëho do nësëhnëdëfunëhëhniwo vësëval vële varëko hnam va.

¹⁴ Aryampo hnë vësëval vërac Lidi maciko. Asëval ale ntakeďëho gë Wën yeho. Hn'inawñ Tiyatir matiko. Awaf wafand wavëntah* yeho. Asëval arac nëpadëhëfuno do Ahwëhn a pidëtëdëho sakahn hadëwu ha kolahn nkwëry do kwëtahn wanës Pol ña.

¹⁵ Njaryiko, gë vëvë tere lëwu va per. Tac më ntehnëkëfu aki: «Age paryi njavëtërun kwëtahnëbuha Ahwëhn a, yijën asëlu ÿal mën hna.» Do porosinjëdëhëfuno wawëfu.

Pol gë Silas hnë kaso vë Filip hna

¹⁶ Fac ryampo gante calinjëde mbokëbunëho yindëfu, asëval aryokuñ më kacakëfu. Gë yine ile hnësendëhawo ile wok tëkina nkeniho do nuñandënihawo koryi yabah vële ndokuñëhnëdëho va gë wanës watac.

¹⁷ Pëgwëlehn tëfëlehnëndëfu, fuhnë gë Pol, ndekatënd: «Vëyi vësan, vëryokuñëhn Wën Hunte Sëpëk Fop va ye! Ankañ nte yod' g'ipeh ña pëyadënihu!»

¹⁸ Wafac ntidëho koyëna. Awa Pol, ga cilëtak, më cahëtak ntehma yine ÿa: «G'uwac Yesu

* **16:14 16.14** *Wafand wavëntah*: Pand bëntah ña kambëk ntawñ; vëntah ÿa dahëse inawñ ña ye. Gë watëvavu ña «pourpre» ma «violet» macik.

Këris w̃a cahnëryehna ãyi asëval!» Do yine ỹa cahnëlehna taŋ.

¹⁹ Vële ndokuŋëhnëdëho va, ga nuni gona nuŷahnëndëniha koryi, umë pëlanihëhni vëhni Pol gë Silas kuhënihëhni njiryeryënihëhni waŷëwa bulunda hna haryënkwa vësankaf naŵ hna.

²⁰ Më ntehnëni: «Vëŷi vësan mpaŷëmpaŷëhnëni naŵ fu ŋa. Wasëwif ye

²¹ do wënamu wakasëk karanëdënihëhni vahnë va, do fuhnë vële kwëhnëk Rom vi maŵëryanilënëfuhna maŵin ma tëfin.»

²² Bulunda ỹa fëna ñadëniho ndafënihëhni. Awa, vëhitij va më ntihëtehnënihëhni viŷi va vëhni Pol gë Silas do ntehnëni ntampini.

²³ Ga ntampënihëhni dus, umë cëdënihëhni do ntehnëniha ayëka ỹa njëkandëhni dus.

²⁴ Ga tëk ntehnëniha koyëna tuŋ, ayëka ỹa më cëdëkëhni hn'acery mbë conk kaso ŋa do më ŋwecëkëhni wakwër ŋa hnë wadëhwa.

²⁵ Ga ndëcak ga, Pol gë Silas njëfadëniho do njëwëdëniho cëmbahnëniha Wënu ŋa do vëramp vëŷëntaŵ va nëpadënihëhniwo.

²⁶ Pëgwëlehn ñënkand dus nkal inji, do ñënkënd fëna kaso ỹa hafo wafida w̃a fop pidëtalehn do fop vankëncä vëramp va pëtalehnëhni.

²⁷ Ayëka ỹa më nëgak do, ga nuk warënka kaso w̃a pidëtak, umë pëhwëtëk sëlame lëŵu ỹa ñand ndëwa, kabi ntiyahnëkawo vëramp va nkaryëni.

²⁸ Bare Pol më ndekak gë fanka falëŵu fa fop: «Ant'aliya lavah! Fuhnë fop hnani nkefun!»

29 Awa ayëka ÿa më tëyëk humpen, ntëfëk ßambery kaso hna mbalatënd ntakah ña, do nji ndëkwëhn haryënkw Pol gë Silas.

30 Tac më canëkëhni do tëyëhni: «Vësan, ye rëfëka liwu fehëtahniwü?»

31 Umë ntëkwaniha: «Kwëtahnëryehna Ahwëhn a Yesu do pehëtëderu, gë tere hu ÿa per.»

32 Tac umë pëyaniha wanës Ahwëhn a, umë gë vële yeho tere va fop.

33 Awa g'umëd ga wati rac dënk ayëka ÿa njiryeryëlehnëhni ndagëhni wasër wã. Tac njaryëlehni tañ umë gë vële kwëhnëk va fop.

34 Tac më njokëhni vëhni Pol gë Silas gë ÿalu njëdãhni ile tokëdëni. Aÿi asan gë tere lëwu ÿa fop pëßëkëhniwo uhnatah soñe ile kwëtahnëniha Wënu ña.

35 Ga pacëk, vëhitiñ va payënihëhniwü vahnë ntehnëniha ayëka ÿa tavëhni.

36 Ayëka ÿa më njijëk pëyahna Pol: «Vëhitiñ va payehnini ravu. Awa kodun asahnu ayiwu yam.»

37 Bare Pol më ntehnëkëhni vële fayijiko va: «Fuhnë vële kwëhnëk Rom va ndafehnënihëfu ßulunda hna hara wahitñëlëfuhna do tac cëdehnënihëfu! Do tame ñandëni canënihëfu yëmëyëm? Watac gedina. Arabi njijëni vëhni dënk canënihëfu!»

38 Vële fayijiko va më njini pëyanihëhni wañi wanës vëhitiñ va. Vëhni ntakëkëhniwo ante njëtaniho Pol gë Silas Rom kwëhnini ña.

³⁹ Awa umë njijëni muntani tavëhnënihëhni do më canënihëhni kaso hna këlatëndënihëhni cahnëni naŵ hna.

⁴⁰ Ga rëk cahnëni kaso hna, Pol gë Silas më njini vëhni Lidi hna soŋe nunihëhni vëyënta hni va do kamënaŷehnënihëhni, tac njilehnëni.

17

Pol gë Silas Tesalonik hna

¹ Ante ndëcëniho Amëfipolis gë Apoloni ŋa, Pol gë Silas təkëniho Tesalonik. Hnam kwëhnaniho wasëwif ŵa caliŋa.

² Pol njiko caliŋa hna, gante njehëka ka. Hnë vantaŵëla vatar mbarëdëniho nkwajëlëdëni soŋe Vikerëh Wënu va gë vële yeho hnam va;

³ nkabëdëhëhniwo do tufëdëhëhniwo Arëhnayik a tëfëka korot do mbëhnëndani vësëm hna. Ntehnëdëhëhniwo: «Yesu nte fëyadëmu ŋi ye Arëhnayik a.»

⁴ Vëryampo hnë vële hnëpadëho hna maŵëniho wanës ŋa nkentëlehnini gë Pol gë Silas. Koyëna nkeho fëna hnë vële wok vëyena wasëwif vëyabah, do lakëdëhëhniwo gë Wën ŋa, do gë vësëval vëyabah vële hwëhna nafa hn'inaw hna.

⁵ Bare wasëwif ŵa ñëŵaryënihëhniwo rac. Awa më mbarëpënihëhni wafufafu wale yeho vankaŵ hna, matëndënihëhni wasëwif wëryampo do ñënkëni naŵ iŋa. Njilehnëni tere Yason hna njëkëlehnënihëhni vëhni Pol gë Silas soŋe njonihëhni haryënk w bulunda hna.

⁶ Bare kabi vërekatëlëhni hna umë njonihna Yason gë vële hwëtahnëk vëryampo haryënk w

vësankaf vëvë naw̃ hna pëgwëlehnëni ndekandëni: «Vëyi vësan ñënkëni duniya ya fop, do tame tëkini hnani!

⁷ Anj Yason hacakëhni yalu hna! Vëyi vahnë fop nkwajëni sariya asankaf a, Sesar; ntehnëdëni nkehëhna ahnaw̃ ahaŵary ale ŵacik Yesu.»

⁸ Wanj wanës mpaÿëmpaÿehnekëhniwo kore ya gë vësankaf vëvë naw̃ va.

⁹ Yason gë vëyëntaw̃ va tëfëkëhniwo cosënihëhni vësankaf va ani gë tavahnëndeni ya.

Pol gë Silas Bere hna

¹⁰ Mëdënd tuj vële hwëtahnëk va ndëcëtënihëhniwo vëhni Pol gë Silas njini Bere. Ga tëkëni, njilehnëni caliŋa wasëwif hna.

¹¹ Wasëwif wavë hnam ŵa hwëhnako nëf ntëbini wavë Tesalonik ŵa; tebaniho wanës Wënu ŋa g'imaŵa përen. Fac-wo-fac, kahnëndaniho ikaraŋ Vikerëh va njëkahnëni bi ile karaŋëdëhëhniwo Pol ya catëk.

¹² Hnë vahnë vërac wasëwif wayabah kwëtahnëniho, do hnë vële wok vëyena wasëwif vësëval vëryampo vële lënënik kwëtahnëniho fëna do gë vësan vëryampo.

¹³ Bare ante njëtaniho wasëwif wavë Tesalonik ŵa Pol mboko pëyahnënd wanës Wënu ŋa Bere hna, vëhni fëna njiniho hn'inaw̃ tac cënkwendënihëhni do mpaÿëmpaÿehnëndënihëhni bulunda ya.

¹⁴ Vële hwëtahnëk va më cañëtëniha taŋ Pol gë vëyëntaw̃ njini gë cape wov; bare Silas gë Timote nkolehnëni Bere hna.

15 Vële lapëhna kawo Pol va njirjeryëni hawo hnë sisikulu hafo Aten hna. Tac mbokalehnëni gë Bere g'ipay Pol iba vëhni Silas gë Timote; pëyanihëhni tëfëlehnëniha ñap.

Pol Aten hna

16 Wati nte napëdëhëhniwo Pol vëhni Silas gë Timote hnë Aten hna, nuko ile lavëkawo ðus sakahn hadëwu hna: nkol ña waravahn fo fëbëko.

17 Nkwajëlëdëniho gë wasëwif wã do gë vële wok vëyena wasëwif lakëdëhëhniwo gë Wënu ña hnë calija hna, do fac-wo-fac hnë vëyëwa bulunda hna, gë fop vële pankëlëdëniho va.

18 Vëhwëhn uyët vëryampo vële wacëde Wa-epikuren gë Wasëtowisen* pëgwëlehnëni vëhni fëna nkwajëlëndëni g'umë. Vëryampo tëyëdëniho: «Ye ñad nës ayi ayañënkah?» Vëyënta wã va më ntehnëni: «Ntiyak had soje wamënu wale wok yëtilënëhna pëyahnëd». Nësëniho koyëna kabi Pol soje Yesu ya pëyahnëdëho do fëna soje ibëhn vësëm ña.

19 Umë njoniha karyënk wã yëwa ile wacëde Arewopas hna do ntehnëniha: «Nësëhnëryifu soje inji karañ kasëk.

* **17:18 17.18** *Wa-epikuren ña gë Wasëtowisen ña:* Wa-epikuren ña ntiyahnëkëhniwo ñoñ gena hafo ðuniya yi, Wën gelohna. Tëfëka natëfu ðuniya yi fo. Wasëtowisen ña, soje vëhni, itëf nahahn nte lik ðuniya yi fecehnëkëhni. Ñoñ bayëmpa yëhnëdëlihna hnë toña rac. Nta wary ðuniya yi yeho wën hudëw hni ha. Tëfëkawo ntini fop ile satëk ya. Wakore waki tak vëhwëtahnëlohnä ibëhn vësëm ña.

20 Nkwëryëndanëruhëfu ile wobun yëtëlefuhna do ñadëfun dus yëtëfu bi ye ye umë.»

21 Tëyëdënihawo Pol koyëna kabi fop vëvë Aten va gë vëhneh vële lëdëntik hnam va fop nës gë nëpa wakasëk watëkwa watac ña fo pabëniho.

22 Awa, Pol më matëk haryënkwa vahnë vële yeho hnë Arewopas hna do ntehn: «Vëvë Aten, nkwëryëbu vële lënënëk dus waravahn yerun.

23 Ante ndapëbuho nkol hun ñi yëkatëndu waravahn wasëvah hun wï, nubuhö hnë ryampo ga kerik aki: “Wën le wok yëtina.” Awa, Wën le sëmbëdun hara yëtëluhna ña, umë ye ale yijëbu fëyaŵuna yi.

24 «Uñi Wën, umë ye ale lik duniña yi gë ile yehëhna hnam ña fop do umë ye Ahwëhn ambin inji g'inkal inji. Umë, wëla acery ndampo nte mbëryëni vahnë gedilahna gwër ntëdahn gante-wo-gante naŷëk ka.

25 Umë yëdadëhëhni vahnë va fop wayën wã do g'ile valëdëhëhni ña; balëlahna vahnë pabëniha ntinëhnëndëniha ile-wo-le ña.

26 Hnë ahnë aryampo fo ntik wabulunda ña fop do kwëtëkëhni hnë nkal li fop. Umë dënk fëhnako watac kobëri ña: tëkwëndëlehnëk wayal wã do gë wëwati wale rëfëkawo ntëdëni hnam wã.

27 Wënu ña ntik rac soñe njëkëlehnahnëniha vahnë va. Wëla ntehnï ntakaryëkëhni soñe njëkëlehnëniha, mpëd nudëniha. Toña-toña ña Wënu ña ñaŵëtalaha ahnë hnë fuhnë.

28 Ha, “Umë lik njënëden, ñënkanden do nkeyin.” Do fëna had gante nësëni vëyëw vëryampo ki: “Paryi nke vutah vuntëwu va yebun.”

29 «Awa, kabi vutah vuntëwu va yeyinëk, tëfëlahna nahayin Wënu ña mëntëlëni gë ravahn sanu, koryi ma taka, nte ntik ahnë gante nahak ka.

30 Bare Wënu ña dëkwëna wati le nkonihò vëyëtëna vahnë gante ntënëndëniha ka, tame macëdëhëhni fop, hnë ile-wo-le hna, nkwëcëtani vankeya vantëw hni va.

31 Kahnëndëk fac ile kitiñahnëdëhëhni g'ale tëhnaka vahnë va fop g'usatah. Aki tufëkëhni vahnë va fop ale ye ahitiñ arac a: mbëhnëndanëka vësëm hna!»

32 Ante nkwëryëniha Pol ga nësëk soñe ibëhn vësëm ña, vëryampo njafañëdënihawo do vëyëntaw va ntehnëdëniho: «Nëpaderu ahnësëhnëfu soñe wañi nkañ kañary.»

33 Awa cahnëko Pol hnam nji.

34 Vëryampo hnë vëhni kwëtahnënihawo do tëfëniha: hnë vëhni, nkeho Denis, (alënah yentiko umë fëna Arewopasit hna), g'asëval ale waciko Damaris, do gë vëhañary kat.

18

Pol Korent hna

1 Ga ndëcëk umë, Pol matëko Aten hna do nji Korent hna.

2 Hnam pankëlëniho sëwif le wacik Akilas; Pon nagiko, bare Rom hna ntëdëko hn'inkal Itali hna, do hnam matiniho takan g'asëvalu Përisil, kabi

Këlod Sesar, asankaf a lehnëko wasëwif wã fop cahnëni hnam. Pol më njik hn'ile nkeni Akilas g'asëvalu hna do,

³ kafi vëhni vërar tak wasank wafand ntidëniho awa umë ñëwëntik ýal hni hna do ndampo fo ndokuñëdëniho.

⁴ Fac ntawëla-wo Pol tebadëho wanës ña caliña wasëwif hna nkwajëlëntëdëho do njawërdëho wasëwif gë vële wok vëyena wasëwif mawëni wadëwu ña.

⁵ Ga tëkini Silas gë Timote matini Masedëwan hna, Pol pëyahn wanës Wënu ña fo pabëko; tufëdëhëhniwo wapacëk wasëwif wã Yesu ye Arëhnayik a.

⁶ Bare wasëwif wã ñwëyëhnenihawo do njewëndëniha. Më cawëk ivëd ile ye viyi vilëwu va tufahnahnëhni vëwawëna do ntehn: «Ile ýad nkewu ýa wuhnë dënk ýak; ami gentahnila. Tëk pëgw ýi wati hnë vële wok vëyena wasëwif hna njidëfu.»

⁷ Më matëk hnam njilehn hnë tere ale wacik Titiyus Yusëtis. Arac ntakëdëhawo gë Wënu ña do tere lëwu ýa ñarël caliña wasëwif hna nkeho.

⁸ Bare Kërisëpus, asankaf caliña ýa, kwëtahnënihawo Ahwëhn a umë gë vëvë tere lëwu va fop. Vëvë Korent vëyabah fëna kwëtahnëniho ante nëpanihawo Pol ña, mawëniho njaryini.

⁹ Hnë umëd ndampo Ahwëhn a nësëhnëkawo umë dënk Pol hn'itufëhna, më lehnëkawo: «Antë ntaki, gory ahnësënd, antë aryemëhna!

10 Yëtëry g'ami nkeyik. Ahnë kodina ntiyi uweh. Bulunda yabah ile hwëhnëbu yehëhna hnë anj nkol.»

11 Bëhn ryampo gë fagant bëhn ñëwëko Pol Korent hna karanatëndëhni vahnë va wanës Wënu ña.

12 Wati nte nkeho Galiyō guverëner Akayi ña, wasëwif wã nkwëryëlëniho pëlaniha Pol njonihā kitiña hna.

13 Ntehnëni aki: «Ayi asan njëkëlehnëd maŵëhnëhni vahnë va cëmbëndëniha Wënu ña g'ankeya nte hnëmpëlëk gë Sariya Moyis ya.»

14 Pol dëkwa ña pëhwëtaďëho ante ntehnëkëhniwo Galiyō wasëwif wã: «Wuhne wasëwif wi, nëparyino! Ge ile mbañëk sariya Rom ntikënd ma men iñë ile rëfëka kwëďahni, nëpakëndëbu wanës wadëw hun ña.

15 Bare kabi soñe nkwajëla wanës gë wamac soñe ikwëtahñ hun do gë wënamu hun ye, watac wadëw hun fo ye; ñada yewu ahitiñ wañi!»

16 Tac më ntakëhni kitiña hna.

17 Awa vahnë va fop pëlalehnëniha Sosëten, Asankaf caliña ña, ndafëndëniha haryënkwi kitiña hna, bare Galiyō ñoñ dehnëlëhniwohna.

Pol mbokaf gë Antiyos

18 Ga ndëcëk watac Pol Korent hna nkoço afo mbiy. Tac më tavëkëhni vële hwëtahnëk va kayëlehn hnë sisikulu nji Siri, umë gë Përisil do gë Akilas. Matahnënd vampamb wov vë Sankëre hna, Pol kuntëciko nkaf ña, kabi ile kwëtëlëniho gë Wënu ña ntiyako.

19 Ga tëkëni Efes hna, Pol më tavëkëhni vële tëfëlëniho va, nji tënk caliņa hna, nkwajëlëndëni gë wasëwif wã.

20 Tëyënihawo ñew hnam hafo mbiy, bare umë ñadilohna.

21 Umë koyakëhni ntehnëhni mbokajëd ge Wënu ņa mawëk. Awa, matëlehn Efes hna, kay sisikulu, nji.

22 Ante tëkëko Sesare hna, Yerusalem njiko ten nkaÿihni vëvë cery sali va, tac njilehn Antiyos vë Siri.

23 Mbiyëko hnam, tac më mbokak tëfëhëk nkol ga nkol resiyo Galasi hna do gë Fërisi hna, kamënaÿehnëhëndëhni vële hwëtahnëk va.

Apolos Efes hna do gë Korent hna

24 Sëwif ale wãcik Apolos, ale hnagik Alekësandëri, rëkiko Efes hna. Hnë wati rac, asan aholah wanës do yëtëko Vikerëh yeho.

25 Karaņiko nkaŵ Ahwëhn a, do kahnëndako đus, pëyahnëdëho do karaņëdëfëhëniwo vahnë va g'usatah soņe Yesu ŷa. Bare yarya San ŷa fo njëtëko.

26 Pëgwëlehn nësënd g'ikwëtahn caliņa wasëwif hna. Përisil gë Akilas, ga nkwëryëniha, umë njonihã gë ŷal hni pacënhëniha ikaraņ nkaŵ Wënu ņa.

27 Tac Apolos ñadëho nji Akayi. Vële hwëtahnëk va më kamënaÿehnëniha đus do kerëhnënihëhni vële hwëtahnëk vëvë Korent va kacaniha g'untënah. Ante tëkëko hnam ņa kwëhnanëkëhniwo nafa hnë vële ndemako Wën kwëtahnëniha va.

28 Tase bulunda ÿa fop nësëhnëdfëhëhniwo gë toña facah wasëwif wale wajëtehnëdfëhawo wa tufatëndëhni gë Vikerëh va Yesu ye Arëhnyayik a.

19

Pol Efes hna

¹ Wati nte nkeho Apolos Korent ña, Pol më tëfëk resiyo hwëhn wahuñ hna do tøk Efes. Hnam tëkatëkëhniwo vële hwëtahnëk vëryampo.

² Më tÿëkëhni: «Ante kwëtahnërunëho ña nuÿarunëho bi Iyir Ipacah ña?»

Më ntëkwaniha: «Kobëri gwëryëlëfuhna ga nësëde soje Iyir Ipacah.»

³ Pol më mbok tÿëkëhni: «Iÿëhne sifa yarya yaryirun awa?»

Më ntëkwaniha: «Yarya San ÿa.»

⁴ Pol më mbok ntehnëkëhni kat: «San njaryëkëhni vële wawëko nkwëcëtani vankeya vantëw hni va ntehnatëndëhni bulunda Isërayel ÿa kwëtahnëniha Yesu, ale rëfidëha ÿa.»

⁵ Ante nkwëryëniho wanës watac ña njaryiniho g'uwãc Ahwëhn a Yesu.

⁶ Pol tindëkëhniwo wëbák ña, Iyir Ipacah ña cëlëlehni hnë vëhni. Pëgwëlehnëni tañ nësëndëni vanësa vakawary do pëyahndëni wanës Wënu ña.

⁷ Vahnë vërac tøkëniho ipëhw gë vëhi.

⁸ Pol njidëho calina wasëwif hna kwëlëkwël do hnë wadepera watar, nësëdëho g'ikwëtahn, pëyahnatënd Inaw Wënu ña do njawërdëho mañëhnëhni vële hnëpadëhawo va.

⁹ Bare vëryampo ñoñ vëyadilohna nkwëryëni do ñwëyëniho vëhwëtahnëdina, wameh fo nësëdëniho soje nkaŵ Ahwëhn a tase vahnë fop. Awa Pol më tavëkëhni nji, më njokëhni vële hwëtahnëk va do fac-wo-fac nkwajëlëdëniho gë vëhni hnë cery cankaf nte nkwajëlahnëdëniho Tiranus gë bulunda ŷa.

¹⁰ Watac wabëhn waki mbiyëko, hafo fop wasëwif gë vële wok vëyena wasëwif lëdëko hnë resiyo rac ŷa kolëni nkwëryëni wanës Ahwëhn a.

Vutah vucan vumba Seva va

¹¹ Hnë wati rac Wënu ña ntiyehnëdëhawo Pol vifëmpëhnahnah vile nkok nahana ahnë.

¹² Koyëna nufëdeho wakantika gë wafand vunte ŷakëdëhawo va njonëhnëndeni vëres. Vërac njërëdëniho do wayine ña cahnëdënihëhniwo vahnë va.

¹³ Nkeniho fëna wasëwif wëryampo njidëniho waŷëwa hna fop soje ntandënihëhni wayine vahnë hna. Fac ryampo njawëreniho fëna ntanihëhni g'uŵac Ahwëhn a Yesu. Ntehnëdënihëhniwo: «G'uŵac Yesu, nte pëyahnëd Pol ña, ntehnëdërun: cahnëryin!»

¹⁴ Vutah imbëd gë vuki vumba Seva va, asankaf vësëna wasadëha wasëwif ŷa, lidëho koyëna.

¹⁵ Bare, ga nësëni koyëna, yine ŷa më ntëkwakëhni: «Yesu? Njëtëbuha. Pol, njëtëbu bi mo ye. Bare ŵuhnë, vëhni mo yerun?»

¹⁶ Asan ale pëlako yine ŷa ntonanëlehnhëni do mëkëkëhniwo vëhni fop, mbërehnhëkëhni dus,

cahnëlehnëni nkaryëni hnë tere rac viyi këm fo do cërehnëkëhniwo d'us.

17 Fop vële lëdëk Efes va njëtaniho watac. Wasëwif gë vële wok vëyena wasëwif per ntakëkëhniwo do u'wac Ahwëhn a Yesu na'yëdëho.

18 Vëyabah hnë vële hwëtahnëko hna njijëdëniho putandëni tase vahnë fop wameh wante ntidëniho ña.

19 Vahnë vëyabah vële hwëhnako mbilayo njojëniho vëkayëte uyët mbilayo vantëw hni va, kovëni do pëdëni tase vahnë fop. Vëkayëte vatac hnapul yabah yeho.

20 Koyëna tufahnëdëho Ahwëhn a fanka falëwu fa. Wanës wadëwu ña campëdëho g'aha'wary do hn'ile-wo-le tëkëko hna ntidëho d'oku lëwu ña.

Ina'ñëna bulunda vë Efes

21 Ante ndëcëko watac ña, Iyir Ipacah inja pëhna'yëhnëkawo Pol tëf Masedëwan gë Akayi nji Yerusalem. Ntehnëdëho: «Ge tëkëbu hnam afo yiwu Rom.»

22 Umë payëkëhni Masedëwan Timote gë Erasët, vësan vëhi vële ryemadëhawo va, bare umë dënk resiyo Asi hna nkoko hafo mbiy.

23 Hnë wati rac uryëñah sankaf yeho Efes hna soñe Nka'w Ahwëhn a.

24 Aryëhwar koryi ale w'acik Demetëriyus, ryëhwarëdëho vucery koryi vunte wëntëlëk gë cery wënu cankaf mba wënu wagërek ile w'aciko

Arëtemis* do vëryokuŋ vëlëwu va nuŋadëniho hnapul yabah.

²⁵ Fac ryampo Demetëriyus mbarëkëhniwo vëryokuŋ vëlëwu va fop gë vëryëhwarëntawu va, do ntehnëhni: «Vëyënta mën, njëtërun iŋi doku hnuŋahnëden hnapul yabah.

²⁶ Bare nurun ma nkwëryërun ile ryëcëtaď ŷa: aŋi asan, Pol, pëyahneď wamën wante ntideŋi vahnë gena Wën paryi do mëkëď maŵëhnëhni watac vahnë vëyabah ani Efes li do resiŷo Asi hna fop.

²⁷ ŷayah waŋi wanës wadëwu ŋi gena doku fu ŷi fo përekanëď bare fëna këfëď cery wën cankaď mba Arëtemis, wën hucankaď fu ŋa. Koyëna kihneď ntënah ale cëmbëďëni Asi hafo duniŷa ŷi fop.»

²⁸ Ante nkwëryëni watac ŋa ntavëlehnëkëhniwo taŋ, pëgwëlehnëni ndekandëni: «Arëtemis mbë Efes naŷëk!»

²⁹ Ankol ŋa fop ñënkalehn. Vahnë va njolehnënihëhni Gayiyus gë Arisëtarëk, vësan vëhi vëvë Masedëwan vële tëfëlëniho Pol uyas va, ntëfaryini gë mbara ntëw hni.

³⁰ Pol ñadëho ŋi bulunda hna bare vële hwëtahnëk va vëwawëlohna.

³¹ Vëryampo hnë vësankaď vëvë resiŷo Asi hna fëna, wëlawo walëwu wã, payëhniniho këlaniha antë ŋi mbara hna.

³² Wati rac bulunda ŷa vëwolohna nëpalëndëni. Ale-wo-le haŵary ndekantëďëho

* **19:24 19.24** *Arëtemis*: Wac wën asëval wagërek hwëhn yahey ŷa ye.

do vëyabahn hnë vëhni vëyëtëlohna dënk bi soņe ye varëlik.

³³ Wasëwif wëryampo hnë vëvë bulunda hna payënihawo haryënkwo bulunda hna ale wëciko Alekësandër soņe nkabahn ile liyak ŷa. Arac më njelak vák ŷa: ñadëho nësëhnëhni bulunda ŷa.

³⁴ Bare ante njavëtënihawo bulunda ŷa sëwif ye, vëhni fop ndekadëniho ndampo fo, uhnësë rac fo, ile yëhnëko tøk wawati wahi: «Arëtemis mbë Efes naŷëk!»

³⁵ Ga mbiŷëk asankaf ahigëna ŷa ndemëhnaŷëhnëkëhniwo bulunda ŷa do ntehn: «Vëvë Efes, mo wok yëtëna duniŷa li nkol Efes ŋi ye ante yëkad cery wën Arëtemis ŋi gë taka cëvah nte mëntëlëni sëlík g'ambin ŋi?

³⁶ Ahnë kodina nkwanj. Awa tëfëka aryemëhnaŷu do ant'aliwu iñë hara nahaluhna.

³⁷ Njojërunëhëhni vëŷi vësan hnani, bare ñoñ vëlina ile wëk cery wën cankaf fu hna do vëyewëlahna fëna wën fu ŋa.

³⁸ Ge Demetëriyus gë vële ndokunëlahnedëni va kwëhnani ile pëyahnëdëni menëk ahnë, awa soņe rac nkehëhna vakitiŋa gë vëhitin per; hnam tëfëka pëyahnëni.

³⁹ Do ge kwëhnarun wanës wakaŷary wante rëyëdun pëhwëtëden tase bulunda hna gë vële yëtëk sariya lëw fu va.

⁴⁰ Ge diyilënëhna wajira ntehnëdenëhëfu ñañënayinëk soņe ile liyak dol ŷi kabi kwëhnayilënëhna toña soņe anj mbarëla, kodëlënëhna nësin ile liyëhnëkëfu rac ŷa.» Ante nësëko wanj wanës ŋa më ntehnëkëhni

bulunda ŷa campëni.

20

Pol Masedëwan hna do gë Gëres hna

¹ Ante puko ŋañëna ŋa, Pol mbarëkëhniwo vële hwëtahnëk va kamënaŷehnehni. Tac koy-ahni kahnëtalehn nji Masedëwan.

² Ga tëkëk hnam ndëcëtako resiŷo rac, nësëhnëkëhniwo d'us vële hwëtahnëk va, kamënaŷehnahnehni do tëkëlehn Gëres,

³ do wadepera watar ñëwëko hnam. Wati nte ñadëho kay sisikulu nji Siri ŋa, njëtako wasëwif w'a wëh ñadëni ntiniha. Awa më pëhnaç mboka gë cape Masedëwan.

⁴ Vëŷi vësan tëfëlëniho: Sopater aju Pirus avë naŵ Bere, Arisëtarëk gë Sëkundus vëvë Tesalonik, Gayiyus mbë Derëb, Timote, do Tisik gë Tërofim vëvë resiŷo Asi.

⁵ Vëhni ryënkwëhëko Tërowas hna napëhëdënihëfuno.

⁶ Fuhnë, hnam nkoçunëho hafo ndëc ambënt mburu kwëhn levir këm ŋa. Tac më hayëçun sisikulu Filip hna, yifu hnë wafac imbëç rëfëlehnëfuni gë Tërowas hn'ile njibunëho lifu wafac mbëç gë wahi.

Pol ahnë mbëhnëndanëç Tëroyas hna

⁷ Samëdi g'anëka mbarëpëlëçunëho soŋe wubëlehnëfu mburu ŋa.☆ Pol nësëndëhëhniwo vële hwëtahnëk va hafo fagant mëhwëry hna kabi tëfëçkawo nji ge pacëç.

☆ **20:7 20:7:** Vantiyehn 2.42

⁸ Cery nte ye cëmët mbëryëh hna mbarëbunëho. Walampu wayabah fëdiko hnam.

⁹ Ajar nte waciko Utikus lañako fenetër hna. Ñëhnëlehn wakwëd kabi wanës Pol ña njaryëko. Paco ndëtajëk etas rarëna hna njoj gëd. Vahnë më cëlëni matëndëniha bare cëmëko.

¹⁰ Pol umë fëna më cëlëk nji muryahna do ntehn: «Ant'avalu, cëmëna!»

¹¹ Tac më voka bun yañ, do Pol nkubëlehn mburu ña, rokëfu do mbok pëgwëlehn nësëhnëndëfu hafo lav a pëhni, njilehn.

¹² Jar ña afërën fo mënceryiko do watac njamënëko wasakahn vahnë fop.

Pol matëd Tëroyas hna nji Mile

¹³ Ante nkëhnëbunëho hahnëtafu ña Pol më lehnëkëfuno hayëfu sisikulu yifu Asos hn'ile tēfëkawo hnufëhëfuna hna kabi umë gë wapary ñadëho njas hafo hnam.

¹⁴ Ga tēkëhëkëfu Asos hna më yobunëha sisikulu hna yifu Mitilen.

¹⁵ Hnam, më vokëbun ryëcalëfu do rëkëfu ga pacëk haryënkwo Kiyō. Fac le voko tēki kat ÿa vok rëkëlehnëfu Samos, ga mbok pac Mile hna tēkëbunëho.

¹⁶ Pol pëhnako ndar Efes, soñe antë mbiy hnë resiyo Asi hna; ñankahnëkawo nji Yerusalem hna njanti ambënt nte wacik Pantëkot ña.

¹⁷ Mile hna payëkëhniwo Pol vahnë njini Efes macinihëhni vicër cery sali va njijëni.

¹⁸ Ante tēkini ña Pol më ntehnëkëhni: «Njëtërun gante nkeho nkeya mën ña wati

le yelahninëko hna fop, tøk pëgw fac le rëkahniibuho resiyo Asi ya.

¹⁹ Dokujëhnëbuha Ahwëhn a hara naÿënala mama korotehnëniho wasëwif wã hafo howu dënk.

²⁰ Njëtërun fëna ñoñ cowëluhna, pëyamu do karanëmu fop ile hwëhnak nafa soje hun ya, tase vahnë fop do gë watere hun hna fëna.

²¹ Ntehnëdëfuhëhniwo fëna kwëlëkwël wasëwif gë vële wok vëyena wasëwif tëfëka nkwëcëtani vankeya vantëw hni va do kwëtahnëniha Ahwëhn fu ya Yesu.

²² «Tame wëli Yerusalem yidëfu kabi Iyir Ipacah ija forosinjëdëho, bare yëtëla bi ye yid nkewo hnam.

²³ Ile pëyako Iyir Ipacah ija hnë vankol hna fop, umë fo yëtëbu: mbëradëfu do cëdëdëbu.

²⁴ Ami, mena ge cëmëbu ma wowu hnë duniya li. Fuhnawu doku le kwëtehnahnëko Ahwëhn a Yesu yi yadëfu: umë ye fëyahnu Wanës Wakasëk na Wënu na pehëtëkéfu ipërëna dëwu na.

²⁵ «Njijëbuho fagant hun fop fëyahnëndu Inaw Wënu na, bare tame njëtëbu bokëdiluhna ahnuwuno.

²⁶ Soje umë fëyahnëdëmu dol karanëmu fop ile holëbu ya; ge ahnë njwëyëk, umë yëtëk.

²⁷ Pëyamu fop ile ntehnëk Wën ntide ya; ñoñ cowëluhna.

²⁸ Keryaryin vankaf hun va, wuhnë dënk do gë fop vahnë vëvë cery sali vi, wuhnë vële ntik Iyir Ipacah vëhery had vëhery wape. Dënkwëтарыin, Aju Wënu na soje lëw hni ya ndehëtëk sat lëwu ya.

²⁹ Njëtëbu, ge gola hnani, vahnë vëyapah va njijëdëni ýal hun li, do kaýëhnahnëdílëhnhina.

³⁰ Nkeďëni vële wätëk hnë wühnë dënk, nësëndëni wamër, nuýahnënihëhni vële rëkëď tëfëlehnëndënihëhni.

³¹ Titënaryin đus! Dënkwëtaryin, hnë wabëhn watar, g'umëď gë g'anent, nkabëďëmuno ale-wo-le hnë wühnë, wëla gë wankwën ña.

³² «Tame Wënu ña hwëtehnahnëmu soñe wanës wadëwu ña ntihahn đoku lëwu ýa hnë wühnë ndemaďëhu le-wo-le ýa. Kwëhñak fanka naýënahnu kwëtahn hna do mawëryahnu fop hnapul ile kwëhñëni fop vële kwëhñëk va.

³³ Ñaďëwöhna koryi ma viyi vahnë vëhařary.

³⁴ Njëtërun wühnë dënk ñacëñac ntëmën ña hnuýahnëďëfunëho ile valëďëhëfuno ýa, ami gë vëřëfal mën vi.

³⁵ Tufëďëmuno kwëlëkwël, aki tëfëka aryokuñëdu aryemahnuni vëhaýëhñah va. Dënkwëtaryin ile nësëko Ahwëhn a Yesu umë dënk: “Ile yëďahnëdu ýa yabëka nafa gë ile hnuýadu.”»

³⁶ Ante puhñak Pol wanës ña, umë ndëkwëhñëk njëfani gë vëhni fop.

³⁷ Awa vëhni fop pëgwëlehnëni kondëni, muryalehnëniha mbucëndëniha.

³⁸ Ile hoyëhñëkëhniwo đus ýa umë ye ile ntehnëkëhniwo bokëďina nuniha. Tac ntapëhñaniha hafo sisikulu hna.

21

Pol Yerusalem hna

¹ Pitëlëbunëho gë vële hwëtahnëk vëvë Efes va hayëlehnëfu sisikulu satënafu Kos; ga pacëk rëkëlehnëfu Rod, tac hafo Patara.

² Wati nte cëlëbunëho hnam ña, tëkatëbunëhawo sisikulu le yidëho Fenisi. Hayëlehnëfu rac yifu.

³ Umë hnuhun Tinti Sipër ña ñaŵët g'irahahn, ryëcëlehnëfu rëfëfu gë cape Siri, rëkëlehnëfu Tir; hnam tëfëkawo cëlëndi ile ndifëko sisikulu ÿa.

⁴ Tëkatëbunëhëhniwo hnam vële hwëtahnëk do umë ÿëwëbun wafac imbëd gë wahi gë vëhni. Iyir Ipacah ña hnësehnëkëhniwo vahnë vërac; më ntehnëniha Pol antë nji Yerusalem.

⁵ Bare pund tunj wafac imbëd gë wahi warac, ryëcalëlehnëfu nkaŵ ntëŵ fu ña. Vëhni fop, vësan gë vësëval gë vutah, më ntapëhnanihëfu hafo sahnëfu nkol ña. Tac më ryëkwëhnëbun tëfary wov hna yëfafuna Wënu ña.

⁶ Ante koyalëbun ña, më hayëbun sisikulu hna do vële hwëtahnëk va mbokalehnëni gë ÿal hni.

⁷ Ga mbokëbun wätëfu Tir hna gë sisikulu ÿa yilehnëfu Pëtolemayis, ÿaÿëfuni vëÿënta fu va hn'inaŵ tac lifu fac ryampo gë vëhni.

⁸ Ga pacëk ryëcalëlehnëfu rëkëfu inawë Sesare hna, sëlëfu tere Filip[☆], hnë ale haraŋëdëhëhniwo vahnë wanës Wën hna, umë yentiko hnë vësan mbëd gë vëhi vële rëhnayiko Yerusalem va.

⁹ Kwëhnaکہniwo vëryag vëhnaһ vële woko vëÿëlina. Pëyahnedëniho wante nësëhnedëhëhniwo Wënu ña had wakila.

☆ 21:8 21.8: Vantiyehn 6.5; 8.5-40

10 Wafac wayabah libunëho hnam tëket asan ale waciko Agabus, mati Yude. Umë fëna had kila pëyahnëdëho ile nësëhnëdëhawo Wënu ña.

11 Umë njijëk hn'ile nkebun hna, nuf ryl Pol ña ñëba wapary ñi gë wëbák ñi do ntehn: «Wëlin ile ntehnëk Iyir Ipacah iña: “Asan ale hwëhnëk iñi ryl ña, aki ñabëdëniha wasëwif wã Yerusalem hna, tac njëdahnëniha hnë vële wok vëyena wasëwif.”»

12 Ante nkwëryëbunëho watac, fuhnë gë vële yebunëho hnam va, më hëlabunëha Pol antë nji Yerusalem.

13 Bare umë ntëkwakëfu: «Soñe ye hodfun do yëkëlehnëdun awoyehnuno? Ami, pëhwëtabu ñabiwu, do sëmu Yerusalem hna soñe Ahwëhn a Yesu.»

14 Kabi kodilëfuhna woyëhnëfuhna më ravëbunëha do lehnëfu: «Awa arabi iña Ahwëhn a ntiya.»

15 Ga ntibun wafac hnam, më fëhwëtabun hahnëtalehnëfu yifu Yerusalem.

16 Vahnë vële hwëtahnëk vëvë inaŵ Sesare va më ntapëhnanihëfu. Hnë ale wacik Mënason avë Sipër njonihëfuno, ñaluhna tëfëkawo sëlëfu. Asan arac, gë vële ryënkwëko kwëtahnëniha Ahwëhn va nkentiko.

Mbara Yerusalem ña

17 Ante tëkëbunëho Yerusalem ña vëyënta fu va kacanihëfuno g'uhnatah.

18 Ga pacëk, Pol gë fuhnë më yibun vëhni Sak hna. Hnam mbarëniho fop vëvë haryënkw cery sali va.

19 Pol nkaÿëkëhniwo umë tëfëtanëkëhni fop, ryampo ryampo, ile ntiko Wënu ña hnë doku lëwu vële wok vëyena wasëwif hna.

20 Vëvë haryënkwa va ga nkwëryëni watac, umë njëwëdëni icëmb Wënu ña do ntehnëndëniha Pol: «Aÿënta fu, nuru wasëwif wayabah kwëtahnëniha Yesu do g'ucatah tëfëdëni Sariya Moyis ÿa.

21 Wëlin wade hnësëde soñe lëw hu ÿa: karanëd'uhëhni fop wasëwif wale lëdëk hnë vële wok vëyena wasëwif hna, soñe tavëni Sariya Moyis ÿa do antë kácehnënihëhni vutah hni va do antë mbok tëfëni namu wasëwif wã.

22 Awa ye rëfëka ntiyin? Pacëk njëtaðëni njijëru ani.

23 Soñe umë, diry ile lehnëdëru ÿa. Vësan vëhna h yentik gë fuhnë, kwëryëhnëniha Wënu ña iñë.

24 Yoryihni, afacënjaju do asosahn soñe kwëtëla ntëw hni ña. Tac, ndirini vankaf va had dahëse puhnani kwëtëla tac. Koyëna vahnë va fop nudëni wante hnësëde soñe hu ña wamër fo ye, do nkoru ahwëtahn, wëjë dënk, Sariya Moyis ÿa.

25 Bare soñe vële wok vëyena wasëwif do hwëtahnëk va kerëhnëbunëhëhni, fëyafuni wanës wante hahnëndëbun ña: Tëfëlahna tokëni faÿar sadëha, wasat, do fëna faÿar ile wok kácina soñe cahna sat ÿa, do asan g'asëval ntë ndakëni ge vëÿëlëläna.»

26 Ga pacëk Pol më njokëhni vësan vërac njini soñe pacënajëni vëhni fop. Hnë wati rac më tënkëni selele Cery Wën Cankaf hna, pëyahneni

fac le puhand pacëna ɲa, gë fac le cënanëhnande sadëha ale-wo-le hnë vëhni ỹa.

Ipëla Pol ɲa

²⁷ Ante ñadëho pu wafac imbëd gë wahi wale sënande sadëha pacëna ɲa, wasëwif wale wātiko hnë resiyo Asi më nuniha Pol Cery Wën Cankaf hna. Umë ntavëndanënihëhni kore ỹa fop pëlalehnëniha,

²⁸ ndekatëndëni: «Vëva Isërayel! Demaryinëfu! Wëliho ale harañëdëhëhni vahnë fop gante-wo-gante ile wok tëfëlëna gë bulunda lëw fu ỹa, gë sariya lëw fu ỹa. Ndënikëhni dënk vële wok vëyena wasëwif Cery Wën Cankaf hna, do tonkënek iyi ỹëwa sëvah!»

²⁹ Nësëdëniho koyëna kabi Tërofim mbë Efes nuniho ga tëfëlëni gë Pol naw hna do ntiyahnëkëhniwo bi ndënëka Cery Wën Cankaf hna.

³⁰ Naw iɲa ñënkalehn fop do vahnë va nkaryini gante-wo-gante. Më pëlanaha Pol, kuhëniha, canëniha Cery Wën Cankaf hna, pidëlehnëni taɲ warënka wã.

³¹ Wati nte ñadëniho ndawëniha Pol ɲa, pëyayiko asankaf wasodafë wavë Rom wã, fop vëvë Yerusalem va ñënkani.

³² Mbarëpëlehnëhni taɲ wasodafë wã gë vësankaf vëlëw hni va nkaryëni gë kore. Vahnë va nundëniha taɲ asankaf wasodafë wã gë wasodafë walëwu wã tavëlehnëniha gona ndafëndëniha Pol.

33 Awa asankaf wasodafe ÿa më tëhaka, pëlaka do ntehn ñabi gë vankënca vaki, tac më tëyëk bi hak macik do bi ye ntik.

34 Bare kore ÿa wanës wanëmpëlah ndekadëniho hafo asankaf wasodafe ÿa kolëlohna njët ile ye toña soñe wadëka wanëmpëlah watac. Umë ntehnëk njoyi Pol gë kañ wasodafe.

35 Ga tëkëk Pol rënka cery nte hwëhnako rënka le hayëde ÿa, wasodafe wã njihnënihawo, kabi kore ÿa ñañënanihho,

36 Ñadëniho ntoñanëniha ndekatëndëni: «Dawëryiyi!»

Inësa Pol ña

37 Wati nte ñadëho ndëni Pol hnë kañ hna, më ntehnëka asankaf wasodafe wã: «Kodëfu bi lehni inë?»

Më ntëkwaka: «Kolëru wanës wagërek ña!

38 Awa wëjë gelihna bi avë Esipët ale ÿañënaÿehnëkëhniwo vahnë do njohni biÿëna gë lañ? Vëryaŵ vahnë, vësan wawuli wahnah yeho.»

39 Pol më ntëkwaka: «Sëwif yebu. Tarës hnagibu, Silisi hna. Inaw dënah d'us ye. Këلامي maŵëryanërye hnësëhnëŵëhni bulunda ÿi.»

40 Asankaf wasodafe ÿa më maŵëryanëka. Awa më kahnëk rënka kañ hna do njelahni bulunda ÿa. Ndemëhnalehnëni tañ, umë ntehnëkëhni gë Wa-ebëre ña, wanës wasëwif ña:

22

¹ «Vëyënta mën, nëparyin wanës wante yadëfu hnësu tame ayëtahnu dila iñë wëh.»

² Ga nkwëryëni Pol wanës wadëw hni na nësëndëhëhni, ndemëhnaniho ntëbi nte nje-lakëhniwo na. Më ntehnëkëhni:

³ «Sëwif yëbu. Tarës hnagifü Silisi hna, bare Yerusalem li naÿëbu. Gamaliyel yeho aharañ mën a. Karañekowo afo yëtu d'us sariya le njëd'akëhniwo Wënu na vacërakëlo fu va do kahnënda'buho soñe Wënu na had gante nkerun wuhne fop dol ki.

⁴ Mbërehnëbuhëhniwo vahnë vële rëfëdëho añi Nkañ Ahwëhn va hafo ryawëwëhni. Pëlayehnëbuhëhni vësan gë vësëval do sëdëhnëwëhni kaso hna.

⁵ Asëna wasadëha asankaf aÿi gë fop kore vëvë haryënk'w vi kodëni nkenëhnëniho sëdë. Kerëhnënihowo vëkayëte yinenëhnëwëhni vëyënta fu wasëwif wale lëdëk Damas do njifüho fëljajëwëhni vële rëfëdëho Nkañ Ahwëhn va yabiwëhni, wënceryi'wëhni Yerusalem li soñe kwëd'ini vëhni fop.»

Pol pëyahned' gante macëka Ahwëhn ka

⁶ «Ante njidëfuho do tëhabuho Damas na, lav a nkëhnëko t'ek nkaf li, matëlehni tañ humpen hucankaf g'ambin njij cëpo penëlehno.

⁷ Yolehnu nkal hna, wëryëlehnu kopa ga macëdëho: “Sol, Sol!” do më t'eyëko: “Soñe ye vërehnëd'ufu?”

⁸ «Më rëyëb'uha: “Ahwëhn, mo yeru?”

«Awa më ntehnëko: “Ami, Yesu mbë Nasaret, nte vërehnëd'ufu na ye.”

9 Vële rëfëlëbunëho va nuniho humpen ha, bare wawëryëlohna kopa le hnësëhnëdëhowo ÿa.

10 «Më rëyëbuha: “Ahwëhn ye rëfëko liwu?”

«Ahwëhn a më ntëkwako: “Matëry ayi gë Damas. Hnam pëyaderu ile rëfëka ali ÿa fop!”

11 Bare golëwöhna hnundu: humpen hutac mëpënëkowu. Awa vërefal mën va më pëlaniho vák ÿi kahëniho hafo rëkëfu Damas hna.

12 «Ale wăcic Ananias yeho hnam. Asan arac ntakëdëhawo gë Wënu ŋa do Sariya Moyis ÿa tëfëdëho. Ipërëna dëwu fo nësëdëniho wasëwif wale lëdëko hnam va fop.

13 Umë njijëk tëkatëko, kahnëk darël mën do ntehno: “Aÿënta mën, Sol, bokary ahnund!” Wati rac dënk hnulehnëwă Ananias hafo pac.

14 «Awa më ntehnëko: “Wën warëm fu ŋa mbiÿëk ga tëhnaki soŋe njëtëndani ile ñad ÿa, ahnuhahna ale satëk a do awëryahnënd kopa lëwu ÿa.

15 Sede lëwu ÿa yëdu haryënkw vahnë hna fop, soŋe afëyahnehni ile hnuru do wëryëru.

16 Tame, ye hnapëdu? Matëry, ahwëtahna Ahwëhn a, diry ayaryi do afacëni wameh hu ŋa.”

17 «Tac, umë vokajëbu Yerusalem li. Fac ryampo, ante njëfadëfuho Cery Wën Cankaf hna, më hnubuha Ahwëhn a hn'ikaryëtahn.

18 Më ntehnëko: “Cahnëry ñap Yerusalem li, kabi vële lëdëk hn'ani vi vëwawëdëna wante hnësëdu soŋe mën ŋi.”

19 «Umë lëkwaɓuha: “Bare Ahwëhn, njëtëni njidëfuhò calija-wo-calija soŋe sêdehnëwëhni do ryafehnëwëhni vële hwëtahnëkino va.

20 Do ante ndawëdeho sede lëw̃ hu ɲa, Ecen, hnam nkentibuho ami dënk. Caɲahnëkowo rac do ami yëkadëwo vëyi vële ryawëdëhawo gë wëraka va.”

21 «Awa Ahwëhn a më ntehnëko: “Yiry, kabi cañëtëdëmi ɲawët, hnë vële wok vëyena wasëwif!”»

Pol gë Kumanda vë Rom

22 Kore ŷa nëpadënihawo Pol hafo ante nësëko watac ɲa. Tac pëgwëlehnëni ndekandëni: «Dihëtëryina duniŷa li ayi asan! Dawëryina! Tëfëlahna nkonti duniŷa li!»

23 Nañënanihò, do citëni viyi vilëw̃ hni va, ntonjëndëni nkal iɲa*.

24 Awa asankaf wasodade ŷa më ntehnëkëhni: «Dënëryina Pol kaɲ hna do alampuna, nësahn forosima; ñadëfu yëtu bi soŋe ye ndekadëni bulunda yi aki soŋe lëwu.»

25 Ante ñabëdeho ɲa, Pol tëyëkawo asankaf wasodade ale yeho hnam ŷa: «Kodun bi alampuna ale kwëhnëk Rom ale worun kitijëluhna ten?»

26 Asankaf wasodade ŷa, ga nkwëryëk watac, më njik pëyaka kumanda ŷa: «Njëtëru bi ile ŷadu ali ŷa? Ayi asan ale kwëhnëk Rom ye.»

* **22:23 22.23** *Citëni viyi vilëw̃ hni va, ntonjëndëni nkal iɲa:* Namu le rufahnëd ntavah ntëw̃ hni ɲa ye.

²⁷ Kumanda ÿa njilehn tañ vëhni Pol hna do tëya: «Pëyarye, paryi bi ale kwëhnëk Rom yeru?»

Pol më ntëkwaka: «Ha.»

²⁸ Kumanda ÿa më ntehnëka: «Ami cosahnëbu yabah yehahnu ale kwëhnëk Rom.»

Pol më ntëkwaka: «Ami, nagaryibu.»

²⁹ Vële ÿadëho ntampëniha Pol nësahn va tavëlehnëniha tañ. Kumanda ÿa ntakëkawo ðus ante njëtëko ale kwëhnëk Rom ñabehnëk gë vankëncä.

Pol haryënkw vëhitiñ vësankaf wasëwif

³⁰ Pacënd tuñ, Kumanda ÿa ñadëho njët facëk soñe wante ntehnëdëniha Pol wasëwif ñi. Awa, më pëtehnëka do macehnëhni vësankaf vësëna wasadëha va do gë Mbara Vëhitiñ va fop, tac canehna tase vahnë fop.

23

¹ Pol më ntañëkëhni Mbara Vëhitiñ va do ntehnëhni: «Vëyënta mën, gë hakili risah njasaryëbu haryënkW Wënu ña do ñoñ gena ile hnirandëbu hafo fac vë dol ÿi.»

² Hnë wati rac asëna wasadëha asankaf a Ananias më ntehnëkëhni vële kakëniho Pol va: «Dafëryina wës li!»

³ Awa Pol më ntehnëk: «Wëjë ndafëd Wënu ña, wëjë ale wëntëlëk gë mir le yerënik ÿi! Ntañaru ahitiño gante nësëk sariya ka, bare ntidü ile ñwëyëk sariya ÿa: ntehnëru ryafiwu.»

⁴ Vële yeho ðarël Pol va më ntehnëniha: «Njëtëru bi njewëruha asëna wasadëha asankaf ava Wënu ña?»

⁵ Pol më ntëkwakëhni: «Vëÿënta mën, yëtaka asëna wasadëha sankaf ye. Toña ye, kerik kayëte Wën hna: “Yeÿëdilihahna ale ye asankaf ßulunda hu ÿa.”»

⁶ Pol njëtëko vële yeho Mbara Vëhitij va fop vëryampo wasaduse yeho, vëÿëntaÿ va wafarise. Soÿe umë ndekahnëko ßulunda hna: «Vëÿënta mën, Farise yëbu do wafarise ye warëm mën ÿa do soÿe ikwëtahn fu vësëm va mbëhnëdëni hitijandëbu.»

⁷ Ante nësëko watac ña, nkwajëla cankaf yeho yëbëlan wafarise ÿa gë wasaduse ÿa, do mbarëla ña pitëlëko nke wakore waki.

⁸ Koyëna nkeho kabi wasaduse ÿa vëhni lehnëko vësëm va vëvëhnëdëna, do wamëleka gë wayine wayena, ßare wafarise ÿa vëhni kwëtahnëniho watac fop.

⁹ Nkelehn sonko sankaf kore hna. Vëharan sariya vëryampo hnë wafarise hna, matëniho conkëndëni ðus, ndekandëni: «Ñoñ nulëfuhna ile ntëntëk aÿi asan. Kod nke mpëd mëleka ma iyir hnësëhnëka.»

¹⁰ Sonko ÿa njakëko hafo Kumanda ÿa ntaka antë citëlëniha Pol fagant lëÿ hni. Awa më ntehnëkëhni wasadade walëÿu ÿa canëniha Pol fagant lëÿ hni mbokaryëniha gë kañ.

¹¹ Ga mëdëk, Ahwëhn a njiko vëhni Pol hna ntehna: «Antë ntaki! Sede mën yeru ani Yerusalem li, ayenëhno fëna Rom hna.»

Pol urënd tëndënde

12 Ga pacëk wasëwif wëryampo më nkwëryëlëni; ntëkëni haryënkW Wën antë mbok tokëni do ceni hafo ndawëniha Pol.

13 Vële wëryëlëko watac va ntëbiniho vahnë wafëhw wahnah.

14 Më njini vësankaf vësëna wasadëha hna do gë vicër hna ntehnënihëhni: «Ntëkëbun bokëdilëfuhna rokëfu ma sefu iñë afo ryawëfuna Pol.

15 Awa wühnë, gwëryëlëryin gë Mbara Vëhitiñ va, tëyëryina tame Kumanda yi mbok njonëhniwuna Pol, alehnuna ñadun afëcëtauwu soñe lëwu ÿa. Ge fuhnë ye pëhwëtafuna ryawëfuna tëkahnind ani ÿa.»

16 Bare aju acëru asëval Pol umë nkwëryëk ga nësëde watac. Awa, më njik kañ hna pëyahna Pol.

17 Awa Pol më macëka asankaf wasodafë ryampo ntehna: «Yoryehna anji jar Kumanda hna kabi iñë hwëhn nafa ñad payahna.»

18 Arac më njoka jar ña gë Kumanda do ntehna: «Pol, ale sëdika lehnëko yonëhniyina anji jar; iñë ñad pëyaÿi.»

19 Kumanda ÿa më pëlaka jar ña vák yi canaryëka do tëya: «Ye ÿadu afëyawo?»

20 Jar ña më ntëkwaka: «Wasëwif wã nkwëryëlëni tëyënihi ayonëhnihi Pol acahn Mbara Vëhitiñ hna. Ntehnëdëni ñadëni pëcëtani soñe lëwu ÿa wapacëk.

21 Bare antë alëkwahni. Ntëbini vësan wafëhw wahnah vële fëhwëtak ndawëniha va. Ntëkëni ñoñ vërokëdina, vësedina ge gena ndawëniha. Tame fop pëhwëtani; mawëhu ña fo napëdëni.»

22 Awa Kumanda ŷa më ntehnëka jar űa: «Antë afëyahna wëla aryampo wante fëyaruho űi.» Tac tavëlehna mboka.

Pol Sesare hna

23 Kumanda ŷa më macëkëhni taű wa-ofisiye waki walëwu do ntehnëhni: «Barëpëryinëhni wasodafe wakeme waki, gë wasodafe wahwëhn wafahnac wafëhw mbëd gë wahi do gë wakeme waki vëhwëhn viwëta. Pëhwëtani njini Sesare; kahnëta űa wëwati imbëd gë wahnah g'umëd ga ye.

24 Pëhwëtanëhnëryina Pol fëna wafahnac, ayowuna yam fo vëhni guverëner Felikës hna.»

25 Tac më kerëhnëka Guverëner ŷa aűi kayëte:

26 «Asankaf alënah Felikës, ami, Këlod Lisiyas yaŷëryidëhi.

27 «Asan ale yëdanahnëryidëmina aŷi wasëwif wë fëlakawo do ñadëniho ndawëniha. Awa më rëkibu gë wasodafe mën wë lëcëbuha, kabi njëtabuho ale kwëhnëk Rom ye.

28 Ñadëfuho yëtu bi soűe ye ndëñanëniha wasëwif wë, awa umë yobuha Mbara Vëhitin ntëw hni hna.

29 Awa tëkatëbuho pëlaniha kabi dënënëdina sariya lëw hni ŷa, ñoñ gena ile hode ndawëhni ma cëdähni.

30 Bare takan pëyayibu wasëwif wëryampo pëhwëtani soűe ndawëniha. Umë yëdanahnëryidëmina hara napëla mbiŷ, do njëtandanëbuhëhni wasëwif wë ŷal hu hna tëfëka pëyahnëni ile lavëkëhni g'umë ŷa.»

³¹ Wasodafe wã umë njiryeryëniha Pol g'umëd fo gë Antipatëris gante ntehniniho ka.

³² Ga pacëk, mbokalehnëni gë kañ lëw hni, tavënihëhni vëhwëhn wafahnac va fo tøkaryëniha hafo vëhni Felikës hna.

³³ Ante tøkëni Sesare ña, vëhwëhn wafahnac va më njëdfaniha Felikës kayëte ña do njëdfahnëniha Pol.

³⁴ Guverëner ÿa, ga karanëk kayëte ña, umë tÿyëka Pol bi avë resiyo ÿëhne ye. Më ntëkwaka: «Avë Silisi yëfu».

³⁵ Awa Felikës më ntehnëka: «Nkwëryëdëmi ge tøkini vële yelëku va.» Tac më ntehnëk kwëti Pol cery cankaf Erođ hna, do njëkande.

24

Pol haryënkw Guverëner Felikës

¹ Ante ndëcëko wafac imbëd ña, asëna wasadëha asankaf, ale waciko Ananiyas ÿa, tøkëniho Sesare hna gë vicër do gë ale hnësëhnëdëhëhniwo vahnë ale waciko Terëtuyus, soñe pëyaniha guverëner ÿa ile ntik Pol ÿa.

² Pol macijiko do Terëtuyus pëgwëlehn pëyahnënd: «Alënah Felikës, ucankaf hu ña njonëhnikëfu yam hnëñah do hwëhna hakili hu ÿa gwëcëtëk viyë viyabah nkal li.

³ Camehniru g'intawary pacah soñe fop vile hnuyadëfun kwëlëkwël va, hn'ile-wo-le hna.

⁴ Soñe ant'avëyehni hnani ÿa, muntadëmi awwã g'ipërëna hu ña ahnëpa fu toyë.

5 «Tëkatëbun aÿi asan alakah d'us ye. Tënkëndëlehnëd'ëhëhni wasëwif wavë d'uniÿa ÿi fop, do fëna asankaf vërëfal Yesu mbë Nasaret ye.

6 Ñadëho dënk nti ile sëvak Cery Wën Cankaf hna, awa tac pëlabunëhawo.

7 [Ñadëfunëho hitiñëfuna gë sariya lëw fu ÿa, bare Kumanda ÿa, Lisiyas, më njijëk tebëfuna gë fanka.

8 Tac më ntehnëkëfu ÿal hu hna tëfëka yijëfu afëyayi ile ntikëfu ÿa.] Ge tÿëruha, njëtëdu wëjë dënk wante hnësëbun ñi fop toña ye.»

9 Wasëwif wã njawënëniho ile nësëko ÿa ntehnëni: «Ha, ile nësëk ÿi fop toña ye.»

Idëkwa Pol ña

10 Awa Guverëner ÿa më ndëkwanëka Pol teba wanës ña. Tebalehn ntehn: «Njëtëbu wabëhn wayabah ye kobëri ga kitijahnëd'uhëhni vahnë va nkal li. Soñe umë hnësándëbu g'ikwëtahn haryënk'w lëw hu.

11 Kodu ayëkëlehn wëjë dënk, dëbëna wafac pëhw gë wahi ga njihahni bu Yerusalem soñe icëmb Wënu ña.

12 Do ahnë nulohna ga conkëntëdëbu Cery Wën Cankaf hna ma ga matëndëd'ëfuhëhni vahnë ntini sonko vacaliña hna, do gë hn'inaw hna.

13 Do fëna vëÿi vahnë ñoñ vëhwëhnana ile tufahnëd'ëni toña ye wanës wadëw hni ñi.

14 Bare wañi ye toña ÿa: Wën warëm fu ña ryokunëhnëd'ëbu rëfatëndu Ankañ Ahwëhn a,

nte ntehnëni gena catah ña; kwëtahnëbu ile-wo-le herik vëkayëte Sariya hna do gë vëmba wakila hna.

15 Inji kwëtahn hwëhnaabu, vëhni fëna kwëtahn tac dënk kwëhnani, vëhni fop, vëli wameh gë vësatah per mbëhnëndanëdëni.

16 Soñe umë ye hn'ile-wo-le nkebu hna njawëredëfu liwu kwëlëkwël ile satëk haryënkW Wën hna do gë vahnë hna.

17 «Ga mbiyëk wabëhn wayabah yijëla Yerusalem, umë vokajëbu yonëhniwëhni uryema koryi wasëwif wale hwëtahnëk wã do sanëhnëwa Wën mën ña sadëha.

18 Umë lidëfuho ante tëkatënihowo selele Cery Wën Cankaf ña ante puhnadëfuho pacëna ña; gelëfunohna gë kore, matëndëlëwohna fëna sonko.

19 Bare wasëwif wëryampo wavë resiyo Asi wã hnam nkentiniho. Vëhni rëfakëha kahnëni haryënkW hu pëyahnëni ile libu ña, ge nke ile lavëkëhni g'ami.

20 Ma hnë vële ye hnani vi, ge nuko iñë wëh ile libu ante njoyibuho Mbara Vëhitiñ vëlëw hni hna, pëyahn.

21 Kabi ntehnëbuho vahnë va mbëhnëdëni, soñe rac hitiñahnëdunëho dol!»

22 Felikës njëtëko d'us Ankañ Ahwëhn a. Awa, umë karacëk kiti ña nkañ kawary ntehn: «Kitiñëdëmu ge Lisiyas njijëk.»

23 Umë ntehnëka ofisiye le hwëtëhnanhnikawo Pol ña tëfëka njëkanda, bare ant'awëmañehna d'us, do ant'awëmañehnehni vëlëwu va njijëni ndemaniha.

Pol haryënkw vëhni Felikës gë Dërusi

²⁴ Ga ndëcëk wafac, Felikës tëkiniho g'asëvalu Dërusi, ale yeho sëwif ÿa. Umë payehnëko njinëhni Pol do nëpakawo nës soñe ikwëtahn Yesu Këris ña.

²⁵ Bare Pol, umë pëgwëk nësënd gante tëfëka nke ahnë nëñahna Wënu ña g'umë, aŵënk nkaf hu ña do gë kiti vahnë nte yejëk ña. Awa Felikës ntakëlehna tañ, më ntehnëka: «Tame gwër nke, soñe dol ÿa! Ante njivëmadëho ña mbokëdëmi ŵaci.»

²⁶ Felikës ntiyahnëkawo fëna Pol njëfadëha koryi. Soñe umë macehnahnëdëhawo wati-wati nësëlëndëni.

²⁷ Wabëhn waki ryëcëko koyëna, tac Felikës, Porësiyus Fesëtus, hnëmpëtëkawo, bare kabi Felikës, ñadëho wasëwif ŵa nëñëhni g'umë, umë tavëka Pol kaso hna.

25

Pol haryënkw Fesëtus

¹ Awa Fesëtus tëkëko hnë resiyo Sesare, hn'ile nawëd hna, do wafac warar fo ntiko matëlehni hnam nji Yerusalem.

² Hnam vësankaf vësëna wasadëha va gë vicër wasëwif va njijëniho pëyaniha ile ntik Pol ÿa.

³ Tac këlädënihawo maŵëhnëhni njoyi Pol Yerusalem. Ñadëniho koyëna kabi wasëwif wëryampo pëhwëtaniho ndawëniha Pol nkaw hna ge njiryeryëde gë Yerusalem.

⁴ Fesëtus më ntëkwakëhni: «Pol Sesare hna cëdik, do biyëdina ami dënk mbokadëfu hnam.»

⁵ Më mbok ntehnëkëhni kat: «Arabi vësankaf hun va nijjèni rëfëlëfu g'ami yifu gë Sesare. Njidëni pëyahneni age iñë wëh ntik ayi asan!»

⁶ Fesëtus mpëd wafac imbëd gë warar ma ipëhw ñëwëko Yerusalem hna, tac më mbokak gë Sesare. Ga pacëk umë njik ntaña kitija hna soje kitija Pol do ntehn njoji.

⁷ Ga tëkik Pol, wasëwif wale wätiko Yerusalem wã kwërënihawo do nësëni wanës wanayah wayabah, bare ñoñ vëhwëhnalohna ile ru-fahnëd wanës wadëw hni ña toña ye.

⁸ Awa Pol, më lehnëko: «Ñoñ ñwëyëhnëla sariya wasëwif, do dila wameh Cery Wën Cankaf hna, do dëntahnëlëwahna fëna asankaf a Sesar.»

⁹ Bare Fesëtus ñadëho wasëwif wã nëjëhni g'umë. Soje rac tëyahnekawo Pol: «Ñadu bi ayi Yerusalem ahitiñi hnam?»

¹⁰ Pol më ntëkwaka: «Haryënkw kitija Sesar hna kahnëbu do haryënkw hnañi kitija tëfëko hitiñiwu. Njëtëru d'us wëjë dënk ñoñ dilëwëhni hna bulunda wasëwif wï.

¹¹ Ge menëbu, ge ntibu ile rëfëko ryawahniwu, ñwëyëda icëm inji. Bare ge wante nësëdëni vëyi ña kwëhnana nkaf, ahnë kwëhnana fanka njëdahno hnë vëhni ndawëniho. Mëcabuha Sesar kitiñëfu!»

¹² Ga nësëk koyëna, Fesëtus më nulëni gë vëyab vëlëwu va, tac më ntëkwaka Pol ntehna: «Sesar wëcaru kitiji, awa njid'u kitiju Rom hna.»

Pol haryënkw vëhni Agëripa hna do gë Berenis

13 Ga mbiyëk wafac toye, ahnaŵ a Agëripa g'acëru asëval ale ŵaciko Berenis njijëniho Sesare, nkaŷiniha Fesëtus.

14 Kabi wafac wayabah ñadëniho ntini hnam Fesëtus më tëyëka ahnaŵ a soŋe Pol ŷa, ntehna: «Felikës asan aryampo ale sëdîk taveryëkowa.

15 Ante njibuho Yerusalem ŋa, vësankaf vësëna wasadëha va gë vëvë karyënkwa bulunda wasëwif va, njijëniho pëyaniho ile ntik ŷa do muntaniho hitiŋëwa ndaŵi.

16 «Bare umë lëkwabuhëhni: “Namu vë Rom ŷa mbañëk yëdahnî ale sëdîk hara nësana soŋe lëŵu ŷa haryënkwa vële sëdehnëka va.”

17 Awa tëfëlibunëho gë vëhni. Ntibuho ñap ga pacëk, më lañabu kitija hna, do fayehnu njoji asan arac.

18 Vële sëdehnëkawo va tëkiniho bare ñoñ vëhnësëlohna, wëla uryampo wanayah wante hnahabuho ntik ŋa.

19 Soŋe ikwëtahn wasëwif nkwajëlëdëniho g'umë do gë soŋe ale ŵacëde Yesu. Asan arac cëmëk, bare Pol umë lehnëk mbëhnëk.

20 Kabi kodëwohna hitiju isifa wanës më rëyëbuha Pol bi ñad nji Yerusalem. Hnam kode kitiji.

21 Bare Pol pecehnëka mëcahna Sesar kitija umë. Soŋe umë lehnahnëbu tavi kaso hna do njëkande hafo ante kodëfu yëdahnëwa gë vëhni Sesar ka.»

22 Awa Agëripa më ntehnëka Fesëtus: «Ami dënk ñakëndëbu wëryëŵa aŷi asan.»

Fesëtus më ntëkwaka: «Acahn nkwëryëdëfuha.»

²³ Ga pacëk, kore yabah hacakëhniwo g'untënah Agëripa gë Berenis. Tënkëlahnëniho gë vësankaf wasoðafe wã do gë vële ýak yëtik ßulunda va ßambery cery cankaf hn'ile nkwaýëlëdëni asankaf gë vahnë ña. Awa Fesëtus më ntehnëk njoji Pol. ²⁴ Ga tëkaryijik Fesëtus më ntehnëk: «Ahnaŵ Agëripa gë wũhnë vële yentik ani vi fop, wëliho soñe aýi asan njihahniniho ßulunda wasëwif wã fop pëyaniho Yerusalem hna do gë hnani, ndekatëndëni: “Aýi asan tëfëlahna nkonti ðuniýa li: tëfëka ndaŵi.”

²⁵ Bare ami, ñoñ nula ile ntik hode ndaŵahni. Bare kabi umë dënk wëcaka Sesar, pëhnabu yëðanahnëŵa nji kitiña Rom hna.

²⁶ Ñoñ nula ile hoðëfu herëhnëŵa Sesar soñe lëwu ýa. Umë wacehnahnibuha karyënkw hun, do dënk haryënkwehu wëjë, ahnaŵ Agëripa, soñe tëyi bi wañëhne wameh ntik wante herëndëbuha Sesar.

²⁷ Ntißu koyëna kabi ntiyahnëko, njëðanahnihna Sesar do pëyahni ile cëðahnik ýa, kwëhnana nkaf.»

26

Inësa Pol ña

¹ Agëripa më ntehnëka Pol: «Tebary wanës ña ahnësa soñe lëw hu ýa.»

Awa Pol më ntëkwak g'ivák lëwu ýa do nësa soñe lëwu ýa ntehn:

² «Ahnaŵ Agëripa, dol natëko gante kolëbu hnësawu haryënkw lëw hu soñe fop wanës wante nësëni wasëwif nta mën ña,

³ kabi njëtëru ðus fop namu lëw hni ÿa do gë nkwaǵëla ntëw hni ña fop. Soǵe umë muntadëmi ahnëpawo g'iduñëna.

⁴ «Wasëwif wã fop njëtëni njasa mën ña kobëri utah mën hna; njëtëni gante nkebuho ka kobëri wapëgwa hna, fagant bulunda lëmën hna do gë Yerusalem hna.

⁵ Mbiyëk ga njëtëniho do kodëni nkeni wasede mën, ge paryi ñadëni, gë vële ÿak satëk, rëfëd namu wasëwif wapacëk va nkentibu: vëhni ye wafarise wã.

⁶ Do tame njojibu hnë kitija, kabi kwëtahnëbu Wënu ña ntid ile nësëhnëkëhniwo vacërakëlo fu va.

⁷ Wahnënk ipëhw gë wahi Isërayel wã kwëtahnëni nudëni ga ntiyak watac, do soǵe rac ndokuñëhnëdëniha kwëlëkwël Wënu ña, g'umëd gë g'anent. Ha, ahnaw Agëripa, soǵe ikwëtahn tac pëlahnëniho wasëwif wã!

⁸ Wuhnë wasëwif wi, soǵe ye worun kwëtahnëluhna Wënu ña mbëhnëndanëdëhëhni vësëm va?

⁹ «Ami dënk nahabuho wëtaryu gë wafere wã fop uwac Yesu mbë Nasaret ña.

¹⁰ Umë libuho Yerusalem hna: vësankaf vësëna wasadëha va yëdäkowö fanka farac do cëdëbuhëhniwo vahnë Wën vëyabah; do ge ndawëdëniho caǵahnëdëhowo.

¹¹ Ndapëdëfuho vacaliña va vërehnëndëwëhni do yawërëndu ravëtehñëwëhni ikwëtahn dëw hni ña forosima. Ntavëdëhowo gë vëhni afo yindu vërehnindëwëhni vankol vakawary hna.

Gante kwëtahnëka Pol Ahwëhn a

12 «Koyëna fac ryampo Damas yidëfuho, gë fanka fale njëdanihowo vësankaf vësëna wasadëha va.

13 Ahnaŵ Agëripa, lav a nkëhnëko tøk nkaf li, ante njidëfuho ŋa, do nubuhö humpen ga matik g'ambin. Humpen hutac ntëbëko lav wi. Umë njijëk penëkëfu gë vële rëfëlëbunëho va.

14 Njobunëho fuhnë fop do wëryëlehnu kopa ga ntehnëdëho gë wanës Wa-ebëre: “Sol, Sol, soŋe ye vërehnëdëfuho? Cërehnadu wëjë had yihni ile hasëd ryoko ile keryande.”

15 «Umë rëyëbu: “Ahwëhn, mo yeru?”

«Ahwëhn a më ntëkwako: “Ami, Yesu, nte vërehnëdu ŋa ye.

16 Matëry ahahn; tufëhnami soŋe aye aryokuŋëhn mën, ayehahn sedë mën, pëyaduhëhni vahnë va gante nuruhö dol ka do le yadëmi rufi yä fëna.

17 Keryëdëmi gë wasëwif wä do gë vële wok vëyena wasëwif hnë doku le fayëdëmi hna.

18 Payëdëmi ayi ayesëhnëdëhni, ntihëtëdëfuhehni umëhwëry hna, mbokaryëdëfuhehni gë humpen do ntihëtëdëfuhehni hnë imëk Sintani hna soŋe avokaryëhni gë Wën. Ge kwëtahnëniho ami, nuŷadëni itavëhn wameh wadëw hni ŋa do gë yëwä hnë vahnë vële hwëtahnëka Wën hna.”

19 «Ahnaŵ Agëripa, ŋwëyëda waŋi wanës wante wätik g'ambin ŋi.

20 Pëgw Damas, Yerusalem, Yude hna fop hafo vëvë wayal wayëntaŵ va pëyabuhëhni tëfëka nkwëcëtani vankeya vantëw hni va, mbokani gë Wën do tufahnëni paryi nke nkwëcëtani.

21 Soŋe umë pëlahnëniho wasëwif wï Cery Wën Cankaf hna do ñadëniho ndawëniho.

22 Bare hafo dol Wënu ña ndemaðëho kwëlëkwël do hnani nkebu soŋe yëtëdanëwëhni ceðeya mën ña vahnë fop, vële hwëhna nafa gë vële wok vëhwëhnana per. Ñoñ nësëða haŋary ge gena ile nësëðëniho tëkid hnë vëkayëte wakila gë Moyis ÿa fo ye. Umë ye:

23 afo Arëhnaŋik a korot; umë yed ale ryënkweð mbëhn vësëm hna do tufëðëhëhni nkaŋ ipëh iña gë humpen hudëwu ha wasëwif wï do gë vële wok vëyena wasëwif.»

Pol ñad Agëripa kwëtahn

24 Pol nkoço nësand ante ndekako Fesëtus ntehn: «Cenaki, Pol! Karaŋëru hafo cënaŋi!»

25 Pol më ntëkwaka ntehn: «Alënah Fesëtus, cenalohna. Wanës toña do gë hakili fëren hnësëðëfu.»

26 Ahnaŋ Agëripa njëtëk waŋi fop, soŋe umë hnësandëbu g'ikwëtahn tase lëwu. Pacëko njëtëk waŋi fop kabi waŋi diyana hn'ile nkok nuyina.

27 Ahnaŋ Agëripa, kwëtahnëru bi wanës wakila ña? Ha, njëtëbu kwëtahnëru.»

28 Agëripa më ntëkwaka Pol: «Ge nkoru ahnësëhnëndo ntiyahnëko biyëðina kwëtahnëðëfuha Yesu.»

29 Pol më ntëkwaka: «Arabi nkekënd, mbiyëk biyëna! Wëjë, gë wuhne vële hnëpaðëho dol vi, ndëwadëfu g'idema Wënu ña ayewu fop g'ami ki, bare hara vankëncä këm!»

³⁰ Wati rac ahnaŵ a, gë Guverëner ŷa, gë Berenis do gë fop vële yentiko hnam va matëlehnëni.

³¹ Cahnëdëniho nësëlëhatëndëni: «Aŷi asan ñoñ dina ile rëfëka ndaŵahni ma cëdahni.»

³² Agëripa më ntehnëka Fesëtus: «Aŷi asan kokënde tavi age mëcakëndilahna Sesar.»

27

Uyas Pol

¹ Ga pëhnayik hayëndifu hnë sisikulu yiryeryifu Itali, umë nufik Pol gë vësëdik vëhaŵary, kwëtehnikëhni ofisiye kore wasodade Sesar Ogusët, ale ŵacik Yuliyus fëna.

² Arisëtarëk avë Tesalonik mbë Masedëwan yentiko gë fuhnë. Më hayëbun hnë sisikulu le hwëhniko hnë nkol mbë Adëramit do ŷadëho tëf wahnawŵ resiŷo Asi hna, yilehnëfu.

³ Ga pacëk më rëkëbun Sidon. Yuliyus, g'ufacah ntaŵary dëŵu űa, më tavëka Pol nji, njëkihni wëlawo walëŵu ŵa nuŷahni ile valëka.

⁴ Ga matëbun hnam, umë yibun fagant wov hna. Kabi pankëlëdëfunëho gë sël ŷa, yilehnëfu gë cape Tinti Sipër.

⁵ Më rëfëbun darël Silisi gë Pampëfili rëkëlehnëfu Mir, resiŷo Lisi hna.

⁶ Hnam ofisiye wasodade ŷa më nuk sisikulu le hwëhniko Alekësandëri ga njid Itali do më kayëndëkëfu.

⁷ Hnë wafac wayabah njidëfunëho wajira fo, do g'ambër cankaŵ tëkëbunëho darël hn'ankol nte ŵacik Kënid. Hnë wati rac sël ŷa memaŷehnekëfuno yifu karyënkŵ, awa më

rëfëbun Salëmone mbë Tinti Këret do ryëcalëfu gë cape inte hákëdfëhëfuno sël ÿa.

⁸ G'ambër cankaŋ ndëcëbunëho hnam rëkëlehnëfu, le macëde «Hahna Fërën», nte kakëni g'ankol Lase ŋa.

⁹ Bare mbiÿëbunëho d'us nkaŵ hna do pëgwëko ntakënd uyas fu wã, kabi fac le suŋahnëde ÿa* tëko ndëc. Soŋe umë nk-abëkëhniwo Pol ntehn:

¹⁰ «Vëÿënta mën, kamahnëbu uŵi yas kata fo yed karyënkŵ: sisikulu ÿi g'ile ndiŋëk per përekaŋ, do fëna fuhnë dënk kodën cëmin hnam.»

¹¹ Bare gena Pol kwëtahnëko ofisiye ÿa. Ayaryary sisikulu ÿa g'ahwëhn sisikulu ÿa yeho.

¹² Kabi sëla rac yivëlohna g'alu ga, vëyabah vëvë sisikulu va pëhnaniho njini hafo sëla, hnë Tinti Këret hna, ile wãciko Fenikës, ge kodëni. Hnam kodëniho cowani sël ÿa do ndëcëtëni alu ÿa.

Sël sankaf ÿa wov hna

¹³ Sël pëgwëlehn cëlënd wajira fo, do ntiyahnëkëhniwo kodëni ntini gante pëhwëtaniho ka. Awa më matëndëni waryëhwëra wale hahnëndande sisikulu ÿa do kahnëtalehnëni nko tëfëndëni wov le ye Tinti Këret ÿa.

* **27:9 27:9** *Fac le suŋahnëde ÿa:* Gë sepëtambër ÿa ma okëtobër ÿa nkef. Ge ndëcëk rac, uyas wã ntakëd.

14 Bare biyëna sël hwëhn fanka sankaf le wãcëde «Erakilona†», pëgwëlehn cëlënd gë fanka do

15 njoryaryëlehn sisikulu ÿa. Kodilohna mbok nji pankëlatëndëni gë sël ÿa awa umë ravëbun njofu.

16 Më rëfëbun gë wov fatinti fatoy fante wãcik Koda hna. Tinti rac hakëkëfuno toye sël ÿa. Hnam g'ambër cankaf mëkëbunëho ryojëfu fakulu fatoy fante fehände fa hafo hayëndëfu sisikulu hna.

17 Ga kayëndëni sisikulu hna vëryokuñ vëvë sisikulu va umë ntampaÿëni ñabëni waryeyët caharaß sisikulu ÿa. Tac kabi ntakëkëhniwo antë poha hnë nkërëyal bë wov Siyërët‡ hna, më cëlëndëni ryëhwa sankaf le ÿaÿëtëd' iyanc sisikulu ÿa do tavëni sël ÿa njohni.

18 Ga pacëk, kabi nkoko mbërehnëndëfu sël rac, vëryokuñ va më pëgwëni ntonëndëni gë wov ile ndibëko sisikulu ÿa.

19 Fac rarëna hna umë mbokëni ntonëni gë wov, vëhni dënk, viyë vile yaryaryande sisikulu ÿa.

20 Hnë wafac wayabah golohna nunde ulav wã gë wahol wã per, do sël ÿa nkoko cëlënd gë fanka hafo golëfunohna hwëtahnëfu pëhëdëfun.

21 Vële yeho sisikulu va mbiyëkëhniwo rok roka ÿa. Awa Pol më matëk haryënkwi lëw hni ntehn: «Vëyënta mën, tëfëkawo ahnëpawuno, do antë kahnëtayin Këret hna hafo njijin

† 27:14 27.14 Erakilona: Rëv sankaf le watid' gë cape pëhna lav wãcik koyëna. ‡ 27:17 27.17 Siyërët: Umë wãcëde iÿi wati Libi.

nuŷayin iŷi kata.

²² Tame muntadëmu aŷabu wasakahn hun w̄a: wëla aryampo hnë w̄uhnë cëmëdina; sisikulu ŷi fo fërëkad.

²³ Gumëd ga mëleka Wën hunte hwëhnëko, do ryokuŷëhnëdëfuha, njjakëh

²⁴ pëyawo: “Antë ntaki, Pol! Afo arëk haryënkw Sesar, do soŷe lëw̄ hu Wënu ŷa pehëтарыëdëhëhni vële rëfëlërun vi fop.”

²⁵ Awa vëŷënta mën, ñabëryin wasakahn w̄a! Kwëtahnebuha Wënu ŷa: gante pëyako ki, fop nked.

²⁶ Bare hnë tëfary Tinti tëfëka pohayin.»

²⁷ Fac hwëhn pëhw gë wahnah ŷa yeho ga njohandëhëfuno sël ŷa wov Mediterane hna. Fagant g'umëd ga, vëryokuŷ vëvë sisikulu va ntiyahnekëhniwo vambëŷ rëhabun.

²⁸ Umë ntonëni ryeyët le ŷaŷande itëw̄ wov ŷa; më tëkatëni tëw̄ iŷa wametër wafëhw warar g'imbëd gë wahi ye. Ante mbokëbun yifu ŷaŷët toyë ŷa, më mbok ntonëni do tëkatëniho wametër wafëhw wahi g'imbëd gë warar ye hnam.

²⁹ Ntakëkëhniwo antë sisikulu ŷa nkëw̄ wëraka, më ntonëni kamëhni waryëhwëra wahnah wale hahnëndande sisikulu w̄a do ñankahnëkëhniwo pac ñap.

³⁰ Hnë wati rac vëryokuŷ vëvë sisikulu va njëkëlëndëniho gante pehandëni; umë cëlëndëni fakulu fa gë wënka, ntini had waryëhwëra w̄a ñad cëlëndëni haryënkw sisikulu hna hara gante pehahnëdëni njëkëlehnëdëni.

³¹ Bare Pol më ntehnëka ofisiye wasodafe ÿa gë wasodafe walëwu wã: «Ge vëyi vësan vëwontina sisikulu li, Wënu ña pehëtëdëlihna.»

³² Awa wasodafe wã më ntëpëtëni ryeyët ile fokahniko fakulu ÿa tavëlehnëni nji.

³³ Pacëlohna ten, muntatëhni Pol vëhni fop tokëni iñë. Më ntehnëkëhni: «Dol nke wafac pëhw gë wahnah ga nkerun hn'ufëmpëhnah sisikulu li, do ñoñ tokëdïluhna.»

³⁴ Awa ami kamënaÿëhnëdëmu aroku, ge ñadiluna asëmu. Yëtëryin, wëla ahnë aryampo hnë wuhnë cëvëdïlahna imul dampo.»

³⁵ Ga nësëko watac, më nufëk mburu, camehnëka Wënu ña tase vahnë fop, tac nkubëlehnëk do tok.

³⁶ Awa vëhni fop njawënantëlehnini do pëgwëlehnëni tokëntëndeni.

³⁷ Vahnë wakeme waki gë wafëhw imbëd gë wahi g'imbëd g'aryaw (276) yebunëho fop sisikulu hna.

³⁸ Ante tokëbunëho hafo fihñëfu ña, më ntonjëni roka ÿa gë wov ñaÿëtahnëni idïb sisikulu ña.

Ipërëka sisikulu ña

³⁹ Ikëd vambëj nuðëniho ante pacëko ña, bare wëla aryampo hnë vëryokuñ vëvë sisikulu va yavëtëlohna hn'ile nkebunëho hna. Umë pëhnani pohëni sisikulu ÿa hnam ge kodëni.

⁴⁰ Awa më pëtëni waryëhwëra wale hahnëndahnëde sisikulu ÿa tavëni wov hna; wati rac dënk pëtëlehnëni waryeyët wale ÿabahniko wadëhwa wade satënandeho

sisikulu ŷa. Tac matëndëni ipand inte yiryeryëd karyënkw soŷe sël ŷa peña, pabëni g'itëfary.

⁴¹ Bare sisikulu ŷa më njik pohak hnë yëbëlan wavënkwëhn nkërëyal, teryalehn hnam. Ankaf sisikulu ŷa më pohak ðus nkërëyal hna, kodilohna mbok ñënkëlehna, tac wavonkëlo wëнка, wahwëhn fanka ŷa, më nihëk sisikulu ŷa kamëhni.

⁴² Watac ga ntiyak, wasodaðe wã ñadëniho ndawënihëhni vësëðik va, soŷe ahnë antë peh ge ndëfad wëнка hna.

⁴³ Bare ofisiye ŷa ñadëho pehëta Pol awa më tavëtehnëkëhni ile ñadëniho ntini ŷa; më ntehnëkëhni vële holëk wëнка va ntëbani ndëfani ndanëni.

⁴⁴ Tac vëÿëntaŷ va pëlani vacal ma vanihel sisikulu va, tëfënihëhni. Koyëna ndanëniho vëhni fop yam fo hara ahnë cëmëna.

28

Hnë Tinti Malët hna

¹ Ante ndanëbunëho fuhnë fop yam fo ŷa, më fëyayibun Tinti rac Malët macik.

² Vële lëðëk hnam va më kacanihëfu g'untënah cankaŷ; pëðëhnënihëfu hwëðëh hucankaŷ, kac-ahnënihëfu, kaŷi tëvëðëho do huji ha njoko.

³ Pol më mbarëpik kore waðëhwa, ntab hwëðëh hna, ðare lën më cahnik yakah hna ŷarëka vák li, nkolehna hnam.

⁴ Vëvë Tinti rac va, ante nuniha lën ŷa ga ntasað vák Pol hna, më ntehnëlëðëni: «Aÿi asan lëk aryaŷ vahnë ye. Pehik wov hna, ðare Wënu ŷa maŷëna nkonti ðuniŷa li.»

⁵ Bare Pol më cëlëvëtaka lën ÿa hwëdëh hna do davëdïlawohna anjar ña wëla toye.

⁶ Ntiyahnëkëhniwo nudëniha tameki ga matëka vák ÿa ma njod cëmëlehn tañ, bare ante napëniho hafo mbiÿ ña, nuniho ñoñ dilahna. Awa më nkwëcëtëni vinahan vidëw hni va, ntehnëni Pol wën ye.

⁷ Wëhaÿ yeho ðarël hnam wale kwëhnëko asankaf Tinti ale waciko Pibëliyus. Më ntëvakëfu lëv sankaf hnë wafac warar.

⁸ Hara rëmu pad hna nkeho: ures yak mbahn tesëko do donk yaryaryëdëhawa fëna. Pol më njik njëka do tindëka wëbák ña, njëfanëka, njërënëlehna.

⁹ Ga ndëcëk umë vëres vëÿëntaw vëvë Tinti va fop njijëdëniho do vëhni fëna njërënëkëhniwo.

¹⁰ Umë njëdanihëfu untënah cankaf do, ante tëkëko wati ile vokahnëdëfun gë wov ña, njëdanihëfuno ile valëkëfuno soñe uyas wã fop.

Tëkëdëni Rom hna

¹¹ Ga nuÿabun wadepëra watar hnam, më hayëbun sisikulu ile hwëhniko Alekësandëri hna, ile wacëdeho «Diyosëkur*», ile yeho hnë Tinti wati wëh hna fop.

¹² Rëkëbun Sirakis do ñëwëbunëho hnam wafac warar.

¹³ Tac vok ryëcalëlehnëfu rëkëfu hn'inaw Regiyo. Ga pacëk, sël pëgwëlehn cëlënd, do hnë wafac wahi rëkëlehnëfu hnë sëla Pusol hna.

* **28:11 28.11** *Diyosëkur*: Vëhi hnë wawën vëvë Gëres ye; vësëp vële heryidëhëni vëyas hnë wënka wacik koyëna.

14 Vële hwëtahnëk rëkatëbunëho hn'inaŵ tac. Umë tÿënihfëfu yëwëfu gë vëhni soŋe wafac mbëd gë wahi. Tac ryëcalëlehnëfu gë wapary fo gë Rom ka.

15 Vële hwëtahnëk vëvë Rom va njëtaniho njijëbun, vëhni njijëdëniho hafo Saha Apiyus hna do hn'ile macëde Vacery Vatar hna kacanihfëfuno. Pol nundëhni tuŋ, më camehnëka Wënu ŋa do ñab g'ahawãry sakahnë hadëwu ha.

16 Ante tëkëbun Rom ŋa, më maŵëryanik Pol ntëd hn'acery minu fo gë sofade ryampo njëkanda.

Ikaray Pol Rom hna

17 Ante ntiniho wafac warar ŋa Pol më payehnëkëhni vësankaf wasëwif wavë Rom wã njijëni yalu hna. Ga mbarëni më ntehnëkëhni: «Vëyënta mën, mama nkobu dila wëh bulunda fu hna, do dila fëna ile hnëmpëlëk gë namu warëm fu yã, pëlayibuho Yerusalem hna do yëdahniwu hnë wasofade Rom.

18 Vahnë vërac, ante pëcëtaniihowo ŋa, ñadëniho tãvëniho kabi ñoñ vëhnulohna ile rëfëka ndawahnëniho.

19 Bare kabi wasëwif wã ŋwëyëni, më wëcahnëbuha Sesar. Bare dila rac kabi ñadëfu lehnëwëhni wameh bulunda mën yã.

20 Soŋe umë rëyahnému ayiju nulin do hnësëhnu; kabi soŋe ale napëdëniho bulunda vëva Isërayel do rëkik tame yã yabahniŋu gë vankëncã.»

21 Wasëwif wã më ntëkwaniha: «Wëla kayëte nte watik Yude soŋe lëw hu nuyalëfuhna do la

aryampo bulunda lëw̃ fu ÿa matina hatac njij pëyafu soḡe lëw̃ hu ile wok yivëna.

²² Bare ñadëfun ahnësëhnëfu wëjë dënk ile hnaharu ÿa, kabi njëtëbun gante-wo-gante nkeni vahnë vële hnësëf wameh soḡe Nkaw̃ nte rëfëdu ni.»

²³ Awa më kahnëndëni fac ile mbokëf mbarahnëni gë Pol ÿa. Fac rac njabiniho ntëbi haryënkwëryënkw tëkatëniha hn'ile ntëfëko hna. Kobëri g'acahnëfëf ga hafo g'anëka ga karanëdëhëhniwo. Gë Sariya Moyis ÿa do gë Vëkayëte wakila ḡa nësëhnëdëhëhniwo Naw̃ Wënu ḡa do koyëna njawëredëho kwëtahnëniha Yesu.

²⁴ Bare vëryampo fo w̃aw̃ëko wante nësëdëho ḡa, vëyëntaw̃ va ḡwëyëniho vëhwëtahnëdina.

²⁵ Wati nte pitëlëdëniho ḡa, vëwëryëlëlohna yëbëlan lëw̃ hni. Awa Pol më ntehnëkëhni: «Iyir Ipacah ḡa toña nësëhnëkëhniwo vacërakëlo hun va hnë w̃ës kila ale w̃aciko Esayi hna ante ntehnëdëho:

²⁶ «“Yiryeyi alehnëhni iḡi bulunda:

Kodun awëryu d̃us bare hara ñoñ yëtëluhna paryi;

kodun ayëku d̃us, bare hara nuluhna paryi.

²⁷ Paryi nke iḡi bulunda kambëkëhni vankaf va. Ciḡani vanëf va

do ndëmëni soḡe antë vinkër vidëw̃ hni va nu, antë vanëf vantëw̃ hni va nkwëry.

Ge gena umë njijakëndëni gë ḡal mën do tavëhnakëndëbuhëhni yërënëw̃ëhni fëna!”✧»

✧ 28:27 28.27: Esayi 6.9-10

²⁸ Pol më mbok ntehnëk: «Tëfëka ayëtu iñë ryampo: kabi koyëna nke, tame vële wok vëyena wasëwif va pëyayini wakasëk ipëh nte watik gë Wënu ña. Vëhni, nëpadëni wanës watac.»

²⁹ [Ga nësëk Pol watac, wasëwif wã kahnëtalehnëni nkwajëlëhatëndëni.]

³⁰ Wabëhn waki ntiko Pol cery nte cosahnëdëho nkehahn hna. Kacadëhëhniwo vële yijëdëho njëkëniha va fop.

³¹ Pëyahnëdëho Naw Wënu ña do karañëhnëdëhëniho soñe Ahwëhn a Yesu Këris g'ikwëtahn yabah do hara memaÿehnina.

CXX

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e